

# APOLOGETICVM

## AD GERMANOS, PRO RELIGIONIS CATHOLICAE PACE, ATQVE SOLIDA ECCLESIARVM IN VERO CHRISTI IESV EVANGELIO CONCORDIA:

refe-  
na-  
ran-  
tu d  
Ger-  
or-  
as.

**CVI** INSERTA EST RESPONSIO AD CODICEM D. FERDINANDO A. pro Confessione Augustana, & Germanico schismate An. 62. Francfordia: ab Illustriſſimis Electoribus quibusdam, ſummisqve Rom. Imperij Ordinibus oblatum; & An. 65. ab Anonymis aliquot delectis Confessionistarum patronis defenſum.

*In preſat. ad C. A. MAXIMILIANVM eſt certa perinde ac ſacillima ſimul & indubia ſarcienda inter Catholicos atque Proteſtantes de dogmatibus aliquot pauculis nondum proſus conciliatis concordia ratio.*

**TOM. II.** *preſat. ad omnes Germaniarum Episcopos agitur de neceſſaria, ſacillimâque Eccleſiaſtiſorum in moribus reformatione; quæ una eſt concordia de fide una verè Evangelica concilianda, tollendiq; ſchiſmatis Germanici remora.*

Auctore Reuerendiſſ. D. Wilhel. Damasci Lindano,  
Dordraceno, s. d. Ec. Ruremond. Episcopo.

**I. COR. XIII.** An à vobis verbum Dei proceſſit: an in vos ſolos peruenit?  
**IOHAN. I.** Quod audiſtis ab initio, hoc in vobis permanear.  
**GALAT. I.** Si quis vobis Euangelizauerit, præter id quod accepiſtis, anathema ſit.

Quæ amplius hoc ex opere ſint pijs Lectoribus petenda,  
verſum loquetur folium.



ANTVERPIAE,  
Ex officina Christophori Plantini.  
M. D. LXVIII.

SSN  
D. CYPRIANVS DE VNITATE

ECCLESIAE.

*Non potest DEVM habere PATREM, qui Catholicam  
CHRISTI Ecclesiam non habet MATREM.*

D. AMBROSIVS DE POENITEN.

LIB. I. CAP. VI.

*Non habent PETRI hereditatē, qui PETRI SEDEM  
non habent, quam impia diuisione discerpunt.*

Reperias & hic C. Lector, præter fidei Christianæ, piarum-  
que Ceremoniarum apud Catholicos solemnum Apologe-  
ticum, præterque S. Concilij Trident. Decreta, contra illos A-  
nonymos Confessionistarum patronos, & MARTINI Kem-  
nicij Examen, futilesque aliorum aliquot pacificatorum cen-  
suras defensa.

Ad hæc non paucos SS. originum fontes erutos atque a-  
pertos, iustamque Panopliæ nostræ Euangelicæ propugnatio-  
nem, contra Zoilorum morsus, suis obiter locis inspersam.



IN APOLOGETICVM  
RELIGIONIS CATHOLICAE.

pro vera GERMANIAE cum ipso DEI verbo atque  
germano EVANGELIO, veraque Christi  
IESU Ecclesia Catholica & Aposto-  
lica pace atque concordia;

PRAEFATIO.

Cui intexta est certa perinde atque facillima dissidij istius Germanici con-  
ciliandi, sacrilegiquè SCHISMATIS componendi ratio.

AD SERENIS. ET A DEO CORONATVM MAXIMILIANVM  
AVSTRIACVM II. CAESAR. AVGVSTVM.



*Q*UOD in Republic. Caesar A. Maximi-  
liane, usu venire videmus, vt certus &  
ineuitabilis à bello civili atque intestino  
impendeat interitus, nisi tēpestiuè obuiam  
eat, quantumque fieri queat sopiatur:  
hoc in domo Dei, quae Catholica est Christi

Iesu Ecclesia, per Germanias certo certius videtur euentu-  
rum, nisi idoneum simul ac praesentaneum grassantibus imma-  
niter, in diesque acrius inualescentibus istis Religionis dissi-  
dijs prima quaque occasione remedium adhibeatur.

Cuius rei sanè tristissima consideratio non parum tetrica,  
haud infrequenter huic animo recurritans, immane, quanto-  
pere nos subinde habeat sollicitos, quantumque discruciet, au-  
get hunc dolorem periculi illius minimè omnium contemnen-  
di publica quasi negligentia, & incuria quaedam oscitabun-  
da propemodum atque supina: quòd pauci admodum appa-  
reant, hoc potiss. ex hominum Ecclesiasticorum ordine, qui ex  
animo teterrimum istud Ecclesiarum incendium funestumq;  
animorū dissidium, quo Germania, patria dulcissima tantum  
non dissipatur, immanissimèque dilaniatur, studeant compo-  
nere, aut ratione legitima conciliare.

Ut Reipublica  
bello intestino  
periculū est: ita  
Religionis, Im-  
perioque Ro. ab  
hæresibus cer-  
tissimum impē-  
det exitium.

Propositio atq;  
huius Apologe-  
tica scopus.

hæreses  
damna-  
re Evan-  
gelium a  
in Ger-  
m ab or-  
bata.

# PRAEFATIO

Hanc autem rem, hisce licet humeris imparem, concordie plusquam necessaria studio nos quidem tentare conabamur, euentum Deo Opt. Max. permittentes, modo pius in patriam noster pijs probetur affectus, ad quod semel ac certo non minus quam facile conficiendum, Varias easque veterum PP. ex monumentis haustas rationes, & priorum aetatum exemplis illustratas, adeoque confirmatas in medium adduximus.

Non quia mihi consilium atque ingenium meum amplius aequo probaretur, sed quia de communi omnium periculo, ubi formidandum omnibus impendet naufragium, vectoris nullius, quamuis insulsi, consilium solet reici aut explodi.

Apud animum enim meum subinde reputans priscorum saeculorum exempla, quae florentiss. Imperijs certum ex discordia, & Christianae in primis Religionis dissidio attulere excidium, facere non potui, quin extinguendo funesto isti incendio piam hanc naufraganti, immo conflagranti patriae dulciss. nauem operam.

Quod dum candido atque pio facimus in patriam atque in Catholicam adeo Christi Dq. Ecclesiam animo, non fit nobis dubium, quin C. T. Maestas in optimam accipiet partem, quod studio pacis publicae, de qua erit Deo reddenda ratio, et concordiae Ecclesiasticae (quam C. T. Maestati singulariter cordi esse supra saeculi istius pereuntis suaeque mole ruentis negotia ex animo peculiariter deditissimo gratulamur) hac pro virili in medium adferre satagebamus.

Verum enim vero funestum illum bellorum ciuiliu finem quidnam opus fuerit aut indicis coniectare, aut rationibus confirmare, aut exemplis illustrare; cum domesticas nostratum rerum calamitates assiduas non nisi domesticis nostris intestinisque dissidiis debeamus referre acceptas? Quid enim Syriam

Singulare C. Maxi. A. studiu in Ecclesiasticum concordia: qua vel suo sanguine redimar, vti cum lachrymis non raro suis testaturum facit.

Quenam imperia perierint suis dissidiis.

Syriam, Aegyptum, Asiam infestissimis nostri nominis Christiani hostibus Turcis prodidit? Quid Graciam? quid Trassylvaniam? quid Hungariam Vestram eisdem tradidit? an non fratrum gratia rara, & intestina discordia; quae sub auxilij specie exoticum atque peregrinum imploravit praesidium?

Sebast. Munst.  
Cosmograph.  
fol. 297.

Sic olim Ludovicus 4. Hungaris resistere non potuit, quum principes Germaniae domesticis dissidiis laborarent. Nobilissimum verò vestrae Augustasiae regnum quid, obsecro, perdidit aliud, quàm bellum intestinum? Varnensem illam cladem non tam hostium virtuti, quàm temerariae Christianorum debemus discordiae. Dum enim quisque vincere properat, & victoriae abblandientis ardore fasciatus alius alium audire, moremque gerere stolidè recusat, omnes vnà victi sunt, & occisione occisi.

Vide Lazium  
Com. Aultraiz  
fol. 78.

An. 1444. Ad  
oram Pon. Eux.  
iuxta Varnam.

An non & Africam totam, totamque penè Hispaniam, digladiantibus inter se Regibus Christianis, Sarraceni occuparunt? Ut enim externus calor, aut frigus humani corporis temperiem non grauiter adeò offendat, si tempestiuum & idoneum adhibeatur fomentum; contra si in viscera semel immodicè alterutrum irruat, indubie noxae fuerit, certoque exitio: Ita donec bella externa hanc Dei domum foris oppugnant, exagitant, vexant, adeò non euertunt, ut stabiliant magis. fundata enim super illam firmam petram moueri nesciam, Christum suae Ecclesiae praesidem & seruatorem, non ad saeuas ventorum procellas expauescit, non ad pluuiarum aut infestationum nimbos expallescit, non ad dira tempestatum, aut persequutionum flagella exhorrescit, nedum sanguinarijs Tyrannorum imbribus labascit, aut cladibus.

An. Do. 700.

Matth. 18.

Matth. 7.

Ceterum vbi Dei Opt. permissu contigerit intra ipsius Dei domus parietes intestina gliscere opinionum bella, atrocissimas

PRAEFATIO

nouorum dogmatum increbrescere confluctationes, funestum deniq; doctrinarum dissentanearum exardescere tumultum, cladesq; anathematismorum grassari mutuas, iam sanè indubium ei certa ex ruina impendat excidium.

Omne enim regnū in se diuisum, ait ille Propheta, idemq; Dei filius fallere nescius, desolabitur, desolatum ruet, collapsum delebitur. Nam sua tandem mole ruat, semelque occidat. necesse est, quod discordia labefactauit, dissensio dissoluit, dissidium euerit. Quam sanè cladem teterrimam perspicuum est animaduertere in iis omnibus factionibus, quæ ab una hac Dei domo Catholica Christi Ecclesia sese impiè iuxta atque sacrilegè iam olim diuulsere, quocunque tandem pietatis prætectu coierint aduersus Dominū & aduersus Christum eius: siue Arriani, Donatista, Pneumatomachi: siue Manichæi, Pelagiani & Iconomachi. illi Orientem vastarunt atque meridiem, hi Occidentem perdidērunt atque pridem euerterunt. Hunc in modum ista, aliæque innumera animorum simul & imperiorum, non solum Religionis pestes se quidem ipsas suo perdidere dissidio, ut vix illarum usquam supersit vestigium. Caterū ubi Deo visum est hæc impia suæ Religionis schismata iustissimis pœnis vindicare, plerumq; generatim sua plagarum salutarium flagella super iustos & iniustos effundit.

Quod non solum diuina nos docent oracula typo veteris populi super vnus Dei cultu dissentientis: quem ideo in Babylonem usque diuina expulit iustitia, licet inter sceleratos, nefarios, atque sacrilegos plurimi essent viri p̃j, veraq; Religionis cultores, innocentia ac iusticia custodes rigidi, adeoq; spiritu Dei afflati Propheta: sed tota etiam loquitur Africa, Donatistarum sectis dissecta, & vicina nobis, heu nimium

Gra-

Quænam Imperia perierint Religionis discordia.



Gracia, vario priscorum hæresiarcharū fermento dirū in modū vt cōtaminata, ita deploratè in janis opinionibus dissipata.

Quæ exempla magnum sanè momentum apud pios omnes Dei Opt. Max. cultores vt habeant, æquum fuerit præsertim apud eos, quibus Respublica est diuinitus aut ad gubernandum tradita, aut ad erudiendum credita. Quod enim florētissimis illis regnis, opulentissimis prouincijs, populosis-  
 mis Imperijs ob iustam numinis irā ex impiarum opinionum pugnis & temerata vnius fidei disidijs aduersus fratres nostros longè calamitosissimos meritò conceptam accidisse, in confesso est: idem proculdubio & nobis euenturum nihil est ambigendum, nisi pax redierit, atque animorum in Euangelicæ fidei dogmatibus concordia per Germanias fuerit quàm citissimè instaurata.

Quàm ingens igitur & acerbus, multoq̃ue acerrimus sit ille piorum omnium dolor atque luctus, Cæsar Auguste, qui ex funestissimo Germaniæ nostræ patriæ dulcissimæ in fide Christi dissidio in dies acerbior gliscens, pios illa pericula, certoq̃ue venientia, flagella eminus conspicatos, tantum non enecat, nullus cui vel vnciola Christianæ pietatis est reliqua, non videt, quo compuncti, misereq̃, discruciat cum Dauide subinde exclamare coguntur, Tu exurgens, Domine, misereberis Syon, quia tempus miserendi eius, quia venit tempus! populum enim tuum humiliauerunt, & hereditatem tuam vexauerunt! Quasi in sylua lignorum securibus exciderūt ianuas eius, in securi & ascia deiecerunt eam. Incenderunt igni sanctuarium tuum in terra, polluerunt tabernaculum nominis tui! dixerunt simul, Quiescere faciamus omnes dies festos Dei à terra! Adhæc super populum tuum malignauerūt consilium, & cogitauerunt aduersus sanctos tuos, dicentes: Ve-

Piorum threni  
 nunc sunt Pro-  
 phetarum simi-  
 les ob impeden-  
 tes ex Germa-  
 niæ dissidio pu-  
 blicas calami-  
 tates.

Psal. 91.  
 & 73.  
 & 82.

nite



PRAEFATIO

Collatio calamitatis nostrae ex fidei diuulsiōe cū aliorum temporum schismatibus.

nite disperdamus eos de terra, & non memoretur nomen Israel ultra! Quibus threnis si vnquam locus fuit, hac longè infelicitissima tempestate nostra nunc vel in primis est. A Christiana namque Religionis incunabulis haud tristiores, immo truculentiores equidem arbitror grassatam esse Apostolicae Ecclesiae diuulsiōem, aut funestiores gregis Christi dispersiōem, quam nunc misera videt, atque perdolenter, ne dicam exitialiter, experitur nostra Germania.

Commentario de Religionis statu per Gallias fol. 19.

Si quidem alia olim haesiarcharum schismata, infestaeque Antichristorum phalāges propemodum omnes veram vnam illam Christi Domini sponsam Catholicam Dei Ecclesiā vno ferē, aut altero fidei oppugnabant capite: nunc qui vel sanctissimi omnium videri volunt, capitibus doctrinae minimum quadraginta à reliquo dissentiunt Christiano grege: quemadmodum Legato Regis Daniae disertè profitebatur Carolus Vendomius frustra Lutheranos Calvinistas, anno 60. conciliare conatus.

Vnde sit prognata isthæc diffidiorum fidei hydra.

Apocal. 20.

Neque sanè piis miranda est tam acris et varia hostium Ecclesiae Catholicae aduersus Do. & Christum eius pugna, veraque theomachia capitibus minimum (quod ipsi profitentur) quadraginta horribili admodum acie instructa. Nunc enim tempestatis si quis sibi persuadeat illos venisse miseris mortalibus dies, Spiritu Dei, Apocal. 20. Christianis praeditos, quibus draco ille magnus, serpens antiquus, qui est diabolus & Sathanas, olim ad annos mille per Dei Angelum in abyssu ligatus paruo tempore solueretur, non vsque adeò fortassis absurdè senserit.

Qui namque teterrimos nostri saeculi repullulantes passim errores secum tacitus considerarit, agnoscet perspicuè omnia serpentis illius antiqui venenata sibila (vt hic Atheistas ta-

ceam

ceâ Libertinos aliosque Epicuri de grege porcos ) pridem in-  
cesto Arrij, Nestorij, Eutichetis, Macedonij, Aërij, adeoque  
insani Manichæ ore in Deum, in Christum, eiusque Eccle-  
siam, in Sacra omnia, sanctosque effusa, nunc Evangelij noui  
prætextu reuiuiscere, inualescere atq; ab orco in orbem impiè  
simul & perniciosè reuocatas incredibili animarum clade  
grassari.

Nam incôparabili impetu simul et infinito numero ad Bar-  
baricū aut potius Tragicū vnius Lutheri egregij Bellona an-  
tistitis boatum prisca omnes hæreses insurrexere quasi coniu-  
rati ad classica venti, qui domum illam Dei Euangelicam in  
montibus Syon fundatam nouo quidem motu sed frustraneo,  
vti etiam olim, funditus conantur euertere. Quod si cui  
paradoxum, aut fidem superare videatur, consulat Dialogos  
nostros Dubitantij: item Ruevvardi nomine inscriptos. Vi-  
debit illic præclara omne genus perfidia plantaria nunc ex  
renouato Arrij per Caluinistas; Manichæ, Aërij & Joui-  
niani per Lutherum, aliosque veneno totum Christianum or-  
bem lugendum in modum esse dirè contaminatum, vereque  
intoxicatum. Quod quia tã variis nunc agitur venenis mi-  
rifice contrariis, sesequè mutuò implacabiliter enecantibus,  
spem nobis parit bonam, haud diu istas animorum pestes iu-  
xta Johannis Apostoli prophetiam ad seducendas gentes, pio-  
sue fallendos grassaturas. Sicut olim Ro. Imperium, regnan-  
te, aut potius in Gynæcijs delitiantem, atq; in popinis belluante  
Gallieno nequiss. Imperatore, XXX. Tyranni inuasere; qui aut  
se ipsi, aut sese mutuo, aut sui prætoriani conficiebant, atque  
Aconitorum in modum sese ad hominis salutem enecantium  
omnes ferè intra quadriennium miserrimè perierunt: ita &  
nunc futurum ominari licet, quod acerbiora inter nostra tem-

Priscae hæreses  
omnes damna-  
tiss. nunc Evan-  
gelij prætextu à  
Sathana in Ger-  
maniam ab or-  
co reuocatas.

Apocalyp. 20.  
Vnde omē col-  
ligatur non diu  
grassaturas Euā-  
gelicorū pestes  
adeo multas &  
varias.

Trebell.  
Pollio.

Cuspinia.  
Iac. de Strada.

PRAEFATIO

pestatis hereticos gliscere in dies videmus dissidiorum implacabilem odia, plagasque sibi mutuò infligere immedicabiles. Verù ut in praesentiarum silentio transeamus priuata hostium Ecclesia Dei inter se dissidia, quae suis Principibus persuadere connituntur vnum esse, aut summum alterum (quemadmodum ex Lutheranorum & Calvinistarum sententia illic

Com. de Relig.  
statu per Gallia.

Omissis Euangelicorum inter se dissidiis variis, hic tantum agendum de facienda Confessionistarum siue protestantium cum Catholicis concordia.

recitat idem ille suorum adulatorum praestigiis miserrime fasciatus dux Vendomius) nunc omissa Calvinistarum factione, quae pestis longè omnium teterrima non exiguis (pro dolor) in Germania augebit in dies & viribus, & viris, tantum de iis Confessionis Augustanae professorum agendum est dissidiis componendis, quae abhinc annis ferè 30. fanaticis quorundam nouatorum studiis Ro. vestro imperio sunt inuecta.

Ann. 62.

Occasio huius Apologetici ex ineptissima planeque absurdis Germanici Schismatis excusatione.

Codex granatensis A. Ferdinando oblatum nomine Statuum Ro. Imperij An. 62. qui Latine prodit An. 65. hoc apologeticum examinatur.

Hac autem perniciofa, certoque exitialia & internecina in vna Christi fide dissidia cum superiori ferè triennio Illustrissimi status Ro. Imperij & Confessionis Augustanae Ordines D. M. Augusto Ferdinando parenti tuo Francofordiae profiteri, scriptoque schismatis sui causas offerre non erubuerint, ac deinde ipsorum delecti Concionatores, & Consiliarij Politici magno nuper in vulgus edito volumine propugnare non dubitarint, nos Augustalis v. M. beneuolentia confisi audebamus praclaras illas dissidij Germanici causas in examen reuocare expendendas, piisque Christianae concordiae amatoribus, vnamque Christi Domini Ecclesiam vna fide colentibus proponere diiudicandas.

Cur anonymi Confessionistarum Patroni responsurum.

Nihil enim veriti sumus A. C. nostra fidei Christianae atque doctrinae Orthodoxae professionem edere, defensionem parare, omniaque consilia pacificande, Christo propitio, Germania nostrae patriae suauiss. experiri; quocunque tandem illi hanc infamem nomine, humanam, Monasticam, Papisticam, magi-

*magicam, Idololatricam, Diabolicam. Huc enim me illud Christi Domini elogium inuitauit, Beati pacifici, quoniam filij Dei vocabuntur. Quid enim magis ex Christiani hominis nomine fuerit, quam sua pro Virili ubiq; & inter omnes illam pacem conseruare, tueri, propugnare, addo & querere, parare, atque conciliare, quam nobis cælitus allatam Christus Dominus voluit relinquere, immo testamēti vice legare? Siquidem disertè mandat eam ceu certissimam cælestis suæ doctrinæ tesseram omnibus custodiendam sartam tectam, infractam, inuiolatam.*

*Istis quidem co-  
laubis purgunt  
fidem Catholi-  
cam a sacrarij  
toto suo præcla-  
ro illo scripto.*

*Proinde quò magis boni aut ciuis, aut magistratus officium cogitarem, hoc acrius, hoc ardentius ad extinguendum funestum isthuc patriæ dulcissima incendium accendebar.*

*Si enim prudentissimus ille Solon tribu motum inter ararios sanciuit referendum, qui orta ciuium seditione neutri parti sese adiungeret socium, ecquanam pœna censebimus illos dignos, qui flagranti hoc teterrimo Religionis dissidio (quod nos ad unum tandem omnes atque uniuersos absorbeat) sese ociosos præbent spectatores? Qui mihi hostem ferierit, inquit ille apud Ennium, ciuis erit Carthaginensis!*

*Vide Diogru.  
Laetium de So-  
lone.*

*Huc sanè magis me publici muneris ratio impulit, quo Deus Opt. nos immeritos sua dignatione ultrò vocatos ornare fuit dignatus. Nam nunc meminisse oportuit, quod suum admonet Timotheum D. Paulus, talem debere esse Episcopum, qui resistētes veritati posset redarguere. Ad quam prouinciam nunc temporis sanè multò difficillimam suscipiendam, etsi multa, vereque ardua plurima deterreant, quòd fidei principia subuertāt aduersarij, quòd probatos improbent auctores, quòd legitima nobis huic Sparta longè imparibus eripiant defensionis arma, Synodorum decreta, piæque patrum*

*Quid nunc Epif-  
copos in primis  
agere oporteat.*



P R A E F A T I O

constitutiones : tamen fortiter subeundam, cum sacrosancta Christi pietas hortatur, tum desiderata suadet almae veritatis victoria, pacisque vel postluminio reducenda spes inuicta.

Siquidem mirum quāto perè nos vrat ille blasphemiarum non tam in Christianam doctrinam, quàm in Christum ipsum Catalogus: quo affirmant audaculi Confessionistarum Patroni, Episcopos Catholicae Dei Ecclesiae veram euangelij doctrinam non solum sacrilegè adulterasse, & impiè deprauasse, sed impiam etiam superstitionem, diabolicam magiam, idololatricum cultum in ecclesiam Christi inuexisse.

Ad quod demonstrandum quia collibuit praeclaris istis delectis Anonymis Confessionistarum defensoribus meum etiam nomen una cum clariss. virorum meorum R. praepetorum infami reprehensione suo scripto saepius recitare, orēque incesto lacerare, et si illa Christi Domini voce potuissem me satis superque solari, Gaudete cum maledixerint vobis homines, mentientes propter me, quia merces vestra copiosa est in caelo: tamē plus de infirmorum fratrum scandalo anxius, alienaeque salutis magis sollicitus, nouum hunc, licet refugiterent humeri, prae grauem laborem subire non dubitauit.

Hac enim ratione proculdubio futurum equidem rebar, vt non solum omnibus liqueat quā imméritò, ne dicam falsò, sycophanticè, atque calumniosissimè, nos aliosque Catholicos Apostolica, Christiana, ac re vera Euangelica fidei professores & propugnatores apud imperitos traducant, quasi falsa sacrilega, impia, idololatrica defendamus dogmata, sed semel toti ostēdatur orbi, istos Confessionistarum delectos defensores ingēri illo scripto A. Ferdinādo patri exhibito, sœdisimè à systatis variis contaminato, atque sophismatibus conspurcato, nihil nisi nugas canoras congerere, putidasque calumnias

con-

Fol. 91.  
Fol. 179.  
Fol. 192.

Matth. 5.

Scriptus huius  
Apologetici: &  
quantoperè faci-  
at ad Reipub.  
pacem atq; Ec-  
clesiarū in vna  
Christi fide con-  
cordiam.



contexere, atque in plerisque nugis tragædias agere. ad hæc improba, flagitiosa, prodigiosa mendacia in Catholicam Dei ecclesiam impudētissimè confingere, ac veluti de plaustro, quod dicitur, euomere; immo falsa dogmata, quibus disertè anathema dicit, ipsi per calumniam affingere: idque eo tantum scopo ut vel sic nonnullas sui sacrilegi istius schismatis causas im-  
peritis & tunicato popello attulisse videantur. Præclaris enim illis rationibus suum impium iuxta ac exitiale, immo pa-  
ricidale cum excusare, tum tueri adeò conantur schisma. Ec-  
quid enim, obsecro, ad istud schisma excusandum, aut stabi-  
liendum faciat Asinus ille, vti loquuntur, palmis coronatus?  
Eleuatio statuæ lignæ, die ascensionis; imagines quasi crepun-  
diis inuolutæ per Quadragesimam; osculum crucis, crepitacu-  
la illa lignea in Parasceue à pueris adhibita? ô bellus idolo-  
manias, ob quas caussantur fuisse necessariò ab auita disce-  
dendum Religione.

Sed falsa, inquit aliquis, dogmata, erroresque doctrina  
varios, potissimam faciunt sui schismatis, & à vobis atque  
Ro. Ecclesia discessus causam. Ita quidem præ se ferre viden-  
tur, iustam sibi esse discessionis sacrilegæ causam ob errores e-  
tiam quos vocant, doctrinæ.

Verùm hæc causatio tam legitimè ac verè contra Catho-  
licos hoc nouo in scripto Confessionistarum adfertur: quàm in  
ipsa iam pridem Confessione Augustana, eiusque prima, prote-  
stantium Apologia. Certè utrobique Catholicis falsa hæc im-  
piæ dissensionis istius, sacrilegique schismatis causa improbè  
affingitur, ac per calumniam frigidam admodum et reiuuam  
malignè ingeritur.

Quare opere pretium facturi videbimur, si breuem colli-  
gamus catalogum, qui veluti in tabella piorum oculis conspi-

Causæ dissidij  
schismatici, Ger-  
manici hoc apo-  
logico refuta-  
te futileque di-  
quido demon-  
strata.

Fol. 173.

Nugæ anilesq;  
nanae ob quas  
Germani profi-  
tentur sese a Ca-  
tholicis sacrile-  
gum schisma pa-  
trare coactos.

An ob errores  
doctrinæ Ger-  
mani hoc schis-  
ma verè fece-  
runt, quod auit.

# PRAEFATIO

Statum contro-  
uersiarum fal-  
sum aduersarij  
Confessionistæ  
in Catholicos  
confingunt.

Catalogus men-  
dacijs & ca-  
lumniarum ex  
Confessione Au-  
gustana quæ Ca-  
tholicis prote-  
stantes attingit  
vt veti imperi-  
is iustam ne-  
farii Schismatis  
causam habere  
videantur.

cienda proponat dogmata; quibus Confessionistæ tam veteres  
quàm isti noui à primis illis noui sui Euangelij magistris ex  
diametro passim dissentientes Catholicos improbè vexât, im-  
meritòque accusant, & apud imperitos falsò traducunt, quasi  
doctrinam Euangelicam impiè deprauauerimus; aut humanæ  
doctrina fermento nefariè adulterauerimus.

Magna quidem sunt, eaque permulta nobilis istius Au-  
gustanæ tã Confessionis, quàm suæ primæ Apologiæ in Catho-  
licos conficta (si verum nulla circuitione vteti dicere liceat)  
mendacia: quæ si quis accuratiori studio istis Anonymorum  
Confessionistarum tam Politicorũ, quàm Theologorum men-  
dacijs in illos denuò & odiosius proiectis conferantur, meri-  
tò illa istis minùs videantur illiberalia. Quod vt exẽplis pau-  
culis magno de acervo arreptis fiat illustrius, non fuerit abs-  
re nobiliora aliquot velut emblemata huc commemorare.

- I. Asserit Confessio Augustana anno 40. VVittenbergæ im-  
pressa Catholicos docere, homines (inquit fol. 76.) consequi  
remissionem peccatorum propter propriam dignitatem.
- II. Item docere, nõ credendum esse, quòd gratis propter Chri-  
stum remissio donetur: cùm ista nemo Catholicorum doceat,  
immo eos, qui ita sentiunt, Ecclesia Dei habet pro Pelagia-  
nis, aut Judaizantibus.
- III. Rursus articulo de Missa, opinionem sparsam esse in Ec-  
clesiam, quòd cæna Domini (inquiunt fol. 21.) sit opus, quod  
celebratum à Sacerdote mereatur remissionem peccatorum  
culpæ & pænæ facienti, & alijs: idque ex opere operato,  
sine bono motu vtentis.
- IV. Item quòd applicatum pro mortuis sit satisfactoriũ: hoc  
est, mereatur eis remissionẽ pænarum purgatorij. Verùm hæc  
nemo Catholicus docet, neque hunc in modum interpretatur  
missæ

missæ meritum, quod totum pendet, nobisque promanat ex  
vnius Christi merito.

Similiter & Confessio Augustana anno 31. edita Catholi- v.  
cos docere Christum sua passione (inquit fol. D. 2. b.) satisfecisse pro peccato originis, & instituisse Missam, in qua fieret oblatio pro quotidianis delictis mortalibus & venialibus: cum istud Ecclesia Dei Catholica nunquam senserit aut docuerit.

Quod si apologiam Confessionis Augustanæ quis aggredia-  
tur excutere, videbit plus sibi operæ exantlandum in anno-  
tandis eius mendaciis, quàm Herculi in Augiæ stabulo repur-  
gando. Affirmat Apologia Catholicos Mariam Christo æqua-  
re. Res ipsa loquitur (inquit fol. 94. anno 55. edita) quod pu- I.  
blica persuasione beata Virgo prorsus in locum Christi succes-  
serit. Atqui eam non facimus deam, sed Dei matrem, non di-  
uino, sed creaturis digno honore colendā: quæ longissimè Chri-  
sto Domino sit & meritis à Christo filio acceptis, & dignita-  
te cælitus donata inferior. Rursus fol. 74. Catholici contēnunt II.  
Christi beneficium, aiunt, quodque satisfactiones nostras  
preferimus satisfactioni Christi; quas tamen nō nisi ex vnius  
Christi merito dicimus Deo Patri placere, ceu riuiulus tenuis  
copiosissimo de fonte in nos Dei filios deriuatus. Item fol. 34. III.  
Catholicos impias affingere scripturis opiniones, quod per bo-  
na opera mereamur remissionem peccatorum. Quod bona o- IV.  
pera sint propitiatio, ac precium propter quod Deus nobis re-  
cōcilietur. Quod bona opera propter suam bonitatem sint ac- V.  
cepta, nec egeant misericordia, & propitiatore Christo. Quas  
opiniones Verè impias ait Apologia Catholicos defendere cū  
eas execrentur, atque pro puro puto Pelagianismo eis anathe-  
ma dicāt. Eiusdem fidei est quod Apologia Catholicis fol. 120. VI.  
affingit,

Catalogus mē-  
daciorum & ca-  
lumniarum in  
Catholicos ex  
apologia Cōfel-  
sionis Augustana.

affingit, ipsos scelestè defendere Missam ex opere operato iustificare, quòd mereatur remissionem culpæ, & pœna etiam iniustis, pro quibus applicatur; si non ponunt obicem. quas blasphemias nullus unquam in Ecclesia audiuit. Sic & A-

- VII. pologia anno 31. excusa, Scholasticos doctores ait nihil omnino de fide in doctrina pœnitentia dixisse: cùm eius fundamentum faciât fidem Christi, sine qua impossibile est placere Deo, docentes ad interiorem pœnitentiæ motum requiri primò fidei motum in Christum.

- VIII. Denique vt brevis sim, Catholicos ait eadem Apologia fol. 8. i. b. vbique excluso Christo docere mereri iustificationem per opera legis: cùm hanc impiam doctrinam unà cum suis auctoribus Iudeis, & Pelagianis anathemati subiiciât, nihil sine Christo nec bonorum operum, nec meritorum in vlllo mortalium agnoscentes. Sed hic modus esto catalogo mendaciorum ex Confessione, suâque Apologia colligendo, qui in alium aptius reponetur locum.

Catalogus mendaciorum & calumniarum ex Codice Grauminum contra Concilium Trident. An. 62. A. Ferdinãdo oblato, & hic refutato.

- Nunc istorum Anonymorum Confessionis Augustanæ defensorum aliquot cum illis componamus siue mendacia, siue calumnias, quòd liqueat veritatis studioso minus candidè istos agere, minimèque pacis Ecclesiasticæ esse studiosos: sed dolo malo dissimulare, immo malignè, planèque sycophanticè interpretari, atque adeò data opera deprauare & adulterare, quæ ad sarcinendam faciant Ecclesiarum concordiam. Catholicos docere aiunt fol. 123. hominem viribus humani arbitrij posse conuerti ad Deum: quòd dogma Judæicæ impietatis plenissimum semper pro germano damnarunt Pelagianismo. Rursum, eos iubere semper dubitandum esse (inquiunt fol. 131.) an simus in gratia, an Deus nos exaudire velit inuocantes propter Christum: cùm certò fidendum, immo non dubitandum



tandum ex parte Dei doceant eos esse in gratia; qui sine hypo-  
crisi ad Deum conuersi sacramenta ritè suscipiunt, Deumq;  
semper paratissimum exaudire omnes, qui per Christum in  
veritate ipsum inuocant. Eiusdem farina est quod asserunt, III.  
Catholicos docere quòd meremur vitam eternam (inquiunt  
fol. 146.) per ciuilem honestatē atque externā iustitiā, quod  
Paganorum dogma nullus unquam in Catholica Christi Ec-  
clesia docuit. Sed illa maioris est impudentiæ calumnia, quòd IV.  
ibidem adtexuerunt lepidi isti confessionis Augustana defen-  
sores, Catholicorum doctrinam à blasphemorū Iudaeorum &  
Mahometanorum siue Turcarum impietate in rei substantia  
parum aut nihil discrepare, cum vera Catholicorum doctrina  
ab illis impijs plus quàm bis per omnia dissentiat, uti suo in-  
ferius loco demonstrabitur aptius. Ad eandem fermenti mas-  
sam pertinent & illa, infinitos dies mandari festos (inquiunt  
fol. 178.) idq; sub pœna excommunicationis. Item matrimo-  
nium Catholicos docere (aiūt fol. 170.) vita genus esse impio- VI.  
rum & prophanū: quod tamen ipsi norunt. ter Sacramen-  
ta Ecclesiae Christiana à nobis censi, atque cum Paulo nos  
docere thorum esse immaculatum, & ad animorum corpo-  
rumque sanctificationem comparatum.

Talia non pauca extant hoc in protestantiū scripto C. A. Ferdinando oblato manifesta mendacia, nunc aliquot prome-  
mus Vet. Patrum loca, ubi fide pessima, scelerataq; conscien-  
tia ipsorum non sunt veriti verba deprauare ac de industria  
sententias nobis suffragantes adulterare.

In ipso controuersiarum vestibulo ad demonstrandā Ca-  
tholicorum, uti aiūt, Idolomaniam in sanctorum inuocatio-  
ne, D. Ambrosij allegant verba sic deprauata, dicentes per iu-  
stos posse ire ad Deum. Atqui D. Ambrosius non iustos, sed  
istos

Loca veterū Pa-  
trum & Conci-  
liorum ab Ano-  
nymis Confes-  
sionistarum pa-  
tronis illo in co-  
dicē data opera  
deprauatorū stu-  
dioque aduul-  
sorum.



# PRAEFATIO

ISTOS de-  
prauit aduer-  
sij ex D. Ambro-  
sio, cum legatur  
ISTOS.

istos habet, neque de iustis, aut sanctis Christianorum agit:  
sed de Paganorum dijs, atq; nefarijs Philosophorum Idolis.

II.

Concilij Tride-  
ntini verba per  
calumniam adul-  
terant.

Sic quod Conciliū Tridentin. Sess. 4. de seruandis apostoli-  
cis traditionibus, ac Dei spiritu in ecclesia praescriptis statuit,  
ipsi de humanis calumniantur esse definitum traditionibus,  
& humana, inquit fol. 273. auctoritate constitutis.

III.

Concilij Gan-  
gren. deprauant  
eōtra disertam  
eius definitionē

Eiusdem perfidia est quod fol. 277. temerè confingunt,  
concilium Gangrense decreuisse Anathema esse, si quis à lege  
diuina discedens, nouas subinde comminiscatur traditiones  
& constitutiones: cum istius sententia ne vel extremum ex-  
tet in codicibus siue Graecis, siue Latinis vestigium. Quin po-  
tius disertè laudat eos, qui propositū continentiae, siue votum  
castitatis eligunt, eosq; damnat, qui ieiunia communia totius  
ecclesiae putauerint contemnenda: exoptatq; omnia quae con-  
ueniunt traditionibus Apostolicis, & SS. scripturarum pra-  
ceptis in Ecclesia fieri atque obseruari.

Vide Cano. xix.

Sic in Concilij  
Gangren. Epilo-  
go.

IV.

D. August. ver-  
ba immutat va-  
rie, atque de suo  
adtextit sua pro  
libidine.

Similiter & fo. 105. locum D. August. 4. ad Bonifac. c. 4.  
variè deformariūt: quaedam mutantes, quaedam etiam de suo  
adiicientes, quod artificium & alibi haud rarò usurpare non  
verentur. Sed ut hanc adulterandi ac deprauandi sylvā cæ-  
dere, aut ad viuum refecare nunc desinamus, unus est supe-  
rioribus adtexendus D. Augustini locus, quem istos delectos

V.

Locum Augu-  
stini sujs verbis  
adulterant, &  
sententia eius  
doctrinā ex dia-  
metro contraria  
deprauant.

Confessionistarum patronos minime pudit & verbis adul-  
terare, & sententia ex diametro disertā D. Augustini eodē  
loco doctrinā contraria deprauare. Sic scriptū reliquit D. Au-  
gustinus, inquit fol. 288. Peccatum in baptismo remittitur,  
non ut non sit, sed ut non imputetur.

Hic palam fatetur, inquit, esse, hoc est, manere peccatum  
(in baptizatis) tamen non imputetur. ô sceleratam fallendi  
libidinem! ô nefandam mentendi impudentiam! Siquidē D.  
August.

*August. ex professo contrarium disertis admodum verbis contra Pelagianos docet. Si queritur, inquiens cap. 25. ab adversarius recitato, quomodo ista concupiscentia maneat in renato, & cat. aut certè si in parente baptizato potest & esse, & peccatū nō esse: cur eadem ipsa in prole peccatum sit? Ad hæc respondetur, dimitti concupiscentiam carnis in baptismo, non ut non sit, sed ut in peccatum non imputetur. Quamvis autem reatu suo iam soluto, manet tamen donec sanetur infirmitas nostra: & postea. Non ergo aliquid remanet quod non remittatur. Et cap. seq. In iis ergo, qui regenerantur in Christo, necesse est ut reatus etiam huius, licet adhuc manentis, concupiscentiæ remittatur, ut in peccatum non imputetur, docet enim mox auferri reatum concupiscentiæ, cum remittitur. Sic igitur quod D. August. diserte ait de concupiscentia, quæ reos non facit baptizatos, audet generosi illi Apologetici eū de peccato dixisse impudenter admodum confingere, atq; contra eius sententiā disertis verbis cōtestatā ipsi falsò ascribere. Sed hanc mendaciorū telam abrūpere nūc suadet locus.*

*Qui tam manifestis pseudologijs, atque liquidis veterum Orthodoxorum PP. corruptelis, & sententiarum adulterijs depravationibusq; nituntur cum ad Ecclesiam Christi Catholicam oppugnādam, tum ad ipsam Confessionem Augustanam stabiliendam, an non re vera de phanaticis illorum Theomachorum castris prodire conuincantur, qui contra Ecclesiā veritatis columnā apud prophetā furibūdīs vocibus clamitāt: Posuimus mendaciū brachiū nostrū, et mēdacio protecti sumus?*

*Sane qui probè perspetā penitusq; perscrutatam habet Augustanam siue Confessionem siue Apologiam, agnoscat indubius nullum esse Confessionistarū contra Orthodoxā & Catholicā Christi Domini Ecclesiā præsidium præter mēdacium:*

1. Timoth. 4.  
Eph. 28.

Vnicū Confessionis Augustanæ præsidium est mendaciū, blandis humanæ doctrinæ lenociniis nixū, Sophistarū pharmacis pictū, sibi quoque fucatum.

PRAEFATIO

quod callidis adeò verbis lenocinio, et vti Poeta ait, σόφους παρ  
μαχούς, arte verè sophistica homines ingeniosi, ac seculi sapien-  
tia carnisq; prudentia Deo inimica praeclari contra Christum  
statuere, atque in imperij thronum (si superis placet) molun-  
tur collocare.

Quorum de grege cum pars non postrema sint Anonymi  
isti novi confessionis Augustanae Apologetici tam firmis scili-  
cet, tam solidis, tam innictis nixi fundamentis ad suum schif-  
ma à catholica Dei Ecclesia sacrilegè patratum excusandum,  
palliandum, propugnandum, mihi equidem, C. A. Maximili-  
ane, religio fuit diutius tacere, ne Religionis Christianae cau-  
sam meo quoque silentio prodere cuiquam viderer.

Et si enim infanda isthac nouorum patronorum vitia du-  
dum ex plurimis paucula commemorata nos quidem ad com-  
miserationem magis mouerèt quàm indignationem mereren-  
tur, tamen infirmorum etiam habendam duximus rationem,  
ne istorum causa pessima patronorum dolo malo, fallacijs, astu-  
tijs à vero aut seducantur, aut in mēdacio pernicioso diutius  
detineantur. Equidem nihil addubito, si illiberales istorum  
fraudes, aysmata, sophismata, manifestissima calumnia, impu-  
dentissima mendacia (quibus nouum istud, vti demonstratum  
est, sicuti & confessio ipsa Augustana, eiusque Apologia, sca-  
tet nouorum confessionistarum scriptum) illustrissimis Rom.  
vestri Imperij Statibus atque Augustanae Confess. ordinibus  
verè atque liquido essent exposita, quin suos istos ipsi execra-  
rentur, adeoque in exilium (si nō potius in Rhenum aut Da-  
nubium) propellerent improbos istarum calumniarum archi-  
tectos, fraudulentos mendaciorum fabros, versutos tam exi-  
tialis discordiae, verèque impietatis magistros.

Publica igitur hac fratrum Christianorum utilitas, &  
defenden-

Malè totum fo-  
ret Anonymi  
Confessionista-  
rum patronis si  
R. Imperij, or-  
dinibus fraudes  
ac doli mali can-  
dide atque verè  
exponerentur:  
quibus Germa-  
nicum schisma  
improbe fouet,  
augentque ne-  
fariè.

defendenda oppressa apud ordines Protestantium per calumnias atque sycophantias veritatis necessitas ad respondendum maledico magis, quàm solido, aut erudito illi Anonymorũ Confessionistarum scripto nos potiss. impulit, ne verum imperiti credant diutius, quod sui noui magistri nobis falso, immo calumniose, contraque suam ipsorum, vti veremur, conscientiam affingunt.

Siquidem optima, & ea indubia, nos tenet spes, non posse illa mendacia dudum perstricta isthoc Confessionistarum scripto licet affabrè contexta, licet stibio fucata, licet purpurissabelle incrustata, ita coalescere, atque solidè coherescere, quin aliqua semper biaret rima: qua istam hostis nostri infestis. diaboli maceris iuxta Prophetas mero humana doctrina luto non tenaci, sed friabili oblitam, mendacioque incrustatam, ac sine veritatis diuina paleis temere accumulatam, liceret suffodere. Inspecienti enim dudum Cæsari A. P. oblatũ hoc Confessionistarum scriptum mox occurrebant non leues, vti prima quidem facie præ se ferebant, offensiones, asystata dico dissonantia, pugnantia, contraria, quæ animum ad singula accuratiùs expendenda aduertere monebant.

Cùm enim commemorata isthæc emblemata mecum tacitus etiam atque etiam recogitarem, indubiam perinde ac facilem sui victoriam alma veritas, fauente aspirantẽq; Deo, pollicebatur.

Quin immo grauẽ nobis visa est interminari apud illud Christi iudicis citra personarum discrimen iudicaturi tribunal accusationem, si nunc aut in hominum gratiam verum dissimularemus, aut metu vllò humano suam causam, cui propugnande nos elegisset Deus, ignauius, aut minus strenuè quàm pro virili hac, defenderemus. Qui namq; isthæc paucula istius

Indubia victoriæ spes auctorem ad illius codicis grauaminum cõtra Concilium Trident. editi refutationem instigauit. lere. 13. & 22.

Viri deteguntur, quibus illud noui protestantium scriptum scater, ac fixiss. laborat.



Res planè prodigiosa Ro. Imperiū hactenus toti orbi inuictū tā fūculneis armis, friuolisque causis prope expugnatum, vltro suis contueri diffidit.

Confessionistarum scripti Caesaribus P. & F. oblatis prudens & æquus censor considerarit, accuratiusq; expenderit emblemata, mirum si non præ insolentissima rerum istarum absurditate obstupefcant penitus ingens istud dissidium (quo Imperium Rom. tantum non ruit) tam friuolis, tam fūculneis, tam nullis planè nixum ratiunculis, tam improbis fultum calumnijs, tam impudentibus denique stabilitum mendacijs, manifestarijsque fucatum vet. PP. sententiarum adulterijs, immanem istam inuicta hactenus omnibus exteris hostibus Germanie cladem dare potuisse, indubiamq; parere, immo passim inuexisse plusquam Babylonicam captiuitatem?

Epist. 19.

Anonymos Confessionistarū patronos spiritu vertiginis raptatos & se, & suos cōmilites opugnare, atque angulare adeo.

Ex quibus vnguibus, quod vulgo dicitur, et si satis superque istos liceat cognoscere leones (quorum in persona verus ille leo sanctissimus Christianorum hostis infestiss. Diabolus circuit, quærēs, quos deuoret, non fortiter persistentes in fide auita) hoc tamē nunc paulo diffusius vt agamus, instituti huius ratio postulat: quo magis omnibus liqueat quā verē Anonymi isti Confessionistarū tā consiliarij Politici, quā Theologi ad præclarum istud facinus delecti de illorum Pseudoprophetarū sunt numero, de quibus Dominus apud Prophetam conqueritur, quod raptati spiritu vertiginis omnem Aegyptum errare fecerint vt ebriam, Miscui illis, inquit ore Prophetæ Dominus, spiritum vertiginis, & errare feci omnes sapientes Taneos.

Quid autē obsecro manifestius declaret nouos istos Confessionis Augustinæ patronos hoc prophetico, immo Pseudoprophetico raptatos vertiginis spiritu, quā quod suos ipsi conuictos veteres Confessionistas, dum nos ore incesto suggillant, flagellant, lacerant, imprudēter superstitionis accusant, adeoque impudenter hæreseos damnant? Siquidem inficias

ire



ire nequaquam possunt inter indubitatos *sue Confessionis Augustana* professores maxima etiam esse doctrina dissidia, propter quæ alij alios iam dudum declararunt, immo damnarunt hereticos, cuius rei fidem langè locupletissimam (ut nihil de Brentiana illa Ubiquitate, Osiadrianismo, aliisue mon- stris passim per Germaniam irrasis, & Adiaphoristarum va- rijs sectis verè hypocriticis dicamus) Confessio Mansuelden- sium & Wimarien. faciat: ubi præter alios dñantur Osi- adriani, Melanchthonici, Anonymi & alij Lutheranorum neque pauci, neque obscuri ad sectas vsque 7. aut 2.

Vide Confess.  
Nicolai Gall.

Sed quid, obsecro (ut quod res præsens postulat agamus) faciant Lünenbergen sibus isti Censorij Confessionistarum delecti? an eos ab Augustana Confessione exclusos dicēt, quod vetustissimis uti pergunt nobiscum cōcorditer sacris Baptis- mi ceremoniis (licet illi irrideant ceu superstitiosa, & velut impia cum Sacramentarijs subsannent) crucibus & Diabo- li exorcismis?

Eadē omnino  
causæ dissidij  
aut schismatis  
Catholicis nūc  
obicitur manife-  
stō hæret in ple-  
risque principib.  
protestantiū, to-  
taque Saxonia:  
à quibus esset et-  
iam secessio fa-  
cienda necessa-  
riū.

Si hæc sunt legitima schismatis à Catholico Dei populo fa- ciēdi causa, quia superstitiosa, magica Idololatrica (quod fol. 183. dicitis, eos aquam baptismi ad magicos vsus & impia atque Idololatrica sacra exorcismis suis conuvertere) cur quæ- so non habeantur talia & in vestris Euāgelicis Lünēburgen- sibus? Cur non & in Wittenbergen Theologi quorum consi- lio et approbatione anno 64. Ordo Ecclesiæ Lünēburgensis est Wittenbergæ denuò impressus? Taceat & agendam Saxonica Ecclesiæ, & Confessionem Ducum Wimarien. Saxonū in ba- ptismo exorcismos cum crucis signis varijs præscribere fol. 4.

Exorcismis &  
crucibus vultut  
Lünēburgenses  
& Saxones, idē  
ex approbatio-  
ne Theologorū  
Wittenbergen.  
& Lipsien.

Deinde an Catholicos faciat superstitiosos si orationē Do- minicā certo numero ad rosariū, siue in digitos repetāt: et nō ipsos euāgelicos, quod Kyrieleyson aut ter, aut nomines cātillāt?

Fol. N. a. 1.  
Fol. 4. C. a. 1.  
& 2. B. 3. 6.

Ad

Imagines reue-  
renter habet Lu-  
therani in Saxo-  
nia & passim alibi.

Superstitionis  
Lutheri suum  
agunt reum no-  
ui Confessionis-  
sig. si vera est no-  
stri accusatio.

Lutherus an su-  
persticiosus q-  
se crucis signa-  
culo munivit  
attonitus.

Vide Tom. 1.  
disserum Phi-  
lipp. Melanch-  
thonis.

Fol. 96. cap. 4.

Lutheri sui  
benedicti cum  
signaculo. t. s.  
crucis. 1. s.  
Fol. 99. 2. s.  
Lutheri suum  
erroris damnat  
nouu isti Cōfes-  
sionistarum Pa-  
troni.

Ad hac si cultum sapit Idololatricū quòd Catholici statuas  
atq; imagines reuerenter habent ad beneficiorū diuinorū me-  
moriā gratanter renouandā, cur nō et Lutherus vobis est sua  
cū Vvittēbergæ, totaq; propē Saxonia & Norico Idololatra,  
quòd imaginē crucifixi Domini, picturasq; serpētis, atq; ba-  
ptismi Dominici in tēplis piē obtinet? Illud porrò demētis in-  
sania notā effugere nequit, quòd suū adeò Lutherū generosi  
isti Confessionistarum delecti defensores manifesta damnant  
superstitionis. Cū enim inter magica ( si Christo placet )  
atque incantationes fol. 186. referant, quòd nos almo Domi-  
nica crucis trophæo panem, vinum, carnes, cereos & herbas  
consecramus: alij tūc supersticiosum rideant, quòd frontem  
Christi signaculo terimus, armamus, aut consignamus: certē  
suum imprudentes damnant prophetam Lutherum. Is nam-  
que teste Johanne Manlio ad inexpectatum de Turca suis dis-  
sidijs, Rudis que mirificè recreato, fausta que per reducem N.  
oratorem nuncianti sese crucis attonitus obsignabat.

An non & ordinandos suos crucis signaculo solet prophe-  
nator Lutherus insignire post precationem publicā anno 65. à  
Sebastiano Frosehelō Vvittenbergæ vnā cum ✠ signo crucis  
expressam? An non per Saxoniam populo à suis prophanis sa-  
cris, aut verius execrationibus domum abituro de more con-  
dicator benedicit eum S. ✠ signo à superintēdentibus fo. 99.  
in ordinatione Ecclesiastica expresso? Sed istos vertiginis spi-  
ritu semel rotatos agi vnum hoc demonstret clarissimè, quòd  
doctrina sui euāgeliste Lutheri inmemores nos audent Idol-  
olatrias accusare, quòd purgatorium post hanc vitam doce-  
mus: cum hac ipsa accusatione suum ipsi damnēt Lutherum  
eiusdem vel superstitionis, vel impietatis, propter quam à no-  
bis sese vel in primis disc. sisse profiteri non ambigunt. Sub

mortem enim in Confessione sua perfidia cōtra Cōcil. Triden-  
tinum edita anno 46. disertè docet sine peccato licere bis ter  
orare pro mortuis.

Sanè orationem pro mortuis non reiicit, nedum damnat  
prima illa Apologia Confessionis Augustana: quæ disertè in  
hunc vsque diem sic in articulum de missa profitetur: Scimus  
veteres Patres loqui de oratione pro mortuis, aiunt, quam  
nos non prohibemus. At quisnam supereſt dubitadi scrupu-  
lus istos anonymos Confessionistarum patronos non Christi  
ſpiritu actos, sed manifestè vertiginoso illo ſpiritu ſemel ad-  
obrutos, succoquæ inconstantia bis ebrios non poſſe conſiſtere,  
quum vel contraria ſua iſti præclara Confessionis Augustana  
eiusquæ Apologia hic aſtruere conſtantur? Iſtud meridiana  
luce clariuſ ille de S. Eucharistia demonſtrat articuluſ deci-  
mus. de quo Antithesi v. Item alterum non poſtremum con-  
trouerſiarum caput de legitimo S. Eucharistia Uſu ad ſacrifi-  
cium contra Apologiam ab iſtis dānatum. Rurſus de pijs vi-  
uorum pro mortuis precibus, uti modò indicauimus, de ſacra-  
mentorū numero & Episcoporum iudicio. Iſtiusmodi men-  
dis, ſedisquæ vitiiſ cū ſcateat iſtud nouorum Confessionis-  
ſtarum ſcriptum, ſanè conſulto delecti deſenſores Iurisconſul-  
ti & Concionatores ſua diſſimulauere, immo ſuppreſſere no-  
mina: ne ſuo perirent, ut ſorices, iuxta prouerbiuſ, indicio:  
ne turpiſſima iſtius inconstantia, inquam, atque incogitantia  
notati ſuorum dictorum, immo maledictorum, ne dicam bla-  
ſphemiarum, impiorumquæ ſacrilegiorum rationem reddere  
compellantur.

Verū ut iſti ſua callidè diſſimulauere nomina, quia in  
libro Vita non ſunt ſcripta: ita ex ſuperioribus hoc ſatis li-  
quet Dauidicum illud oraculuſ in iſtos proteſtantiū patro-

Contraria Con-  
feſſioni Augu-  
ſtanæ, atq; eius  
Apologiæ noui  
iſti Cōfeſſioni-  
ſtarum Patroni  
docent.

Cur conſuleſ  
atq; meritò ſua  
occultarint no-  
mina Anonymi  
iſti proteſtantiū  
Apologetici.

# PRAEFATIO

Psalm. 9.  
Demonstratur  
hoc in Apologe-  
tico cōprehen-  
in operibus ma-  
nuum suarum  
peccatores ad  
Dei gloriam, & v-  
nus fidei Euan-  
gelicæ eiusdēq;  
Catholicæ vi-  
etiam.

nos quadrare aptissime, quod de praposteris hostiū Christi stu-  
diis prophetatum legimus, Cognoscetur Dominus iudicia fz-  
ciēs, in operibus manuum comprehensus est peccator. Postea-  
quam enim iam sint liquido conuicti Sophismatum, Asysta-  
torum, calumniarum, immo mendaciorum in Catholicos im-  
probissime confictorum: adeoque locorum illiberalissima men-  
tiendi impudentia deprauatorum: & , quod omnem superat  
fidem, cum hic tam Variæ detegantur pugnae contra socios,  
contra Lutherum suum, contra ipsam denique suam Confes-  
sionem Augustanam, quam hoc opere suo susceperē defenden-  
dam, nullum superest dubium, quin & hic ( si Vincere tan-  
dem queat veritas ) Dei Opt. Max. gloria illustrabitur, quod  
in operibus manuum suarū comprehensi sunt peccatores ad-  
uersus Catholicā Christi Jesu Ecclesiam, hoc est aduersus Do-  
minum & Christum eius sacrilego schismate insurgētes. Sed  
cū Solis luce clarius hoc in Apologetico sit demonstratū Con-  
fessionistas nullis legitimis armis suum posse sacrilegum schis-  
ma defendere, suāque dogmata ab harefiarchis iam olim dam-  
natis. mutuata contra concordem omnium Vet. Patrum con-  
sensum nobis Catholicis consentaneum temerē innouata vlla  
probabili ratione, nedū scripturis orthodoxē ac verē intelle-  
ctis statuere, aut solidē confirmare, omnis cura, studium, dili-  
gentia est impendenda, omnis danda opera, vt certa aliqua  
vel tandem ineatur ratio de tollendis per Germaniam in Re-  
ligione dissidiis istis perniciosiss, certoque certius Rom. Impe-  
rio exitiis ac planē internecinis.

Occurrēdū in  
tempore flagranti  
atq; in dies in-  
ualescētī diffi-  
diorum religio-  
nis incendio.

Cū enim Caesar A. ferale istud religionis Christianæ dissidiū  
Germaniā patriā dulcis. miserandū atq; lugēdū in modū pas-  
sim depascēs in dies proserpat latius, grassetur seuius, flagret  
acrius, sanē tempus postulat, vt consultissima quæque reme-  
dia



dia quàm primum adhibeantur, priusquam malum incredibiliter inualefcens fiat immedicabile, nullamque probi medici admittat manum. Ecquid enim aliud funestis istis vnus fidei Catholica diffidijs ille diffensionis auctor Diabolus molitur, quàm vt distractis varia per dogmata Christianorū animis inhiantiam pridem nostris capitibus infestissimo Christiani nominis hosti Turcarum tyranno barbaris. in prædam cedamus verè Tragicam, & plusquam Babylonicam?

A certissimo iactatus Ro Imperij per Germaniam periculo.

Ubi enim animorum est dissentio, quæ religionis dissidium necessariò, vt umbra corpus, affectatur, non iustum esse valeat animi robur ad communem illum hostem potentissimum nobis inhiantem profligandum, vt non dicam non deesse (pro pudor) qui minimè inuiti illum sibi optatissimum patiantur dominum, si per vicinos liceat.

Euangelicorum non pauci Turcam tyrannum sibi optant dominum.

Quid enim Galli Prouinciales, & Gascones superioribus annis sint meditati, non est obscurū: neque Calumnista nostrates consultatione sua ad Sereniss. R. Philippum in lucem edita calandum putarunt. An non reperiantur hæc per prouincias, qui publicè suum dolorem velin conuiuijs dissimulare non potuerunt de minus secūdo Turcarum successu ad Maltham, & alibi, contra Regem suum catholicum Philippum, quòd hac ratione suis rebus nouis paricidali perfidia tentatis viderent incommodari? Verissimè namque ille apud Euripidem conqueritur suo à germano fratre, paterno pulsus regno, grauique affectus iniuria.

Quidnam Hugonistæ per Galiam & Goetia per Belgij spectarint atq; molebantur.

Ὡς δὲ φρόν' ἔχ' Ἰσρα, μάτερ, οἰκείων φίλων,

»

Καὶ δυσλῦτοις ἔχουσα τὰς διαλλαγὰς.

»

Quàm dira res est, mater, inimicitia consanguineorū!

Et quàm difficiles habet reconciliationes!

Gliscente namque semel inter fratres, aut etiam consan-

d

2

guineos

PRAEFATIO

Huius causam  
vide apud Ari-  
stot. vii. Polit.

guineos paricidali odio, agrè admodum fraterni placatur ani-  
mi: quorum ira & si semper sunt iuxta proverbum acerbis-  
sima; tamen si religionis causa mutuae inter ipsos oriantur  
diffensiones, aut conflictationes, ferè sunt, vt Graeci vocant,  
ἀσυνῶν, atque irreconciliabiles, unde fit vt domesticis suis  
dissidijs quasi contabescat regnum, licet alioqui rebus omni-  
bus florentissimum, quemadmodum misera nunc tandem vi-  
det Gallia, & vestra iam pridè deplorat Bohemia, frustra-  
que vicina nimium luget infelix Græcia. Aliud enim dissen-  
tientibus inter se Reip. principibus euenire non potest, quàm  
olim apud Troiam Græcis: vbi Agamemnone atque Achille  
discordantibus secessione facta, clades fuit Graijs illata omni  
calamitate calamitosior.

Admodum a-  
trocia certòque  
interneciva Rei  
publicæ inflicta  
sunt vulnera:  
quæ tempestiue  
sananda veniūt  
vera Religionis  
còcordia, quo-  
quo modo sar-  
cienda A. Maxi-  
miliani studio.

Hæc igitur Christianæ religionis tam vario longèque mi-  
serrimo vulnere per Varias Confessionistarum factiones scis-  
sa diffensio (vt nunc Suvēfeldianos, Anabaptistas, Fraconi-  
stas, Libertinos siue Nicolaitas, & in primis Caluinistas, a-  
liasque pestes per Germaniam non minus, quàm illi, numero-  
se grassantes taceam) quæ certissima presentium malorū est  
causa, ne etiam Reipublic. vestræ, totique adèd Romano Im-  
perio interitum tandem afferat qui non timet, non ea animi  
acie, qua debet, pericula præsentia & imminencia, immo cer-  
uicibus nostris iam dudum impendentia, tantumque non vr-  
gentia expendere videtur, aut prudenter satis æstimare.

Proinde cum pernecessarium sit (in omnes in vniuersum  
isthoc dissidio quasi lethali Reipubl. vulnere ac peste verè son-  
tica perire malimus) cum inquā sit pernecessarium aliquam  
inuenire concordia inter Christianos sarcienda, stabilienda,  
æternumque confirmanda rationem, nulla erit solida, aut tan-  
tam ad rem salutariter conficiendam idonea, nisi de fidei do-  
gmatibus

gmatibus antè cōueniat, & sarta tecta sit religionis Christianae inter Germanos in primis concordia. De qua vel postliminio restituenda paucis, quæso, liceat cum omnium venia, quæ sentio exponere, pro virili enim boni ciuis functurus officio perquam breuiter depromam, quæ ad extinguendum tetrum atque lugendum hoc nostræ Reipub. Christianæ incendium facere videbantur.

Saluberrima semper fuit in Ecclesiæ dissidijs componendis Conciliorum Oecumenicorum auctoritas, hæc nunc oderunt infelicissimi cane peius & angue: hæc miseri fugiunt, detestantur, execratur. Quæ namq; isti Confessionistarum patroni, ut & alij Euangelici, orbi præscribunt Concilia, uti appellant, libera & Christiana, ubi de tota religionis causa, adeoq; de ipso Pontifice Rom. quem isti reum peragere sese clamitant, indicetur; ubi pij etiã principes & maximè Imperator (ait Confessio Augustana) diiudicet dogmata, fictitia sunt, Catholica Dei Ecclesiæ ignota, atque Platonica profectò ciuitate dignissima; immo Stoicam in porticum releganda. Rectè enim D. Ambrosius Valentiniano Augusto: Quādo audisti Clementiss. Imperator in causa fidei laicos de Episcopo iudicasse? Ita ergo quadam adulatione curuamur, ut sacerdotalis iuris simus immemores? & quod Deus donauit mihi, hoc ipsum aliis putem esse credendum? Neque verò diuino tantum iure, uti hoc loco ait D. Ambr. Datum est Episcopis de religionis, aut Clericorum negotijs iudicium: sed etiam lege Augustali. Sic enim A. Valentinianus pater constitutū reliquit, teste Ambrosio ad Valentinia. A. F. In causa fidei vel Ecclesiastici aliquius ordinis, ait Ambrosius epist. 32. à patre tuo A. lege sanctum est, eum iudicare debere, qui nec munere sit impar, nec iure dissimilis; hoc est Sacerdotes de Sacerdotibus, fideiq; cau-

Conciliorū Ecclesiast. vius saluberr. sed modò à morosulis reiectus per quā arroganter.

Platonicum fingunt Concilium Euangelici, quod dictū sit liberum fol. 33. Editio An. 40.

Iudex in causa fidei, aut Episcoporum quis legitimus.

Audiāt hæc Adulatores isti aulici, & Gnathones Palatini.

Non tantū diuino, sed & humano iure sunt Ecclesiæ iudices Episcopi. Ambrosio. epist. 29. & 30.

PRAEFATIO

*sis. Quam legem pii omnes Augusti ad exemplum Constanti-  
ni Magni semper obseruauerunt: à cuius praescripto cum Valens  
Arrianus discederet, rectè eius praefectum Modestum D. Eu-  
logius Edissenus rogabat, Nunquid etiam cum Imperatore  
,, Pontificem Valens agit? Unde et D. Athanasius epistola ad  
,, Solitarios fol. 452. deplorat, Episcopos contra legem ferre iu-  
dicem Constantium Caesarem. Merito igitur Constantem C.  
Osius ille Cordubensis laudat, apud Constantium A. fratrem iura  
Ecclesiastica temerè inuadentem, quod nunquam iudiciis Ec-  
clesiasticis interfuerit, uti est apud Athanasium ad Solitar.  
fol. 456. Tibi, inquit Osius Constantio, Deus imperium credi-  
dit: nobis quae sunt Ecclesiae. Vt enim distincta sunt munera,  
ita & distincta agendorum partes. hinc & A. Valentinianus,  
teste Ambrosio epistola nuper commemorata, dicere solet, Non  
est meum iudicare inter Episcopos, quibus Deus animas, ut  
mihi corpora, credidit.*

Constantius C. lau-  
datus à mode-  
stia Christiana,  
quod negotia  
Ecclesiae non u-  
surparit, sicuti  
Constantius ar-  
rianizans.

Nobilissimum A.  
Valentinianum A.  
pophthegma Pa-  
latinis omnibus  
adulatoribus me-  
morabile.

Non enim ab Imperatore Ecclesiae suum accepit iudicandi  
officium, uti idem ait Athanasius ad Solitar. fol. 459. Quando  
iudicium Ecclesiae, inquit, suam auctoritatem ab Imperatore  
accepit, aut quando hoc praedictum agnitum?

Suas ergo partes, hoc est, nihil se in Ecclesiam posse, nihil  
sibi in Ecclesia iudicandum, nihil sibi de fidei dogmatibus sta-  
tuendum esse agnoscens pius A. Valentinianus, rogatus à Bi-  
thyniae Episcopis Synodum petentibus contra Arrianos, pie  
admodum atque religiose respondit, teste Sozomeno lib. 6. cap. 7.

Pius A. Valenti-  
nianus sese po-  
lypragmaticon  
& ardelionem re-  
putat, si Eccle-  
siastica sibi cu-  
randa sumeret.

ἰμοὶ μὲν, ἔφη, μετὰ λαὸν τεταγμένον ἡ θέμις τοιαύτῃ πολυπραγμονεῖν.  
οἷδε ἡρεῖε, οἷς τούτοις μέλει καθ' ἑαυτὰς, ὅπῃ βούλονται, συνίτωσαν.  
Mibi quidem in laicorum classe collocato, inquit, nefas fuerit  
taliam curiosius agere, aut aliena curare. Sacerdotes verò  
quibus ista cura sunt, inter se, ubicunque voluerint, conue-  
niant,



niant, & Synodum pro dogmate corrigendo habeant. Siquidem hoc fuit primariū Hypatiani Episcopi Perinthij aliorum nomine legati postulaturus.

Sed quid mirum, pium A. Valentinianum iudicium fidei sue Clericorum recusare, qui meminerat idem prius à Constantino Magno factum? A factiosis erim Donatistis per adulationem requisitus respondit: Petitis à me, inquit, uti est historia Eccles. Magdeburgen. Centuria 4. fol. 585. in seculo iudicium: cum ego ipse Christi iudicium expectem.

Rursus in Concilio Niceno non praesedit, quod imperiti quidam aiunt impudentissimè, sed paruo (inquit Theodor.) solilo affedit, praefatus veniam, & cōcessione ab Episcopis petita. Dixerat enim Episcopis, Vestrum est de nobis iudicium. nullas quoque iudicij leges synodo praescripsit, ait D. Ambros. episto. 32. sed liberum dedit iudiciū sacerdotibus. Unde datis ad Melchiadem Rom. Episcopum literis, ei atque Collegijs Episcopis scribit; ut causam Donatistarū cognoscāt, et ut ipsorum σεπρωτίς δοκιμάσι διεκρινίῃται, κατὰ τὸ δίκαιον τελευτήῃται: integritas probet quānam ratione causa illa Donatistarū contra Episcopum Cecilianum Africae perturbatrix quā accuratissimè decidi, atque secundum iustitiam finiri queat: siue uti D. Augustinus epistola 162. ex actis publicis recitat, ut ipsi quod iustum est, statuunt. Episcopos ergo controuersiarum Ecclesiae iudices ac in primis Rom. Pontificem agnoscit pius Imperator magnus ille Constantinus; quē & in fine eiusdem epistola monet, ut nullum relinquat in Ecclesia schisma aut dissidium. Sic enim est in Graeco exemplari Regio, quod callidè à Musculo peruersore fuit dissimulatum, ubi Melchiadi Ro. valedicens appellat Reuerendissimum, cuius & Collegarum opera hortatur tollenda Ecclesiae dissidia, improbè

Libro 1. cap. 7.  
ex versione Camer. vide Geor. Cedrenum.

Constantinus A.  
iubet Ro. Pontificē statuere ac definire causam Donatistarum.

Wolfgangi Musculi  
culi fraus & delus malus.

# PRAEFATIO

improbè à Donatistis tunc concitata: postquam enim A. pius queri iusserat, vti est apud D. August. epistola 162. ad cuius curam res ista, de qua rationem Deo redditurus esset, maxime pertineret, illos re vera culpandos vidit, qui terrenum regem causa Ecclesiastica iudicem esse voluerunt. Non enim ausus est Christianus Imperator sic tumultuosas Donatistarum & fallaces querelas suscipere, vt de iudicio Episcoporum, qui Romae sederant, id est Melchiadis et collegarum, iudicaret: sed alios dedit Episcopos, eorum peruersitatibus cedens, & omnino cupiens tantam impudentiam Donatistarum cohibere.

Nō audeat Con-  
stantinus susci-  
pere iudiciū de  
rebus Ecclesia-  
sticis.

Imperatoris par-  
tes non sunt iu-  
dicare de dog-  
matibus, aut Ec-  
clesiae negotiis.

Quod si ausus non fuit verè pius Imperator magnus ille Constantinus de iudicio tantorum Episcoporum iudicare, vti disertè ait Augusti. nisi Donatistis cedens veniam à sanctis Antistitibus postea petiturus; neq; sibi iudicis partes de Episcoporum causa sumere Valentinianus, teste Ambrosio, sustinuit: quale nam C. A. Maximiliane, censendum erit istud Conciliū, quod nunc homines audaces inaudita post Christianorum memoriam voce appellant liberum & Christianum: in quo iudicet Imperator, aut eius Comes siue Vicarius? Constatinus ille magnus in Concilio primo Niceno non praesedit, sed humili soliolo, teste Theodoretō, Episcopis assedit. Martianus A. in concil. 4. Chalcedon. non ostentanda suae potentiae causa se interesse profitebatur: sed ad confirmandam fidem exēplo Constantini magni, ait Liberatus Carthaginen. cap. 13. Sic in alijs Conciliis Oecumenicis Imperatores non praesedisserunt, sed adiutores adfuisse facile foret ostendere, nisi oboritur fortè fastidio consulendum esset. Certè argutè non minùs quàm false D. Athanasius Apologia secunda, Qua fronte talem, inquit, conuentum, qui fuit Tyri tota ex prouincia, appellare audent Synodum, cui Comes praesedit? et cat. Vbi Comes verba faciebat? Quale

Vide Liberatum  
Carthag. Archi-  
diaconū & D.  
Thomae Politi-  
ca cap. 17.

Vide Pighij Hie-  
rarchiam, & no-  
tā Panopliā.

Quale verò nomen talis conuentus, ubi Caesar eiusue vicarius rebus Ecclesiasticis praesidet definiendis meretur, libera sanè voce D. Athanasius edicit epistola ad solitar. Quis enim videns eum (Constantium A. ait fol. 470.) in decernendo principem se facere Episcoporum, & praesidere iudicijs Ecclesiasticis, non meritò dicat illum eam ipsam esse abominationem desolationis à Daniele praedictam?

Ex versione P. Nannij.

Quod & D. Ambrosius adolescenti A. Valentiniano à callidis versutisque Arrhianis circumuento obscurius insinuare non dubitauit. Senior factus censebis, inquit, qualis ille sit Episcopus, qui laicis ius sacerdotum substernit.

Ius sacerdotum ab adulatoribus substernitur laicis.

Quid ergo Caesar A. Maximiliane, de istis nunc dicant adulatoribus illi diuini patres orthodoxi, qui contra Ecclesiam morem, contra leges A. A. contra ius Dei Episcopos, immo ipsum Episcoporum patrem, totiusque adeò Christiani gregis pastorem unà cum omnibus cōtrouersis fidei Christianae laicis subijciunt iudicandos?

Quando enim audisti Clementiss. Imperator, ait Valentiniano A. D. Ambrosius, in causa fidei laicos de Episcopo iudicasse? Item paulò inferius. Si vel Scripturarum seriem, vel vetera retractamus, quis est qui abnuat in causa fidei Episcopos solere de Imperatoribus iudicare? Quam verè diuinam D. Ambrosij vocem si Caesar Maximiliane, sequeris (vtinobis quidem persuasissimum est, te instar patrui Caroli V. A. & patris Ferdinandi A. laudatissima piorum ac verè Christianorum Augustorum exempla emulari) vides ecquid officij abs te nunc postulet Catholica Dei Ecclesia ista pernicioso Religionis dissidio tuum per Imperium Rom. tantum nō oppressa: cuius te defensorem sacrosanctè non modò iurasti, cùm regiam coronam Prage Bohemorum, Presburgi Hungarorum,

Episcopi de Imperatoribus iudicant secundum ius scripturarum, teste D. Ambro.

Quidnam officij ab A. Maximiliano nunc flagitet Ecclesia Dei Catholica: nimirum vt sublatis semel religionis dissidiis, solida fidei ineat concordia.

PRAEFATIO

atque Francfordiae Germanorum Caesarem susciperes, sed proximi etiam anni Comitibus Augustanis (Deo Opti. Maxi. gratia immortalis) publicè es professus. Olim ubi quid periculi publici populo Rom. rerum domino impedere videretur, admonebant Senatores Consulem, daret operam, nequid detrimenti caperet Republica, idem nunc tempestatis in primis C. A. tibi agendum. Quod uti difficilius forsitan videbitur negotij (sed quid obsecro forti atque pio Imperatori difficile, ubi Deus certò aderit adiutor?) ita glorià pariet illustriorem, famamque ad posteros transmittet laudatissimæ istius industriae, sanctissimæ operæ incomparabilisque studij testem immortalem, simul et præconem.

Ab exemplis maiorū AAA. Austriacorum.

In omnium mentibus scripta, immo insculpta extat illa memorabilis diligentia, cura, labor tui aui Sigismundi Austriaci A. quam ad componendam perturbati impio schismate orbis Christiani pacem, & ad reddendam ouili Christiano concordiam tot sudoribus inexhaustis, tot peregrinationibus concitatissimis, tot periculis præsentissimis in cogendum Concilium Constantien. insumpsit. Meministi quænam PP. M. M. tuus patruus Carolus V. A. & Ferdinandus A. Pater, huius Germanicæ concordie instauranda causa subiære iam pridem vnà tecum pericula: quotnam cõgère comitia: quàm immensas, easque nocturnas exatlarunt curas, labores, ærumnas bello illo Germanico; quod prætextu nescio cuius libertatis Euangelicæ, ipsum religionis Christianæ iugulum petebat. Quantum verò ab utroque heroe, verèque pio Imperatore sit laboratum pro Concilio Tridentino cùm indicendo, tū continuando, tandemque absoluendo, non est præsentis loci commemorare fusius, res hæc suum meretur Panegyricū Iffocrate quopiam dignissimum.

Verum



Verum hoc Concilio nunc maximos post labores, Deo opt. gratia immortalis, legitimè confectò, atq; patrum ferè CC. suffragijs concorditer definito; quidnam obsecro, ad pacè publicam totiusq; Germaniæ concordiam magnopere profectū? quid factum operæpretium?

Certè quod hanc ad rem attinet, parum admodum: pro dolor. Et si verò nondum videmus diuulsas Germaniæ Ecclesias hac concordiae ratione diuinitus orbi ostensa coaluisse, diraque dissidia sopita: non tamen idcirco res quasi deplorata, aut desperata de manibus est deponenda. Sed uti factum est pijs ab Augustis, qui se indefessos Conciliorum Ec. propugnatores, inuictosque præstabant afflutarū Dei Ecclesiarum patronos, exortis licet saeuiss. tempestatibus post Concilia aliquot Oecumenica Ephes. & Chalcedon. alia tentada via, nullaque intentata relinquenda, & experiunda tibi C. A. Maximiliane omnia, quò tandem optata pijs omnibus redeat pax, pristinaque fidei Christianæ vnitas diuulsis miserè atq; dirum in modum dissipatis Christiani nominis Ecclesijs restituatur. Cum verò exemplis illis domesticis dudum recensitis immortalis sanè memoria dignissimis tuo in Augustali petore accensum sciamus illos emulandi studium, Deum opt. max. cuius à fauore benignoque auxilio salus pendet nostra, supplices deprecari, purisque, quod licet, precibus, atq; sacrosanctis liturgiis obsecrare non desinimus, ut salutaria hanc in rem ut gloriosissimam, immortalisq; laudis plenissimam; ita in primis tuendo Ro. Imperio tibi ad tēpus credito, conseruandaque apud Germanos religionis Christianæ pernecessariam consilia suggerere dignetur, quibus omnes Christi oues ad vnum illud, primūque congregatæ Christi ouile, vna fide Deum colant, vno ore Deum laudent, vna religionis re

Etiam si Concilio Triden. nōdum pax sit Ecclesijs Germaniæ reddita: nōdum tamē desperanda concordia, quæ alia tentanda est via.

# PRAEFATIO

*vera Evangelica latrìa honorent, venerentur, adorent.*

Proinde hanc almam in vna Christi fide concordiam Concilium Tridentinum cum efficere (obstantibus nostris publicè grassantium flagitiorum, & in primis Ecclesiasticorum remoris) non potuerit, altera erit arripienda tabula; aut secunda potius, si videbitur, navigatione vtèdū: id est, vt quod vniuersali negatū est Synodo, Prouinciali vel Regionali, vt D. Augustinus appellat, tentetur, Concilio totum per Rom. Imperium indicto, siue Conuentu tali procerum, ordinumq; Imperij, qualem huius morbi nōdum deplorati aut postulat, aut saltem patietur ratio. In quo ad veterū Patrum formā antiquissimāque Catholicae Dei Ecclesiae exempla de dogmatum nunc controuersorum legitimis sub iudiciis, secundum antiquas Imperij Rom. leges & patrum orthodoxorum Canones presidentibus, disquiratur veritate. Quod & si fortassis ab aduersarijs non impetrabitur, quia incognitam patribus nostris, vt diximus, totique adeo Catholicae Dei Ecclesiae matri nostrae ignotam, Euangelioque contrariam praescribunt Concilij liberi formam verè Platoniam: illud tamen licebit, Christo aspirante, efficere, vt ad concordiam in posterum certo ineundam certissima saltem iaciantur fundamenta. Nempe, vt solis luce liqueat clariùs, nos Catholicos non aliud, non diuersum, non nouum docere aut defendere Euangelium, quàm fuit nobis Germanis ab initio iam olim traditum per Christi Do. Apostolos Thomam & Marcum: Apostolorumq; discipulos Laurentium apud Vestrum Laureacum Austriae in Norico, Lucium Cyrenensem in Rhetijs, Passaviae ac in Vvin delicia; D. Aegistum atque Marianum in Bardvvijs Lunenburgensium, Nathanaëlem Treueris: Crescentem Mogūtia & Metis, Valerium & Maternū Treueris, Colonia ac Tongris.

Quam via nūc  
tentanda & mo  
henda Germa  
nia in Christi  
Euangelio con  
cordia.

In conuētū Im  
periali demon  
strare licebit Ca  
tholicae religio  
nis originē no  
stris dogmatib;  
per omnia con  
sentire, semper  
que eandē fuisse  
Christianae  
Ec. fidem.

Vide D. Hiero.  
eatalogo.  
Dorotheū Ty  
riū in Synopsi.  
Auentinum.  
Histor. Magde  
burgen. Centur.  
2. lib. 1. Victor.  
Scrigeliū annor.  
nouī testamen.

gris. Rursus postea per illorum discipulos Ulrichum Augustae Windelicorum, Kilianum Vvirsburgi Francorum; Vvilibrordum Oudt-Traiecti Batauorū, Bonifacium Ingolstadtij ad Danubium & ad Rhenum; Albanum ad Neccarum & ad Manum.

Quo in publico Ro. Imperij conuentu omnes licebit istius dissidij Ecclesiastici causas, immo causationes verè cauillatorias, ne dicam sophisticas & calumniosas semel præcidere: quas potissimum hac una in re illi Anonymi Confessionistarum dilecti habent collocatas, quòd suis patronis Imperij ordinibus falsò persuadent, sese nò nouam inuexisse doctrinam, sed verè Euangelicam scripturis & perpetuo Orthodoxorum patrum consensui concordem atque consentaneam.

Quæ res etsi infiniti videatur negotij, neque libris scriptitandis, & Apologiis rescriptitandis, & Antapologiis regerendis vllum sit inuenire modum: facillimè tamen conficiatur, si publico in Imperij Ro. Comitio, siue Concilio potius Regionali res tota ipsis sanctissimorum Orthodoxorū patrum verbis semel credatur decidenda. quemadmodum sapientissimum illum A. Theodosium ante annos plus minus 1200. in flagrantissimo Arrhianorum, Macedoniorum, Nouatianorum aliarumque pestium plurimarum dissidio, suggestionem Syssinij diaconi memorant historie feliciter admodū optatissimam pacem Ecclesijs contentiosorum aliquot hominum studio deploratissimè ac propè desperanter diuulsis restituisse. Tunc sane liquebit verum videre volentibus, non nos Catholicos turbare Iffraëlem, aut istius sacrilegi, paricidalisque, immo exitialis schismatis iustas dedisse causas, nedū esse auctores: sed istos inconsultos Confessionistarum delectos, eorumq; similes, qui se principum & ordinum Confessionis Augustanæ

Facillimū compendium, quo Ecclesijs Ro. Imperij facta testis reddatur fidei Euangelicæ concordia, exemplum A. Theodosij.

Verè turbant Iffraëles, qui se dicere quàm esse malunt Euangelici eorumq; potius Patroni Anonymi.

P R A E F A T I O

Theologos & Consiliarios dicunt Politicos. Ipsi namque Semitheologi confectis odiosiss. criminibus Romanum Pontificem, omnesq; Catholicos Episcopos apud suos Principes protestantes, vt nostri odio inflammatos, ita veri non satis peritos, sacrarum originum, mysteriorum & ceremoniarum Ecclesiasticarum, dogmatumq; controuersorum aequo minùs eruditos immeritò traducunt, nefariisq; calumnijs Catholicam Christi Ecclesiam de religione per Episcopos sceleratè propheta nata impiè criminantur. Quin etiam manifestissimis planè mendacijs dudum indicatis Euangelium pridem à se, suisq; maioribus agnitum irreligiose oppugnant, & clarissimam Dei Veritatem, reclamante sua ipsorum conscientia (quia loca SS. Patrum non pauca de industria sceleratiss. deprauant) sacrilegè explodunt, quemadmodum suis inferius locis demonstratur.

Veritatis victoria penes Catholicos; modo protestantes suis verbis, decretisque Comitialibus stare nò recusat.

Proinde si illustriss. ordines Imperij protestantes suis stare verbis velint, tam certa est penes Catholicos de dogmatibus ad vnum omnibus nunc controuersis C. Auguste victoria, vt hac de re iudices subire nò detretemus vel ipsos illustriss. Confessionis Augustanae ordines & Ro. Imperij Clementiss. Principes. Siquidem disertis Augustanorum comitiorum decretis constitutum est (quod & Confessionistarum delecti hoc nouo grauaminum codice profiteri fol. 400. non dubitauerunt) vt tota tractatio horum negotiorum, siue controuersiarum conclusio fieret piè ac rite secundum sanctas prophetarum, atque Apostolorum scripturas; & perpetuum consensum sanctorum in Ecclesia patrum. Qua vna in re potiss. omnium (si alia vlla sit humana) cum certissima nunc temporis videatur solida còcordiae spes collocata, nos pro hac virili omnem impendimus huiusce ingenoli curam, omnem naua-

Iuxta decreti Imperialis formulam à Confessionistis praescriptam dogmata 14. controuer-



nauauimus operam, vt dogmata quæ Catholicis cum protestantibus adhuc supersunt controuersa (plurima enim, Deo opt. gratia, cum tempore factis illis & Christianæ antiquitatis eruditioribus, & animo muioribus, minusque ferocibus sunt recõciliata) ad formam ab ipsis dudum præscriptam demonstraremus secundum SS. scripturas, & perpetuum SS. Patrum in ecclesia consensum posse nullo negotio componi, atque inuictam S. Euangelij veritatem pro nobis Catholicis stare. Veniat in medium, si exempli causa quis requirat, illa princeps istarum 24. Antitheseon Catholicis, tanquam Euangelicæ fidei deprauatoribus & cultus diuini adulteratoribus obiectarum quæstio, prima in acie à Confessionistis ceu palmaris proposita, an Catholici nouam sequamur doctrinam, superstitiosam, impiam, fœdolatricam, quod Sanctos ad auxilium de more inuocamus?

Si illustriss. DD. Electores, & Clementiss. DD. ordines Rom. Imperij Confessioni Augustanæ addicti suis Comitiorũ Augustanorum decretis dudum commemoratis stare non recusant, perpetuumq; Vet. Patrum hac de re sequi ex animo volunt consensum SS. scripturis nixum & contestatum, audiant obsecro benigni, quos inferius recitamus Patres, viros Clarissimos, Vetustissimos, Orthodoxos 14. aut 15. nobis suffragantes. Inter quos & illos agnoscent patres, Ambrosium, Augustinum, Chrysostomum vna cum alijs disertè nobiscum S. virginem Mariam, SS. Apostolos, SS. martyres, Stephanum, Laurentium, Basilium & Cyprianum inuocantes: quos

contra hanc Orthodoxam doctrinam obiicere Catholicæ Dei Ecclesiæ non puduit fraudulentos istos Anonymos Confessionistarum patronos delectos suos Theologos & Consiliarios politicos: qui dissimulatis dolo malo perspicuis ac passim ob-

sa hoc Apologético demonstratur ex Catholicorum sensu statuenda & concilianda, quod exemplis alijs quor illustratur

Vtri parti de SS. inuocatione scriptura & cõsensu PP. Orthodoxorum concordet atq; conspiret: Catholicisne, an Euangelicis.

Orthodoxi illi PP. inuocant sanctos, quos perfidi Confessionistarum patroni Anonymi contra SS. inuocationem non veretur detorque-  
re atque depra-  
uare.

PRAEFATIO

uiis sibi que notis illorum Vet. Patrum sententiis ad concordiam Ecclesiasticam singulariter faciētibus illas tantum calidè veteratores isti ceu strenui Bellona Antistites corradūt, quae funestissimum Germanijs, Romanoq; Imperio alant religionis dissidium.

De sacrificio missae propitiatorio, de panis transubstantiatione, atq; Christi in sacramēto adoratione PP. Orthodoxi omnes Catholicis consentiunt.

Similiter & alia illa de S. Eucharistiae pro mortuis sacrificio, de adoratione, atque transubstantiatione quaestiones si iuxta illud Imperij decretum Christiano animo, veritatis magis, quàm contentionis studioso examinentur ad scripturas & perpetuum Orthodoxorum PP. consensum, suis infra classibus recitatum, videbunt Illustrissimi Principes protestantes perspicuè, Catholicos in his, aliisque ad unum omnibus dogmatibus nunc in cōtrouersia positis iuxta scripturas, perpetuumq; patrum consensum piè sentire, verè atq; Evangelicè de Christo ac Deo credere, legitimè Deum colere, nullam superstitionem, aut praeposteram religionem serere, nèdum impietatem ullam, aut prophanam Idololatriam propugnare.

Ad haec perspicuum erit non densissimis errorum & superstitionum tenebris Episcopos Catholicos (quod Anonymi illi fol. 420. temerè calumniantur) doctrinam Ecclesiae inuoluisse, non prorsus nouum religionis genus à diuina scriptura, instar Iudaeorum & Turcarum, in Ecclesiam Christi inuexisse: non denique nouum Christianismum orbi aut Germania peperisse. Sufficiat in praesentiarum istud de principibus controuersiarum capitibus hic delibasse, quae idcirco leuiter perstrinximus, ut viris pijs atque concordiae Germanicae, adeoque Unitatis Ecclesiasticae studiosis aliquod sarcinendae inter partes dissentientes pacis specimen ederemus.

Ceterum hanc rem pius quidem optatissimā, sed omnibus

in vniuersum multò maximè salutarè efficaciter conficiendā, nihil impedire videtur aliud, quàm quonam tandem sub iudice isthac maximi sanè momenti, vnde non Ro. tantum Imperij, sed animarum etiam nostrarum pendet salus, veniat dirimenda. qui vnicus scrupulus de via nobis superest remouendus, quò desideratissima omnibus religionis Christiana pax atque Euangelica fidei concordia fausto, inoffensoque in Germaniam redeat pede.

Certè si Confessionistæ antiquis perindè atque iustis legibus Rom. Imperij, immo suorum atque nostrorum piorum, Verèque Christianorum maiorum Constitutionibus se patiantur constringi (ne filiorum Belial, id est iugum Domini excutientium, calcitrantium, perduellium, atque Ecclesiæ Dei rebellium, nomen & culpā mereantur) nihil est quod laboremus.

Verùm quia istud, licet æquissimis nitatur causis, licet necessarijs dudū ex D D. Ambros. August. Athanas. de promptis fundatum sit rationibus, licet clarissimis denique Sacratiss. AAA. Valentiniani, Constantini, Marciani, & aliorum fulciatur exemplis, nos impetraturos vix nobis ausimus de aduersarijs polliceri: (nam repudiata religione auita, & Paterna leges ipsis quoque fuere necessariò damnanda, proculcanda, abolenda) non omnis tamen ideò præcidenda, nedum abiicienda est reducenda aliquando Germanijs, Christo bene propitio, in fide vna die concordie atque pie reconciliationis spes.

Quāquam enim sibi sua in Stoica illa Ciuitate aduersarij Concilium imaginentur verè Platonium, quod ipsi liberum vocitant atque Christianum, à quo reiciunt, subselliisque excludunt indices Ro. Pontificem, omnesque Ecclesiæ Dei Catholica illi adhaerentes Episcopos, introducunt verò post

Quo tandem sub iudice istud religionis diffidii componendum atque solidè faciendā Ecclesiarum concordia.

Si antiquæ leges ac iustissimæ consuetudines valent, certus est iam designatus quæstionū huius iudex.

Etiā si iudicē controuersiarū legibus & Dei verbo præscriptum recusent aduersarij: nō tamen concordie spes est abiicienda.

Quosnā à Concilio suo libero submoueāt iudices, & quos præficiant Anonymi Confessionistarū Patroni fol. 164. & fol. 165.

PRAEFATIO

Imperatorē & Principes nescio quos Sophos plusquam Platonice sanctulos & pios, adeoque omnium ordinum laicos suorum pastorum, doctrinaeque caelestis arbitros: tamen nos, opinor, non tam habent bardos, blyteos aut stupidos, qui hoc à iudicio exclusi ipsos feramus iudices, nostros accusatores.

Quae enim iudicij aequitas, reos quidem inauditos damnari, accusatores vero suo pro arbitrato & iudicare, & vincere, & triumphare? Si reo suam tueri innocentiam non est integrum apud iudicem minùs aut integrum, aut de partis accusatricis favore suspectum, ecquanam, obsecro, erit iusti tribunalis facies, ubi iudices capitaliter nò solum reos oderunt, sed criminaliter etiam accusant, adeoque anticipato iudicio paricidaliter, tanquam civili etiam seditione ab illis digressi exitialem moluntur Reipub. Christianae euersionem?

Vide Plutarchū  
vita Ciceronis.  
Item eius poli-  
tica.

Tali iudicio si Catilina suis cum coniuratis C. Casare, M. Crasso, Cethego, aliisque non obscuris Ro. Reipub. quondā luminibus suam causam agere licuisset, an non Ciceronem optimum Consulem suo exturbasset vnà cum senatu, ipsaque Reipub. Ro. loco? An non Arrhiani hisce artibus toties damnarunt S. Athanasium? an non sic inualuit Concilium Ephesinum 2. quod meritò Græcis dictū fuit λησπικόν, pyratum, atque prædatorium?

Lutherani si sibi  
sequantur Lutherum,  
omnes semel laicos à  
iudicio dogmatum  
controversiarum  
excludat ut soli regnent.

Neque verò, quando ad rem veniendum erit, Evangelici à suae doctrinae iudicio solum Ro. Pontificem excludant: sed omnem prorsus secularem etiam potestatem. Lutherus nāque disertis admodum verbis istud docet de Imperatore Carolo v. atque adeo de suo etiam Evangelico discipulo Saxone Jo. Frederico, Imperij Ro. Electore.

Lutherus non  
fert causam cō-  
trouersiarum si  
dei diiudican-

Siquidem epistola ad Melancthonem anno 30. die xx. Julij data, se ad Principem in Comitibus Augustanis tunc agētem scripssisse



scripſiſſe ait, non eſſe de cōcordia cogitandum: das unſer ſache den Keyſer zu keinen Rechter leiden kan; quod noſtra (inquit) cauſa Imperatorem iudicem ferre non poteſt.

dam à Cæſare Carolo V. neq; ab ipſo ad dō Saxonie ſuo Rom. Imperij Electore.

Iſtud verò præclarum Lutheri elogium non ideo tantum de A. Carolo V. pronunciatum ab eo liquet, quòd Catholica eſſet Eccleſiæ ſtudioſus, hæreſeōn oſor, fideique Chriſtiane accerrimus propugnator: ſed quòd à Deo mandatum tale non haberet lūcus. hac una enim de cauſa vel ſuum Saxonē infelicem, illum ſui Euangelij noui propugnatorem ferre nō potuit iudicem.

Siquidem præſatione in viſitationem Saxonicam editam Wittenbergæ anno 39. ſc de ipſo ſcribit fol. B. 1. a. Nam licet ipſi non eſt mandatum, inquit, vt doceat, & ſpiritualia gubernet. tamen debet vt ſecularis poteſtas ſummè curare, ne diſſidi, ſectæ, ſeditiones exoriantur in ſubditis. Quòd ſi docere, aut ſpiritualia gubernare laico non licet: nec fidei cōtroversias diiudicare licet.

Principi ſeculari non eſt mandatum vt doceat neque vt ſpiritualia gubernet, teſte Lutero, multo minus ergo v. iudicet de doctrina.

Quos ergo tandem, inquis, admittunt Euangelici iudices? Concilium aiunt. Iſtud verbis quidem dicunt, ſed re ipſa nihil aliud, quàm tergiverſantur & ſubterfugia querunt. Nam tale ſibi ſomniant Concilium, quod liberum dicētūt & Chriſtianum, quale aut nuſquam, aut nunquam reperiatur, aut cogere cuiquam concedatur. re vera enim merum eſt figmentum Platonicum, quod imperitis obtrudūt, dum ex omnium ordinum hominibus eos aſciſcunt, qui in quaq; provincia (inquiunt fol. 364.) inſignis alicuius doctrina, intelligentia, & ſanctitatis nomine celebrantur; quibus vox deliberationis atque iudicij, ac definitionis eſſe communis cum Clericis debet.

Quales in Concilio Evangelicorum illo libero futuri iudices toto orbe ex laicis aſciſcēdi.

Obſerva notas deligendorum in libero Concilio iudicem.

Deinde ſi manus erunt conſerenda atque Concilium ali-

# PRAEFATIO

Remorē tali in  
Concilio libero  
exoritur, aliud  
perpetuo postu-  
lant sibi Conci-  
lium liberum.

quod tandem, quod ipsis placeat, cogatur, tot erunt exceptio-  
nes, tot protestationes, tot denique tergiversationes, ut earū  
nullus futurus sit aut numerus aut modus, quibus extricā-  
dis aut dirimendis altero semper Concilio foret opus. Sed in  
praesentiarum si ita videbitur, demus aliquod ex illorū prae-  
scripto coire posse, immo iam conuenisse Concilium, putas ne  
C. Auguste illo fidei cōtrouersias aut sopiendas, aut certò de-  
finiendas?

Ecquid agāt dū  
Euāgelici Chri-  
stianum ac libe-  
rum quærent  
Concilium.

Minimè gentiū. Quid ita? inquis. quòd innumera obii-  
ciētur interpellationes friuolæq; appellationes. suo enim indi-  
cio cōiuncti, et uti D. Paulus ait κατὰ χρίδι ἀ seipsis cōdēnati  
Euāgelici, quòd à sana veraq; Catholicorū & Orthodoxorū  
Patrū doctrina ex diametro dissentiant, illisq; contraria a-  
deoq; disertis ipsorum verbis dānata doceant, nūquam rem  
eò deduci sustineant, ut seria, & ad viuum fiat vtriusq; do-  
ctrina collatio ad genuinas & non adulteratas Veterū Pa-  
trum sententias.

Appellatione  
sua ad Conci-  
lium Lutherus  
quidnam quæ-  
rerit ac specta-  
rit.

Quòd enim non veritatis discenda causa, neque doctrina  
Euangelica agnoscēda gratia liberum aut Christianum quæ-  
rant Concilium Lutherani, vnus Lutherus instar omnium lo-  
cupletissimo sit nobis testimonio.

Epistola Lutheri  
ad Concilium  
appellatione  
spectat.

Testatur quadam Epistola Lutherus quid nam sua ad Con-  
cilium appellatione spectarit. Sic enim extat To. Germa. v. Je-  
nen. epist. v. ad Phil. Melan. anno 30. die S. Margaretae data.

Eugenhasti-  
ghe Teuffels  
coppen.

Auf das ich die  
weil friede het  
te.

Veruntamen posteaquam, ait, isthac mendacissima diabo-  
lorum capita ludunt in promittendo Concilium liberum, sic  
volo & ego cum eis ludere, voloq; ab eorum somniis appel-  
lare ad illud ipsum Concilium, quod tamen nunquam futu-  
rum est, ut ego interea in pace agam. Audis C. Auguste Lu-  
therum non ferre Imperatorem Carolum v. neq; principem  
Electorem

Electorem suæ doctrinæ iudicem, suisque illis iactatis ad Concilium liberum appellationibus non veritatē quæsiuisse, dum ait interea se in pace acturum: sed hoc agere, quod spiritus S. de quodam hominum genere stomachabundus conqueritur, Filij hominū usquequo graui corde? vt quid diligitis vanitatem, & queritis mendacium? Prouocat ad Concilium Lutherus liberum & Christianum, quod tamen ait nunquam futurum.

Appellatio Lutheri ad Concilium liberū elusoria fuit: quod sciret nunquam futurū, aut coiturū quale vellet.

Quod si futurum est, aut ratione aliqua cogi queat quale velit, non admittat suæ doctrinæ iudicem, non Pōtificem Ro. non Episcopos illi adhaerentes, nō Imperatorē Ro. Carolum v. non suum denique discipulum Saxonem Electorem, quod illi ait, non est mandatum vt doceat & spiritualia gubernet.

Quid igitur, dixerit aliquis, co. filij, ad instaurandā hanc religionis per Germanias miserandum in modū diuulsæ concordiam? Nullāne conciliationis superest ratio, cū Catholicos Confessionistæ hoc à iudicio prorsus excludant ceu reos: contra & Confessionistas Catholici subsellijs temerè, immo violenter, ne tyrannicè dicam, contra leges publicas, contra sacrosancta piorum maiorū instituta, contra humana, adeoque diuina iura omnia occupatis amouendos ceu accusatores opponant? Certè quod ad Catholicos quidem attinet (quos aduersarij reos sese peracturos profitentur) nihil equidem ambigo sese paratissimos sua innocētia fretos, suam causam praeclaro Patrum suorum Cōciliij illius magni Niceni nostræ Catholicæ fidei singularis columinis exemplo vel Philosophis impijs iudicijs permittere dirimendam: vt nec taceam, cū illi reperiri nequeāt, ne Mahumetanos quidē (si omnino exteris, fideiq; Christianæ hostibus ad pacem nobis Christianis conciliandam sit pie abutendū) arbitros vnquā recusaturos.

Licet Catholicos subsellijs excludant Evangelici, & hos Catholici, nō tamen desperāda Ecclesiā per Germaniā concordia.

Tria iudiciū genera admittunt Catholici, quos recusant Lutherani.

Catholici suæ causæ bonitate ac doctrinæ veritate freti iudices nō recusant Philosophos, vel ipsos Mahumetanos, si fieri queat.

PRAEFATIO

Tanta est, *Auguste Caesar Maximiliane*, huius causæ nostra bonitas; tanta elucet indubia victoriæ spes, tanta effulget illustrissimæ veritatis doctrinæ nostræ Catholica lux, vel solis splendore clarior in S. scriptura & Vet. Orthodoxorum Patrum monumentis candido atque Christiano pectore perlustratis.

An igitur apud Christianos, fortè inquis, per Europam omnis exulat istius paricidalis schismatis Germanici componendi, aut saltem sopiendi spes? minimè. C. A. minimè: sed videt. C. T. Maieslas versutos verèque versipelles istos Confessionistarum delectos omnes refugitare iudices, qui ab ipsis diversum sentiunt; illosque tantum admittere, qui fauoris præiudicio iam dudum notati suum prodidèrè veritati Catholicae infestum studium.

Caluinistæ nō recusant Catholici iudices in cōfessionistis cōfessionistarum propriis.

Nam si vel suos Syneuāgelicos Caluinistas admiserint iudices, etiam istis arbitris in iis iam pridem vicinus cōtrouerfis, ubi Caluinistæ non minus à Lutheranis, quàm à nobis Catholicis dissentiunt, uti meridiana luce clarius in gravissima transubstantiationis S. Eucharistiæ causa liquet.

Caluinistæ iam pridem pro Catholicis iudicant contra protestantes in variis dogmatibus ac pro Catholicis Lutheranos oppugnant.

Jam pridem enim scripturis variis atque rationibus certissimis orbi demonstrarunt Caluinistæ necessariò consequi, si in S. Eucharistia est Domini corpus verè præsens (quod nobiscum hætenus verbis quidem obtinent plerique Confessionistæ) panis etiam fieri prorsus commutationem: siue uti cum vetustissimis patribus loquimur, transubstantiationem. Theodorus Beza crassiùs cæcutire Lutheranos scribit, Respōso contra Iacob. Andreæ fol. 85. quàm Catholicos: qui transubstantiationem in consubstantiationem transformarunt.

Præclarior quod Lutherani ipsos Confessionistas damnant, ac pro-

Rursus & fictitiā illam ubiuitatem, Brentij & suorum Tubingen. delitias, nunc per Germanias grassantē, solidis admodum



*modum rationibus & manifestis Orthodoxorum PP. testimoniis nobis concorditer refutarunt nō modo Calvinista in colloquio Molbrun. sed plurimi etiam Confessionis Augustanae professores, vti Philip. Melanchthon, Ioachimus Morlinus, Mart. Kemnicius, Nic. Selneckerus, P. Eberus, Nicol. Hemmingius, Victor Strigelius, & alij plurimi Lutherani ex diametro illi repugnātes. Sic et de pia Christi Domini in S. Eucharistia adoratione contra suos symmistas Lutheranos Joachimus Westphalus responso ad Joan. à Lasco, alique non ignobiles; immo Lutherus ipse Captiuit. Babyl. & alibi nobis suffragantur. Caterum quia nec Philosophos cum Concilij Niceni patribus adire iudices tempora patiantur: Mahumetanos arbitros religio nō ferat Christiana: Calvinistas aut alios sectarios, licet Syneuāgelicos suos, immò ne suos quidem Confessionistas noui non admittant Confessionista, nos verò ipsos Confessionistas quasi accusatores contra nos, ceu reos, iustiori ratione non adhibendos excipiamus, sicuti & hi Catholicos suae nouatae, & à nobis, id est, à toto orbe Christiano variatae doctrinae recusant iudices: ecquanam igitur tandem tibi superare videtur concordia istius sarcienda ratio?*

*Colloquiis varia iam pridem forma tātō pacis studio indictis quidnam promouerit diua AA. Caroli & Ferdinandi pietas, notius est, quàm ut sit commemorandum. Publicis disputationibus multò minùs res cōficiatur, quòd semper citra arbitrorum potestatem fuerit partes cōciliare. Quāquam igitur solidam pij omnes diffidant cōitutam in religione concordiam, nec posse inuiolabiliter sarciri istud paricidale dissidium, donec ad petram vnde excisi sumus, atque ad nostram matricem, id est vnum illud Christi corpus, cui ipsius loco vnus est praepositus Petrus pastor, omnes redierimus, (vti olim Africa,*

Catholicis op-  
pugnant.

Vide Colloq.  
Molbrun. fol.  
288. & com.  
Strigelij in no-  
testa n.

Colloquiis va-  
riis aut disputa-  
tionibus publi-  
cis nihil effectū  
neque inde ma-  
gnopere speran-  
da concordia.

Variis pacis atq;  
concordia for-  
mulis.

I.

PRAEFATIO

Certissima con-  
cordia per Ger-  
maniam facien-  
da ratio aut sal-  
ut paraſceue per  
Arbitros exem-  
plo Concil. Car-  
thaginen. elige-  
dos.

Vide Conc. Ba-  
ſilien. epiſt. ſy-  
nodali. To. 3.  
ſol. 151.

Penes Eccleſiā  
certō Catholi-  
cam eſſe iudi-  
cium cōtrouer-  
ſatum.

Deutero. 17.  
Matth. 16.

Iudicium Ro.  
Pontificis, cuius-  
que praeſogati-  
uum quā ſit  
ſolide firmatū  
ſimiliterq; fun-  
datum.

*Africa, totiusque Oriens, & dudum Armenia, atque nuper  
prouincia Antiochena) tamen vt huic ſolida paci, veraque  
religionis Euangelicae concordiae via praſtruatur indubia, in  
primis profuturum equidem crediderim, ſi cōmuni Statuum  
Imperij Ro. conſenſu utrinque (quemadmodum in Concilio  
Cartbaginē. factū refert Synodus Baſilien.) delignantur arbi-  
tri aliquot viri pij, Dominum timentes, auaritia, luxus, glo-  
ria ſuae hoſtes, ſuperſtitionem omnem deteſtantes, fanaticum  
omnem errorem execrantes, hereſim denique omnem abomi-  
nantes, penes quos ſit auctoritas partes citra turbam tran-  
quillē audiendi, & ad Status Imperij quod videbitur, a quo  
cum iudicio referendi.*

*Sed quod Caluiniſta, aut Seruetiani, vllūe alij Euangeli-  
ci à nobis egreſſi, quia non erant ex nobis, nō permittant ſua  
in controuerſia iudiciis Lutheranis, nec nos Catholici hac  
tanta in re permittere cuiquam poſſimus definiendum, niſi iux-  
ta legem illam diuinā: Si Eccleſiam non audierit, ſit tibi ſi-  
cut ethnicus & Publicanus.*

*Quod ſi ille iudex in Chriſti Eccleſia diuinis oraculis de-  
ſignatus, Conciliorum omnium decretis conſtitutus, liquidis  
etiam Orthodoxorum PP. testimoniis confirmatus, indubi-  
tata denique iudicandi poſſeſſione, & ea antiquiſſima prae-  
dictus, qui omnem fidei controuerſiam legitimo atque Chriſtia-  
no in Concilio definire ſua diuina auctoritate poſſit, non ad-  
mittitur, fruſtra alium querimus in terra iudicem, cuius ar-  
bitrio res tota ſtet aut cadat.*

*Nam quod aiunt ipſum eſſe reum factum, ideoque iudi-  
cio excludendum, quā temerē dicatur, ipſi obſecro conſide-  
rent accuratiūſ. Accuſant eum; ſed qui ab illo de Eccleſia mo-  
re ſunt iudicati, quod priſcas renouant hereſes; quod cōtra-  
rias*

rias SS. scripturis ab Orco reuocant hominū doctrinas; quòd denique praiudicata perpetuo Patrum Orthodoxorum consensu impia orbi inuehant dogmata. Non igitur tam Ro. Pontificis iudicio, quod causantur, sunt condemnati: quàm perpetuo illo totius Ecclesiae Dei Catholica praiudicio cōiuncti, damnati, excommunicati: à cuius concordī doctrina tam variè dissentiant. Ab hōc ergo iudice diuinitus Christi vice constituto ad Christum ipsum cum Brentio contra Catholicos, & cum Beza contra Brentium, aliosq; Lutheranos prouocare, an satis sobrii cuiquam sano videbitur capitis? Neque enim solus iudicabit, sed illis suis cum fratribus, quos Deus Opt. max. Apostolorum loco constituit principes super omnem terram: nimirum, quos suae Ecclesiae Christianae spiritus sanctus constituit Episcopos, ut eam regant atque pascant. horum ergo pastorum Christianorum in Christiana doctrina constituenta iudicium aut refugere, aut recusare, nō est Christianarum ouium: quae illam sui pastoris Christi vocē summo animi obsequio venerantur, Qui vos audit, me audit; Qui vos spernit, me spernit. Quotquot ergo veras Christi Domini oues sese profitentur, illam pastoris sui, cui Christus Dominus totum credidit ouile pascendum, audire debēt in Ecclesia vocē, quae quid Euangelicū, quid pium, quid impium decernit: uti iam dudum in Concilio Tridentino clara voce personuit. Contra cuius decreta si qui cum ratione sese aliquid opponere confidunt, nihil equidem dubitem hic respondere, quod D. Augustinus pacis publicae causa in negotio Africani schismatis respondit. Ecce, putemus illos Episcopos, inquit epistola 162. qui Romae iudicarunt, non bonos iudices fuisse, aut sese malos esse iudices perpeffos, quae vox est omnium malorum litigatorum; restat adhuc et aliud plenariū Ecclesiae vniuersale Concilium,

Num ideo Ro. Pontifex iudicio excludendus quòd eū reum faciunt Euangelici.

Non tam à Ro. Pontifice condemnati Euangelici quàm à toto orbe Christiano, à cuius consensu perpetuo temere dissentiant.

Brentius stolide ad Christū appellat, uti & Beza cōtra ipsum.

Non solus Ro. Pontifex iudicat controuersias fidei: sed illi Dei spiritu additi Episcopi.

Audiendus in Ecclesia Dei filius & quos suae praefecit Ecclesiae.

# I I.

Concordiae ratio ex Africani dissidij exemplo August. epistola 162.

Audiāt hēc qui Concilij Tridentini decreta volent subincedere reuocare, & quo talem modo ad concordiam veniantur.

# PRÆFATIO

ubi etiam cum ipsis iudicibus causa possit agitari, ut si male indicasse conuincantur, eorum sententia solvantur, & decreta aboleantur. nihil enim vetat posteriora Concilia in priora inquirere, dogmataue examinare, ut quæ recte sunt constituta, firmetur, et quæ aliter, minusve loco ac temporibus apta, castigentur. Potest enim & nunc inter nos optimus fidei status condi (quod D. Hilarius ad illam Arrhianam tempestatem sedandam, pacemque Ecclesie certò reddendam scripsit prudentissimè) ut nec ea, quæ benè sunt constituta, vexentur, & quæ malè sunt intellecta, refecentur. Verùm quia Concilium aliquod generale obstantibus nostris peccatis, nondum licet à fratribus Germanis zelo quodam (sed qui re vera non est, uti Paulus de suis gentilibus conqueritur secundum Evangelij scientiam) contra communem omnium matrem Catholicam Christi Ecclesiam temerè concitatis impetrare, donec Deus Opt. max. meliora. Non parùm interea, si quid videmus, profuerit conuentus ille religionis sue Synodicus, siue Imperialis ad sarcindam semelque reducendam illam postluminio Germanis solidam in vero Christi Jesu Evangelio concordiam.

IIII. Quod si tales fortassis haud temerè nunc reperias arbitros, quales ex Concilij Carthagen. & Basilien. præscripto depinximus concordie conciliande aptissimos, age dum, ne qua concordie instaurande per nos omittatur ratio, ne ipsos quidem protestantium ordines siue aliquot Principes omnium nomine deputatos recusabimus Catholici arbitros, qui quod suis ipsi viderint oculis (puta concordem Veterum PP. suis in libris disertè ac manifestè cum Catholicorum dogmatibus consensum) ad alios referant. Et si enim fortè illo, quod diximus, Comitio siue Synodo non tota mox coëat pax: hoc tamen certò certius efficiatur, ut totus semel perspiciat orbis terrarum,

III.  
Alia concordie  
ratio ex Arrhia  
ni Schismatis  
exemplo.  
D. Hilarius lib.  
de Synodus.

Ne qua desit  
cordie concilian  
de ratio, Catho  
lici non recusa  
bunt ipsos pro  
testantes Princi  
pes arbitros:  
quibus suis cū  
orthodoxis PP.  
liquidò demon  
strabunt in do  
gmatibus cōtro  
uersis. consen  
sum.



terrarum, ipsique suis videant oculis iudices protestantes, nullam nec fuisse, nec esse Illustrissimis Ro. Imperij Principibus, aut Confessionis Svinglij, IV. Ciuitatū Sacramentariarum, Palatinae, aut Mansfeldensis, Osiandrianae, Illyricanae, aut aliorum professoribus, iustam causam, cur ab una illa Christi Domini Ecclesia discedendum fuit, aut sacrosanctum suae Ecclesiae corpus est sacrilego schismate scindendum, lacerandum, diluendum; nedum diutius in eo sceleratè permanendum.

Apertis enim illorum Orthodoxorum Patrum, quorum testimonijs utraque pars se niti, atque pro se stare quaque profitetur, libris ante annos mille conscriptis, commonstrabitur clariss. pleraque omnia protestantium dogmata aut esse nouitia & illis ignota: aut disertissimè ab eis damnata, tamquam erronea, atque adeò ipsi etiam Dei verbo contraria, & tanquam Diaboli blasphemias ab eisdem còcorditer anathemate notata. Quod si semel liquidò demonstretur, ut fuerit longè facillimum (modò legitimè, benignè, candidè ac citra turbam Catholicos audiri detur) quis tam est animi oculis captus, qui non videat apertam esse piis omnibus, quos plurimos etiam inter Confessionistas agentes (Deo gratia immortalis) habet Germania, viam ad constituendam, aut saltem praestruendam solidam Christianae pacis in una Christi fide concordiam?

Quam ut minimè desperandam orbi toti demonstraremus, atque laboranti patriae dulcissimae, immo matri chariss. Catholicae Dei Ecclesiae defuisse velle possimus videri, nostra pro virili (sed quantulum fuerit, quod vnius homunculi studium in vastissima isthac nouarum opinionum sylua cadenda elaboret!) in medium adferre nitebamur, quae ad istud, si non extinguendum, saltem mitigandum aut cohibendum,

PRAEFATIO

dum, sistendumue luctuosum, perniciosum certoque exitiale facere videbantur incendium. Hoc enim germani filij postulat in matrem pietas, hoc nunc boni ciuis flagitat officiū, omnes semel nervos intendere, manibus pedibusque obniti, ne fraudibus, dolis, sophismatibus, calumnijs, mēdacijs, testimoniorum adulterijs alma veritas profligaretur, Evangelium euerteretur, germanus Dei Opt. max. cultus, veraque religio Christiana nobis auita hereditate per manus ab ipsis usque Apostolorum Christi Jesu temporibus constanter atque concorditer tradita extingueretur, extirparetur, aboleretur.

Quanta Episcopi  
pos Catholicos  
ad vnū omnes  
virgeat necessi-  
tas solidā in vna  
Christi fide cō-  
cordiam inflau-  
rādi, ac quoquo  
modo conciliandi.

Si enim religionem prodere censendus est, qui infestissimos Ecclesiae Dei hostes aduersus Dominum & Christum eius accerrimē insurgentes tacitus videt mœnia conscendere, cuniculos agere, propugnacula paulatim occupare; quod suo eos adiuvat silentio, si suo non depellit clamore, si suo non arcet telo, iaculis, gladio, manu: ecquenam nos maneat vltrix diuinæ vocis sententia, quæ nos proculdubio perduellionis, aut profecto præuicationis reos conuincat?

Hoc igitur nostræ salutis patiss. periculo tanquam aculeo excitatos et si varia deterrent consilia, cum operis subeundi magnitudo, tum virium tam ingenij, quàm corporis exiguitas: tamen ad laborem hunc humeris nimio imparem alacriter suscipiendum mirè inuitabat alma, quod dudum diximus, veritatis victoria coniecturis minime, vti apparebat, obscuris dubijsue affulgescens, letæque specie gestuens & applaudens. Cui propugnanda veritati, atque asserenda pietati operam hanc, qualis tandem cunque p̄s censebitur, negare voluisse, aut laborāci Patriæ dulciss. defuisse videri nolimus.

Proinde C. Auguste Maximiliane cum hac priuata huius laboris opera iam sit via ad subuertendum paricidalis istius schismatis:

*Schismatis Germanici propugnaculum à Statibus Confessionistarum, ordinibusque Imperij Ro. illo suo scripto erectum, si non munita, sed strata aut saltem haud obscure indicata, nō difficilis omnino, nedum desperanda fuerit Germaniæ nostræ in fidei vera Christianæ, certoque Evangelicæ consensu concordia, modò enim in Concilio generali, Prouinciali, aut Regionali; siue Comitio etiam Imperiali legitimis sub iudiciis, aut saltem a quibus quales diximus, arbitris res omnis de fidei controuersis piè atque Christianè, positis semel praiudiciis, submotisque priuatis omnibus affectibus, secundum scripturas sanctas (vti publicis Augustanorum Comitiorum decretis Confessionista fol. 400. profitetur constitutum) & perpetuum consensum sanctorum in Ecclesia Patrum decidenda proponatur: facile admodum A. T. Maiestas effecerit, quod totus nunc orbis Christianus ardentè desiderat, piusque votis abs te efflagitat. Uniuerſa namque dissidij Germanici à Catholicis causa duobus nititur capitibus: nimirum personarum vitis, siue morū abusibus, & doctrinæ corruptelis: vitæ autem vitia cum sint personarum, non doctrinæ nostræ, quæ illa damnat, abususque opiat omnes semel sublato, non iusta mereantur dici apud prudentes rerum arbitros dissidij tam sacrilegi, aut schismatis impij causa. quod adeò verum est, vt nō solum Lutherus Com. ad Galat. & Calvinus Com. in Psal. 14. doceant propter vitia & vitæ impuritatem ab Ecclesia Romana non discedendum: sed Bohemos etiā damnat inexcusabilis & sacrilegi schismatis Lutherus, quòd contra Christi legem sese à Catholicis siue à Ro. Pontifice separarunt, aliudque impium altare construxerunt. Ad eundem modum & grauissimi isti Confessionistarum patroni fol. 93. ingenuè agnoscunt hanc abusum Variorum & vitiorum Ec-*

Facillima fuerit dissidiorum cū protestantibus conciliatio, modò æqui nobis alibi contingat controuersiarum nondū consociatarum arbitri.

Fontes dissidij Germanicique schismatis duosunt: Abusus & doctrinæ corruptela.

Bohemorum schisma Lutheri iudice impiū est, & nulla ratione potest defendi, vnde neque Germanorum.

NOTATE Confessionista Lutheri vestri de vobis praiudiciū, quod estis impij & inexcusabiles quia à Catholicis & Ro-

PRÆFATIO

mana receditis  
Ecclesia.

clesiæ Catholica Camerinam nō esse idoneam sui discessus, aut schismatis Germanici excusandi causam: sed eam veram ac legitimam putant ex altero illo sibi esse capite, quod doctrina diximus corruptelam. Verū istam causam esse ficulneam et commenticiā, planēq; nihili, conuētus ille piorum dudum dictus facile atque omni luce clariū demonstrat.

Quā facilis  
sit veritatis vi-  
ctoria penes Ca-  
tholicos, modō  
æqui saltē con-  
tingant rerū ar-  
bitri, qui ex ve-  
ro dissidia diri-  
mant.

Cū enim utraq; pars veritatē à se stare affirmet, suāq; causam et scripturis, & Orthodo. P. sententiis asserat confir-  
matā, adeoq; certō demonstratā, ecquid superesset, obsecro, ad solidā alme veritatis nostræ victoriā consequendā reliquum, quā SS. literarū capitulis vero atq; perpetuo P. Vet. Catho-  
lica Ecclesiæ consensui per illud aduersariorū scriptū obiectis suo germano sensu exponere, verōq; sensui vindicare? Dein-  
de illa quoq; Orthodoxorū P. promere testimonia nobis suf-  
fragantia, hic à versutissimis Anonymis istis Confessionistarū delectis illiberaliter, immo improbē dissimulata? ne sacrilego dicā fallēdi studio suppressa, dolo malo, immo nefario proculca-  
ta, fraudulento deniq; verborū adulterio falsata, & manife-  
stissima deprauatione adulterata. Nā inter illa xxiiij. cōtro-  
uersiarū capita, propter quæ noui isti Confessionistarū Patroni disertē profitētur sibi atq; Statibus protestatibus fuisse neces-  
sariū, vt à Catholica discedētes Ecclesia sua, suorūq; consule-  
rēt salutē aeternā, plurima sunt, quæ nullā prorsus modō cādi-  
dē, vti Euāgelico pectore dignū foret, eam accipere dignaren-  
tur) cū Catholicorū doctrina habēt Antithesin, huius generis  
est Antithesis 9. de fiducia certa et indubitata promissionū Dei.

Nō enim iusta  
dissidij causa ex  
abusibus, quod  
fateretur Confes-  
sionistæ: non ius-  
ta Schismatis  
istius causa ex  
doctrinæ Euan-  
gelicæ corrupte-  
la, quod liqui-  
dō demonstrant  
Catholici.

Nulla ergo su-  
perest legitima  
Schismatis excu-  
satio, aut iusta  
extra Ecclesiam  
Catholicā Ro-  
mantendi dis-  
sidij causatio.

Quatuor clas-  
ses xxiiii. Anti-  
theses facillimā  
ostendunt cum  
prostantibus  
fore concordia.

Et 14. de Recōciliatione cum Deo per Christum. Nōnulla  
quæ mero nitūtur sophismate, puta vocis amphibologia, aut  
Acyrologia, aut captiūcula alia sophistica: vti II. de vno me-  
diatore. Et III. de merito ac satisfactiōe filij Dei. Et XII. de  
merito



merito passionis Christi, & quaedam similia. Plurima verò manifestis nituntur calumniis, ne improbis dicam, fulcuntur mendaciis, malignisue verborum adulteriis. qualia sunt Antithesis prima de Sanctorum inuocatione, quasi diuinum honorem sanctis ascribamus sacrilegi. Et VII. de libero arbitrio, quod viribus humanis possit homo conuerti ad Deum. Et X. de discrimine Legis & Euangelij, quod ex Christo faciamus Moysen. Et VI. de baptismo, quasi eius unctiones olei (inquiunt) magici, qui omittunt, hostes sint Ecclesiae censendi. Et XXI. de ministerio docendi quod nos contemnamus. Ad haec XXII. de Coniugio, quasi nos illud ceu impurum, prophanium, & pietati Christianae inimicum traducamus.

Quae verò supersunt contraria dogmata, nullo negotio inter pietatis Euangelicae cultores concilientur, adhibitis modo Veterum Orthodoxorum Patrum testimoniis, atque; priscæ illius incorruptæ ætatis de doctrina verè Christiana, Apostolica & Euangelica sententiis, quæ vt nostram Catholicorum doctrinam testantur ipsis consentaneam: ita pleraque; omnia Confessionistarum dogmata nobis dissidentanea conuincunt nouitia atque; fictitia; immo de priscis dænatissimorum hæresiarcharum lacunis, fetidisque; Philosophorum Camerinis hausta. Ea licet Euangelij prætextu iam miro quodam hominum auribus pruriētium applausu sunt renouata; nō aliud tamē esse, quā meras, nefariasque antiqui illius serpentis diaboli in Christum Jesum inuidi blasphemias, liquebit. Caterum, cū illas Vet. Ortho. PP. sententiās multo præclarissimas nobis cōcorditer suffragantes aduersarij hic dolo malo ac studio minimè sancto, vt modestissimè dixerim, dissimularint, verèque; verbis adulteratis passim deprauarint, ecquenā, obsecro, res solidam distineat aut impediāt diutius Germania nostra in vna Christi fide concordiam?

Indubia concordia in vna Christi fide faciendæ spes ex malis aduersariorum artibus: quibus ille liberaliter verèque Sophisticè suum alunt diffidum, facile-gumque fouent schisma.

PRAEFATIO

*Sienim Auguste Caesar Maximiliane, hac controuersia non de legibus agrarijs, non de stillicidijs, non de herciscunda hereditate, aut opibus bonisue externis, quorum possessio lubrica, fortuita atque incerta est: non de corporis commoditatibus, quorum fruitio temporaria est, usuraque brevis: non de Ro. Imperij denique limitibus aut hoc, illoue regno perituro; sed de salute illa aeterna certo cum periculo alterius partis perniciosè oborta, venerit consentaneis Orthodoxorum Patrum Ecclesiae Catholicae testimonijs, uti est Augustanus Comitijs decretum decidenda, semelque dirimenda, vicimus, Caesar A. vicimus. Siquidem & nunc locum habere lati videbimus, Christo benè propitio, quod ait D. Basilius, Ecclesia facile obtineret pacem ab haereticis, si veritati cedere vellent.*

*Tam enim manifesta apud illos extant suae doctrinae nobis per omnia concordis atq; ad amussim fideique analogiam consentaneae testimonia, ut nihil ad hanc concordiam semel toti Germania salutariter constituendam, & quasi postliminio tua, ô pacis custos & patriae parens Auguste Maximiliane, opera reddendam desideretur amplius.*

*Ad quod prima quaque occasione efficiendum quanta Imperij Ro. suadeat utilitas, quanta postulet pietas, quanta denique flagitet ac verè vrgeat necessitas, docent illa Syria, Africa, Graeciae, Hungariae, adeoq; vestrae Austrasiae vna religionis discordia, domesticisq; dissidijs à stirpe propemodum euulsae pertristia sanè exempla, lugenda potius quàm iterum cōmemoranda. Hinc sapientissimus iuxta ac pientiss. Imperator Constantinus ille Magnus suos moribundus monebat filios A A A. ut si suum vellet saluum Imperium, religionis curarent vnitatem, & fidei Christianae suas quisque per provincias instaurarent concordiam.*

*Quod*

Alia concordia  
faciendæ spes à  
Comitijs Au-  
gust. decreti for-  
mula quod iux-  
ta perpetuum  
PP. orthodoxo-  
rum consensum  
omnis contro-  
uersia sic defi-  
nienda.

Quantopere  
C. A. Maximili-  
ano laboran-  
dum pro mar-  
tanda Ecclesia-  
rū Germanicarū  
in vna Christi-  
fide concordia.

Ab exemplis.

A Constantini  
Magni testimo-  
nio atque prae-  
claro testamen-  
to: quo filiis A.  
A. A. vnius Reli-  
gionis concor-  
diam legauit in-

*Quod eo magis tibi C. A. Maximiliane, nunc faciendum, quia isthic non modo una, uti tunc Arianismus, grassatur hereticorum factio: sed quod inter illis, vno licet Euangelicorum nomine conspirantes, non desint, qui odium plus quam Vatiniarum in te, tuosq; successores omnes Catholicos Imperatores conceperint; quo ad paricidalia instigati consilia cum superos flectere nequeant, Acheronta mouere satagunt, Turcarumque hostilia tuo Ro. Imperio non minus quam Catholica Dei Ecclesiae arma implorare, aut saltem optare non desinunt. quod de Hugonotis Galliae & Goesseis Belgica passim nunc per Germaniam errantium atque exulantium notius, adeoque exploratius est, quam ut sit memorandum.*

*Cumam vengda & maturanda C. Maximiliano Religio- nis per Germania cōcordia.*

*Omnibus itaque neruis contendendum, ut una Christianis Ecclesiis omnibus quam primum reddatur Christi fides, una ubique sonet Euangelij verè Christiani vox, una ubique gentiū doctrina floreat Apostolica eademq; Euangelica.*

*Ad quam diam verèque almā in fide Christi concordiam nunc Ro. tuo Imperio, totiq; semel orbi Christiano commodissime sarcendam, adeoque restituendā cum Deus opt. C. M. tuæ donarit propitius tam domi post letas aliquot victorias, tranquillitatem; quā foris ab hoste potētiss. inducias decennales, non est sanè occasio hæc oscitāter prætereunda: quæ huic calamitosissima Ecclesiarum tempestatī paterna in nos Germanos Dei opt. pietate eo potiss. sine videri debet concessa, verèque indulta; ut omnes sua quisque pro virili queramus, persequamur, pertetemus rationes, quibus certa aliqua, saltem per Germaniam, fiat intereā in Religione concordia; aut indubia ad solidam Ecclesiarum reconciliationem in fidei vnitāte sternatur via.*

*Ab execrabilī Turcam studio Hugonotarū & Goesseorum.*

*Ab occasione decennialium induciarum: quas Deus opt. misere Germaniæ fortassis postremas cum Turcarum Tyrāno nunc indulgere dignatur, ut intereā suæ consulat salutis per solidam in vna Christi fide vere Catholica & Euangelica concordiam.*

*Præsentem enim si nobis de manibus elabi sinamus cōcordia*

P R A E F A T I O

Cur ista dicitur  
hales fortassis  
postrema habet  
da cum Turca  
inducit.

Quotidie no-  
uas per haereses  
augescunt dira  
Germaniae vul-  
nera: & coalesce-  
tis pacis cicatri-  
ces per Dauros  
quosdam exas-  
perantur.

Nō exigua pios  
tenet concordiae  
facillime spes  
cum Lipſen. &  
Wittenbergen.  
res arte ac pietate  
modo tractetur.

Cur certo spera-  
da pios fidei a-  
pud Germanos  
concordia per  
C. A. Maximilia-  
num facienda.

die conciliandae occasionem, Verendum erit admodum, ne in  
posterum tam commoda sese unquam offerat; rebus omnibus  
una cum mundi senio in deteriora in dies prolabescentibus,  
plurimisque Euangelicorum in Epicureismum adeoque Athe-  
ismum degenerantibus, atque prophanis turbatorum aliquot  
fanaticorum opinionibus, impiisque paradoxis Reipubl. vul-  
nera in horas sauo dolore amplificatibus, pacisque veluti iam  
coalescentis cicatrices Sathanico planè studio dirè exasperan-  
tibus.

Sed quo magis fremit, atrociusque furit sanguinarius ille  
draco, diabolus, ut fratrum, ita omnis etiam pia pacis osor  
infestissimus, suaque per organa turbulenta ostracismo dignis-  
sima, hanc modò non infelicitè per Saxoniam & alibi (Deo  
laus & gloria) coalescentem Ecclesiarum concordiam inter-  
turbare atque interpedire satagat: eo alacrius simul & aecu-  
ratiùs tibi C. A. Maximiliane vnum hoc singulari studio est  
agendum, ut semina haec almae concordiae diuinitus ostensa, cali-  
tusque tributa foveantur, optatam ad messem tua opera pro-  
ducantur, feliciterque tandem cum Dei gloria proueniant.  
Hoc enim fructu, publica nimirum Germaniae in una Christi-  
fide concordia, Maiestatem tuam, quae iam diu in hoc tota est,  
non frustratum iri, cur de benignissima Dei opt. pietate confi-  
damus, causae dudum depromptae certam quandam in spem  
et adducamur faciunt. Vnum illud mihi indubiam prope pa-  
rit rei huius gloriosissima tua opera conficiendae spēs, quod tan-  
tos tamque heroicos labores hac una pro re inuicti animi con-  
stantia pertulisti: quodque eiusdem rei sanctiss. cura te ita dis-  
cruciari scribunt Palatini quidam, ut nō modò corporis va-  
letudinē afficiat; sed pias etiam nō rarò exprimat lachrymas.  
Quid, quod & in illam te subinde erumpere vocem aiunt, vo-



cem sanè Christianissimo Imperatore dignissimam, Si Catholica religionis Unitas, atque fidei Christianae concordia proprii sanguinis effusione tibi redimenda esset, aut recuperanda; te nihil vnquam tibi ipsi parciturum!

C. A. Maximiliani elogium & votum pro Religionis Christianae concordia: dignum quod omnes vbiq; pijs assiduis adiuuent precibus.

Hac vota pietatis omnis celestis plenissima, Verèq; Christiano de pectore promanantia Deus opt. qui & pacis Deus est, non poterit non secundare: modo nos tempori, & oblata diuinitus occasione, immo nobis ipsis non desimus.

Tentetur saltem pia aliqua conciliationis sarcinenda ratio, manus rei huic pernecessariae tantum admoueantur, felicius erit proculdubio hominum opinione laudatissimae huius rei successus, Deus pacis aderit fautor propitius suae Ecclesasticae pacis studioso, quàm illi nihil offeras gratius, nihil facias optatius: Ut enim exosa in primis illi est fratrum discordia; ita filiorum suorum Christi Do. sanguine redemptorum concordia nihil magis amat. Huic autem celesti cōcordia inter mortales aut stabilenda, aut instauranda qui seriam atque sedulam nauant operam, maxima illos sequetur merces: nō modo vt iuxta Euangelium sint futuri cum pacificis Dei filius beati. sed à Deo opt. hac etiam in vita consequentur, quod suis moribundus A. A. filius pius pollicebatur A. Theodosius magnus. Aliud enim sub mortē Princeps ille verè Christianus suis nihil mandauit filiis, quàm vt veram pietatem, siue Catholicā religionem colerent, sartam tectam tuerentur, inuiolatam schismatibusque indiuisam custodirent: per quā assenerant eos pacem habituros, bella sopituros, hostem fusuros, Trophaea excitaturos, Victoriamque à Deo consequuturos.

Georgius Cerdrenus Annali. Nicephor. lib. 13. c. 1.

Quàm verò C. A. Maiestati tuae fuerit multò facillimū hanc vt desideratissimam pijs omnibus, ita Reipub. utriusq; saluti pernecessariam Ecclesiarum in Germania pacem compo-

Manifestū indubie concordiae cum Protestatibus cōciliandae specimē hoc in illi Apologetico videas: me

do illi suis stare  
verba pergant.

nere, omnesque protestantium ordinū controuersias ad piā  
iuxta Dei verbum, perpetuumq; consensum Orthodoxorum  
Patrum concordiam reuocare, inde liqueat, quòd de grauissi-  
mis controuersiarum capitibus nunc hoc Apologetico ad con-  
cordiam aperta est via.

Exempla enim iam dudum allata de Principibus nostrae  
tēpestatis quæstionibus cū Illustriss. protestantium ordinibus  
nondū conciliatis, nimirum Sanctorū inuocationis, adorati in  
S. Eucharistia D. N. Jesu Christi, Panisq; trāssubstantiationis,  
denique sacrificij propitiationis & precationis pro mortuorū  
auxilio atque solatio, specimen prabeant absolutissimum iux-  
ta atque certissimū pari Catastrophe, latissimoq; euentu om-  
nes semel esse cum veritatis victoria, Dei gloria & Ecclesia-  
rum concordia pro Catholicis definienda. Unum hoc modo  
Deus largiatur, ut vel mediocriter aequi, aut saltem non ini-  
quissimi nobis contingere vlla ratione siue in Concilio aliquo  
Ecclesiastico, siue Imperiali (si aliter nō liceat) Comitio queāt  
arbitri: qui nullo partium præiudicio anticipati, aut studio ca-  
pti, solum id in iudicando sequantur, quod disertissima Vete-  
rum omnium Patrum Orthodoxorum verba nobis non mi-  
nus, quàm sibi inter se consentanea, suis ipsi videbunt oculis  
sentire, docere, liquidoque pronunciare. Cuius rei euentū piis  
omnibus quidem optatissimum, nobis verò singulari zelo de-  
sideratissimum cū Deo opt. max. quotidianis precibus, vo-  
tisque pro Cæs. V. Maiestate assiduis commēdare nominatim  
nunquam negligamus, quod nostrarum partiū est, in præsē-  
tiarum agamus.

Causas igitur illas xxiii. Codice Naoburgico pridem  
An. 62. F. M. Patri Ferdinando A. per protestantes ordi-  
nes, Exanfordine oblato comprehensas (quas tanti faciunt vt  
in oculis

*in oculis totius orbis Christiani eas apud posteritatem de suo erga Religionem & Rempubl. studio in testimonium publicare non dubitarint) nihil efficere ad iustam sui sceleratissimi, verèque sacrilegi à reliquo Christianæ Ecclesiæ corpore schismatis causationem, aut excusationem, nunc aggredimur, post refutatam istorum anonymorum patronorum præfationem demonstrare.*

*Hunc autem laborè C. A. Maximiliane, sacratissime tuæ C. M. dedicare visum fuit, quo illi non satis sano protestantium Ordinum Ro. Imperij codici Francfordia in tua coronatione oblato ad manū esset antidotò: atq; vt ex hoc, quale quale tandem futurum est, responso Catholica nostra Religionis propugnatorio perspicuū foret, non deesse piis Catholica Christi Jesu Ecclesiæ filiis grauissimas simul ac iustissimas, addo & perquam necessarias causas auitæ suæ fidei Apostolica ac religionis re vera Euangelica per scelus impium deserendæ, aut nefario cū sacrilegio immutandæ, filij enim sanctorum sumus, & vitam illam ex Catholica Apostolorum doctrina pura & incontaminata, vitæque Christiana expectamus, quam Deus daturus est his, qui fidem suam nunquam mutant ab eo, neque sese patiuntur vllis Sathane astutiis, aut cecis humane doctrinæ prestigiis in aliud transferri Euangelium, quàm ab initio audiuiimus, & ab Apostolis toto terrarū orbe Catholica Christi Iesu Ecclesiæ concorditer diuini infar depositi accepit, conseruauit, posterisq; inuiolatū in hunc vsque diem prodidit, ac per manus fidelissime tradidit.*

*Stat enim eternūq; stabit illud D. Pauli oraculum, Si vel Angelus de calo euangelizauerit præterquam euangelizatum est, aut toto concorditer orbe ab Apostolis initio accepimus, anathema sit, maran-atha.*

*Galat. r.  
1. Cor. 16.*

PRAEFATIO AD MAXIMIL. CAES.

Vale C. A. corpore, anima, & spiritu diu nobis incolu-  
mis in Christo Iesu, qui constantem atque inuictum te faciat,  
augeat, tueatur Ecclesiae suae Catholicae miserandum in modum  
nefario ac sacrilego isthoc Germanico schismate conuulsa, di-  
laniata, ac tantum non euisceratae propugnatorem, gloriosissi-  
mumque tutorem. Boni quaeso consulat S. T. M. quodcan-  
dido Christianae pietatis affectu, sanctoquae concordiae Eccle-  
sasticae per Germaniam patriam dulcissimam conciliandae stu-  
dio, v. matri Ecclesiae Dei Catholicae afflictiss. atque calami-  
tosiss. subsidio adferre conabamur.

Dordraco, natali solo, & ob furiosos Goesseorum motus  
temporaria exilij sede, tutissimoque refugio, ferijs  
Natalitijs D. N. Iesu Christi E. R. A. LXVII. quem  
post tristissimas Theomachorū & Iconomachorum  
tempestates faciat Deus opt. orbi Christiano felicis-  
simum illucescere.

Cesarea Ma. vestra ex animo semper  
ad omnia in Christo IESV obsequia de-  
ditiss. peculiariterque deuotiss. seruator  
Wilhelmus Damasi Lindanus, S.  
D. Ec. Rur. emonden. Episcopus.

APO-



# APOLOGETICI PRO RELIGIONIS CATHOLICÆ CONCORDIA AD GERMANOS, TOMVS PRIMVS.

*Cuius capitum hæc sunt Argumenta.*

## CAPVT PRIMVM.



ISSIDIA, quibus nunc vexatur per Germaniam Christi Ecclesiæ, infestissimas esse diaboli machinas, ad conuellendam veræ fidei vnitatem, & disturbandâ Reipub. Christianæ pacem: quodque ea, ille dissensionis auctor, niû meris calumniis ac mendaciis, vti olim semper, aggregiatur ferere atque fouere.

## CAPVT SECVNDVM.

Doctus enim experientia plus se mendaciis suis posse, quàm gladiis, rotis aut ignibus, nunc pristinas suas artes ad perturbandum Christi regem, strenuè in primis adhibet. Ideoq; similibus ei armis est occurrendum, quibus olim nostri maiores, id est, Apologiam illi opponendam, quæ illius calumnias ac mendacia orbi demonstraret vanissima, exemplo maiorum, quorum textitur catalogus.

## CAPVT TERTIVM.

Scopus huius Apologetici, est cõcordia in vna fidei verè Euangelicæ cõfessione: cuius scripti occasio fuit Codex à Protestantibus A. Ferdinãdo, cõtra Con. Tridentinũ An. 61. oblati, cuius argumentũ perstringitur.

## CAPVT QVARTVM.

Argumentum habet huius Apologetici, cum distributione: vbi & frigidissimæ Protestantũ sui sacrilegi schismatis ratiunculæ expenduntur: An solius pietatis causa, vti aiunt, religionis controuersiam mouerint?

## CAPVT QVINTVM.

Causæ Concilij à Rom. Pontifice indicti, totiusq; obedientiæ recusandæ, confutantur: quæ cum abusibus Rom. curiæ, vitiisq; personarum aliquot nitantur, ipsi Protestantes ingenuè agnoscunt istud argumentum invalidum, ineptumque ad suum schisma excusandum.

## CAPVT SEXTVM.

Refutatio præfationis Confessionistarum in suam fictitiã doctrinã, vbi aiunt, Christianæ & Põtificiæ siue Catholice antithesin, vbi inter varias calumnias, & illa refellitur, Catholicos S. Scripturas eleuare.

## CAPVT SEPTIMVM.

Iudæis & Turcis iniquissimè Catholicos à Confessionistis comparati, quòd deseruerint doctrinã à Prophetis & Apostolis traditã: sed Euan gelicos verè Iudaizare ostèditur, quòd Scripturas nouas habent Iudæorum corruptelis deprauatas, Ecce iuuenula concipiet, pro, Ecce virgo. Rursus: Velut Leo, pro Foderunt manus meas. Item quòd Iudæorum

& Turcarum sequantur dogmata: potissimum quod Canonem scripturarum Iudaicæ Synagogæ amplectuntur.

CAPVT OCTAVVM.

Catholicos non contumeliose scripturas spernere, vti calūniantur aduersarij, dum eam docent cum D. Petro esse obscuram, intellectuq; difficilem: quod luculentis PP. aliquot ostenditur testimoniis: & quo sensu etiam Euangelij scripturis sua quædam est, teste August. litera mortua & occidens, velamenque, vti ait Hieron. impositum.

CAPVT NONVM.

Quod in locū diuinæ scripturæ Catholici humanas nō inuexerint traditiones, sed omnibus humanis traditionibus repudiatis, solas admittūt & venerantur, quas à Christi spiritu & Apostolorū doctrinā à Christianismi vsque exordio pridem ortas per manus acceperunt: cum istæ scripturas fulciant, iisdemq; Euangelici ipsi nobiscum communiter contra suos etiam aduersarios necessario vtantur.

CAPVT DECIMVM.

Quam facillimā fuerit igitur concordia cōciliatio inter dissentientes Ecclesias, si Dani quidā Ordinibus Imperij Ro. doctrinā Catholicorum nō grauaretur cādide ex pñere, potius, quā per calūnias malignè arripere, atq; in partē peiorem detorquere: quorū ostenditur improbitas in Conc. Trident. calumniis, atque PP. sententiis temere allegandis, quæ Catholicam doctrinam de piis Traditionibus statuunt & corroborant.

CAPVT VNDECIMVM.

De necessario Traditionū Ecclesiasticarū vsu, non solū Catholicis, sed & Euāgelicis probatissimo, ad facilius adeoq; certius simul & solidius Hæreticos, exēplō D. Irenæi & aliorū, reuincendos. Vbi Martini Kénitij impudētia perstringitur, q. Con. Tri. magno supercilio examinare aggressus, scdæ arguitur calūniæ Catholicis affictæ, atq; inconsideratæ temeritatis; q. sui obliuiscens, sapius suis Aysstatis & cōtrariis seipse iugulari miser.

CAPVT DVODECIMVM.

Est Panopliæ nostræ defensio de capite Traditionum non scriptarum, ex Apostolorum literis: quas Kemnitius mirifico calumniandi studio aliorum detorquet, quā à nobis sunt allegata.

CAPVT DECIMVM TERTIVM.

Traditiones Apostolicas non scripto traditas, etiam post edita Apostolorum scripta, piis obseruandas; non solum ante illorum editionem, vti nugatur Kemnitius, quod ex D. Irenæo luculentissimè ostenditur.

CAPVT DECIMVM QVARTVM.

Retorquetur & alter D. Irenæi locus, à Kemnitio mutilatus atque deprauatus, in ipsum & suos Euāgelicos, quo Catholicos conabatur demonstrare esse hæreticos, qui scripturas accusant, & male habere asseuerent.

CAPVT DECIMVM QVINTVM.

Epilogus de Traditionibus Ecclesiasticis, vnā cū S. Scripturā Canonica piis omnibus reuerenter obseruandis. Attexitur & primi huius Apologetici Conclusio cum transitione ad Tomum secundum.

Finit Index Tomi primi Apol. pro Rel. Catholica.

APOLOG.

# APOLOGETICI RELIGIONIS CATHOLICÆ

TOMVS PRIMVS:

AD SERENISS. ET A DEO CORONATVM

MAXIMILIANVM AVSTRIACVM. II.



**V**ARIAE ADMODVM, INVICTISSIME  
Cæsar A. Maximiliane, infestissimo Chri-  
stianorum hosti Sathanæ sunt artes, variæ  
technæ atque strophæ; quibus eos inter se  
committere, ac tranquillam Religionis  
Catholicæ, vniufque in Deum fidei Chri-  
stianæ concordia indefessus contēdit per-  
turbare. Facile namq; intelligit vëterator ille, cui mens, quasi  
cælo manus, astutia occalluit, quod fidei concordia, qua, vti  
Deo Opt. Max. nihil est gratius, ita nihil habet ipse exosum  
magis, semel cōuulsa & labefactata, de illorum pariter salute  
procul dubio actum foret.

Itaque hūc singulariter omnes semper intendit neruos, to-  
tusque & velis, quod vulgo dicitur, & remis contendit, vt sa-  
lutaris illa concordia, (qua salua nullum in dei populum per-  
sequendo sibi facit operæ pretium) aut semel tota dissolu-  
rur, aut saltem perturbetur. Iustissimis enim de causis à D.  
Paulo malignus ille nostræque salutis æternæ intidus caco-  
dæmon dissentionis dictus est deus, quod dissidiorum om-  
nium; vti est fax, & instigator; ita religionis impiis opinion-  
ibus dissectæ, aut falsorum dogmatum erroribus perturbatæ,  
aut sacrilegis denique superstitionum corruptelis contami-  
natæ in primis sit auctor.

Illas porro serendæ discordiæ suæ technas, vt nunquam  
non ab ipsis Christianæ Religionis vsque incunabulis cona-  
batur adhibere callidissime, ita hisce miserrimis nostris tem-  
poribus, in quos fines sæculorum propediem videntur aduen-

A

tare,

Hæc nostri tem-  
poris dissidia  
de dogmatibus  
infestæ sunt Ca-  
codæmonis ma-  
chinæ, ad veræ  
fidei Euangeli-  
cæ vnitatē di-  
uellendam con-  
cinnatæ.  
2. Corinth. 14.

tare, admouet impudenter planè atque improbè: quo fit vt verum videre volentibus nullo negotio liceat deprehendere illius machinationes, in piorum omnium perniciem fraudulenter quidem, sed minùs artificiosè, quàm olim concinnatas.

Artes Diaboli  
mendacia sunt  
& calumniae,  
quibus extrinsecus  
Ecclesiarum diffi-  
dia studet fere-  
re, fouere atque  
protelare.

Pudendum enim planè, quòd ad confouenda, quæ nunc, cheu dolor, Germaniam patriam dulcissimam tantum non perdunt, religionis dissidia nullis legitimis, aut saltem astuto diabolo dignis vtatur stratagematibus; sed crassis tantum historiæ mendaciis, impudentibus verequè putidis superstitionum calumniis, peruagatis aliquot abusuum sycophantiis, impiis veterum Patrum deprauationibus, sacrilegis denique diuinarum scripturarum peruersionibus, adulteriis, corruptelis,

Quæ nunc temporis ita liquidò à piis, doctisquè hominibus, quorum magnum prouentum hæc ætas, Deo gratia immortalis, tulit, orbi sunt demonstrata, vt nisi omnes isti innumeris factionibus contra se ipsi dissecti Euangelici, effrontes essent, aut, vt verius dixerim, in reprobam mentem pro iustissimo suæ superbix blasphemixquè in Deum Opt. Max. sanctos, sacraquè omnia meritò traditi, suum agnoscentes errorem, ad vnâ illam, à qua sunt temerè nullaquè iusta causa egressi, redirent Catholicam Christi Ecclesiam.

Hanc Cacodæmon ille, cum nunquam totam sese speret posse labefactare, nedum euertere, quòd firmioribus sit fulta præsidis, immo inuictis stet nixa columnis (puta diuinis Christi Iesu sui præsidis vigilantissimi promissionibus, atque cælestibus propugnationibus) quod toto de corpore diffidit, astu rem gerere cogitans in parte callidus aggreditur, si hac fortè via succedat melius atque felicius.

Experientia enim factus doctior cum omnia sua consilia, omnesquè strophas tam variè, tam astutè in euertendâ Christi Ecclesiam olim intentatas videat fuisse frustra, nihilquè sese sanguinariorum Tyrannorum gladiis, rotis, ignibus promouisse, perdolenter id ferens, ad cognatas, sibi què germanissimas, ac ex nomine proprias tandem relabitur calumnias, (ab his enim ceu suis notis Diabolus iam olim nomen cõmeruit) quibus sæpenumero plus proficere sibi gratulatur, quàm aliis vllis cuniculis in illius euerfionem affabrè constructis.

Hinc



HINC sanè & diuinus Christi Iesu Spiritus Christianæ Dei Ecclesiæ doctor ductorque in omnem veritatem certa Christi voce promissus, non aduersus vlla alia perniciofa inui di Diaboli machinamenta, tanto studio sua electiora cælestis gratiæ organa prouidus excitauit, & armauit, quàm ad depellendas refellendasque immanes illas Christianis obiectas calumnias, impudentissimasque sycophantias.

CAP. II.  
Vnus Christiani  
Apologeticus.  
Eximius sem-  
per veritatis pa-  
tronos contra  
diabolicas ho-  
stium Ecclesiæ  
calumnias Christi  
Spiritus exci-  
tauit.

Has siue ille contra Christianos spargere fuit ausus publice, hoc est conuictatrice populari voce; siue priuatim, id est virulenta blasphemi vnus aut Apostata, aut impij lingua; semper à Christi spiritu quidam præclari viri Antagonistæ, qui sua pro virili illas refutando vanissimos suos in fumos redigeret, fuerunt excitati.

Ex re namque fuit populi Christiani adeoque publicæ omnium salutis, meras illas fictitiasque calumnias refellere, quò omnibus illibata in conspicuo esset veritas, vniuersisq; liqueret, quàm immeritò contra salutarem omnibus Christi Iesu Religionem omnes impudenter insilirent, mundus imperitè ac prorsus temerè obganniret, Diabolus inuidè rabideque insaniret.

Magnum in primis attulit Christianæ Religioni cum defendendæ, tum propagandæ præsidium sanctissimorum Christi Martyrum constantia, neruos, trochleas, catastas, equuleos, laminas candentes, gladios, ignes, feras diriter perpeffa: sed haud minus equidem crediderim DD. Cyprianum, Iustinum, Quadratum, aliaque nostræ Catholicæ Christi Ecclesiæ columnina, Christianæ rei publ. lumina, scriptis suis Apologiis fundandæ tutandæque fidei profuisse, quàm sanguine suo pro illius veritate constabilienda & quasi consignanda profuso.

Nò minus profuisse fundandæ Christi Religioni Patrū Apologias, quàm constantissimorum Christi Martyrū certamina & coronas.

Nota quidem erat Paganis, Dei que veri ignorantia cæcis ethnicis Christianorum constantia: sed quia illos suis infandis pro sceleribus, immanibus flagitiis, paricidiis, Thyestæis conuiujs (quæ sibi nefaria iniuria falsoque per diaboli satelites obiecta purgare nondum licebat) meritò pati habebant persuasissimum, ipsis nihil profuit, donec exorto tandem Dei Opt. singulari gratia veritatis iubare, viderent non tam à no-

Quam fuerint  
necessaria olim  
priorum Patrum  
apologia.

dis tenebris abesse solem, quam conficta illa, vulgataque passim crimina à Christianorum moribus, & vita multo innocentissima, vereque integerrima & numeris virtutum omnibus absolutissima.

Quid tandem  
effecerint, ac  
quomodo Christi-  
anum populū  
atque principes  
reddiderint æ-  
quiores.

Cum igitur ex hac cæca vereque inuida veritatis caligine implacabile vulgi odium in Christianos, non modò in crude- ceret, verum etiam exardesceret atque in flammis subinde excandesceret ac defuisset, (vnde quotidiana illa vox, Chri- stiani ad Circum, Christiani ad Leones! nō pluit, causa: Chri- stiani!) tandem eò res est per doctorum hominum Apologias deducta, ut quos prius ceu maleficos oderant, & persequuti fuerant, adeoque exterminarant & excruciarant, postea con- spetto veritatis lumine, tanquam religiosos veri Dei cultores amplecterentur, suspicerent, exoscularentur. Hinc tam fre- quentes olim extiterē, quæ maximo sanè Religionis Christia- næ detrimento pleræque interciderunt, priscorum Christia- norum scriptorum Apologia, D. Quadrati Apostolorum dis- cipuli & Athenarum Episcopi, Aristidis, & Apollonij Senato- ris Romani: qui primo ferè illo Christianæ Ecclesiæ seculo suis Apologeticis implacabiles veræ pietatis hostes studuerūt Christianis reddere benigniores simul & æquiores.

Anno Dñi 100.  
vide Euseb.  
Cæsarien.  
Beda in Martij  
collegio.

Anno 160.

Certè D. Iustinus Antoninos A. A. fratribus nostris Chri- stianis placatiore reddidisse suis Apologiis etiamnum extan- tibus, veteres commemorant historiæ.

Anno 180.

Tertullianus quoque non parum tranquillitatis suo pepe- rit Ecclesiæ Apologetico, omni doctrinarum genere Roma- næque antiquitatis gloria laudatissimo. Celso grammatico, quod hominum genus singulari semper inflatum contra ve- ritatem fastu eam exagitare, uti & nunc, misereque diuexare pro ludo duxit, doctissimus ille Adamantius Origenes occur- rit. Porphyrio Philosopho Apostata, cui antea Malcho Tyrio fuit nomen, respōdit Euseb. Cæsariensis, teste Sozo. lib. 3. c. 23. Similiter & Methodius Tyrius Episcopus, uti ait Freculphus Lexouiensis. Huc in primis facere equidē crediderim aureū illud D. Cypriani Chronicon, quod de Christianæ Ecclesiæ temporibus eum edidisse scribunt quidam.

Anno 240.

Anno 260.

Anno 180.

Ceterum ubi iam Sathanas inualefcere Christianos suo  
maxi-

maximo tormento inuidiæque aculeo sensit, acrius in ipsos totum semel immittere moliebatur orbem. Vnde post illam à iuratissimo atque omnium infestissimo Christiani nominis hoste Diocletiano, prodigiosæ supra omnem fidem superbix atque libidinis monstro, tanta rabie fuit concitata persequutio, vt intra dies 30. Christianorum passim perierint ad xv i i. milia. Nocte Natalitiorum Christi x x. m. Christianorum in templo combusta. Tempia omnia simul die sancta Parasceue clausa, mensæ sacræ subuersæ, libri sacri, sacraque biblia omnia omnibus tantum non extorta, exusta, perdita: omnem vbique plebem edictis sæuissimis vereque sanguine scriptis, potiss. verò Romanum populum Idolis suis stultis in nostros trucidandos instigauit. Verùm hanc tempestatem, qua nulla vnquam fremuit hactenus sæuior, aut intemperis furiisque defecit æstuatior, D. Lucianus Antiochenus presbyter Apologia collegæ Maximiano A. oblata, mitigare studuit, teste Euseb. lib. 9. c. 6. Certè tanta post annos 14. persequutionis sese rabidi isti, vereque sanguinarij canes gesserunt modestia, vt fluentem ac propè stagnantem Christianorum sanguinem sistere vltro non dubitarint: re ipsa edocti verum esse quod scripsit D. Hilarius, hoc est Ecclesiæ propriū, vt tum vincat, cum lēditur: tum intelligat, cum arguitur: tum obtineat, cum deferitur. Similem planè in modum, cum eadem ferè tempestate Philosophos gloriæ ventrisque mancipia Sathanas ad Christianos lædoriis, impiisque blasphemis proscindendos per Bythiniam potissimum (vbi florebat Christiana Religio) concitasset, occurrit aureo verius, quàm lacteo suæ orationis flumine Lactantius Firmianus, Cicero noster Christianus non immerito veteribus dictus: quo sic exarescere fecit aculeata illa maledicorum sophismata, nugæque Sophistarū blasphemias, vt viri literati de Christianæ Religionis doctrina rectè informati, & ad veritatem persuasi, omnibus suis passim Idolis atque Idolomaniis supremum dixerint vale.

Post Constantini pacē Symmachus Theodosio & Valent. AA. libellum supplicem pro exoleta propemodum Idololatria offerre non erubuit: cui magna eloquentiæ laude responderunt Ambrosius & Prudentius. Infans etiam Ro. populi

Anno 303.  
D. Optatus li. 3.  
Euseb. lib. 8. cap  
1. & seq.  
Niceph. 7. cap. 6

Lib. 7. de Trinit.

Anno 390.

Idololatriæ adhuc stolidissimè dediti clamoribus ob cladem ab Hunnis Wandalisque acceptam, expilationemque diuinitus inflictam aureo illo De Ciuitate Dei opere respondit Augustinus: Iuliano etiam Apostatæ ex professo Christi Euangelium insanis calumniis oppugnant, scriptisque augustalibus calumnianti intrepide D. Gregorius Nazianzenus respōdit, & postea D. Cyrillus Alexandrinus.

CAP. III.  
Concordia in  
vna fidei vere  
Euangelicæ cō-  
fessione scopus  
est huius Apo-  
logetici.

HORVM sacratissimorum Patrum nostrorū vestigiis insistentes, pretium operæ nobis facturi videbamur, si pro concilianda Germaniæ dulcissimæ patriæ nostræ concordia, quam inuidus ille salutis humanæ hostis Diabolus annos nunc fere totos 50. dissoluit, dirupit, ac sine vlla propemodum concilian- di spe, dissipauit, Apologiam scriberemus: quæ charissimis fratribus nostris Germanis liquidò semel demonstret causas, cur à nobis discesserunt, aliudque altare impiè contra vnum illud diuinitus ab Euangelij exordio totum per orbem positum erexerunt, nouumque Euangelium, quod ab illo Apostolico, germanoque aliud est, sectati fuerunt, non esse aut legitimas, aut veras; sed meras plerasque omnes calumnias. Eas autem per antiquum illum Draconem sua de arte calumniandi diabole iure dictum ostendemus esse quidem compositas; sed flagitiosa hominum aliquot mentiendi spiritu afflatorum opera in orbem perniciose certoque Germanis exitialiter conflatas, temerè effusas, atque petulantissimè proiectas.

Quas vbi tacitus mecum reputo, quantum damni passim incredibilis dederint, quotidieque fratrum infirmiorum pectoribus infligere non desinant: indignissimum hoc equidem loco & vocatione hac sum ratus, planè obmutescere. Vti enim Lactantius ille Firmianus impiis Philosophorum Bythinæ in Christianos blasphemias ad scribendum fuit extimulatus: ita & nos pari quidem zelo, licet facundia & doctrina longissimè impares, hac tamen pro virili impudentissimas, planeque prodigiosas refellendas duximus calumnias, vanissimaque improborum aliquot Sophistarum commenta, piis lectoribus, veritatis, quàm contentionis amantioribus perspicuè demonstranda.

Has autem contra Catholicam Christi Iesu Ecclesiam  
nunc



nunc temporis intemperantissimè effusas calumnias si omnes persequi esset animus, nasceretur opus Iliade maius (cùm in Diaboli castris veram Dei Ecclesiam hostiliter oppugnantibus sectæ nomen Euangelicorum sibi fumentes atque pretextentes reperiantur plus minus centenæ) nos ingenuo Germaniæ matris suauissimæ amore inducti in præsentiarum illas tantum perstringemus, quas superiore biennio Status Imperij Romani per Germaniam, Ordinesque Augustanæ Cõfessionis suo nomine D. Augusto Ferdinando P. M. exhibuerunt, protestantes sese iustissimis rationibus à Ro. Ecclesia ac necessariò discedere fuisse coactos.

Quas dum Illustriss. Germaniæ Principibus, omnibusque Imperij Ro. ordinibus demonstrare pro hac virili elaborantes annitimur aut falsas, aut illegitimas ad schisma diriter faciendum, aut sacrilegè continuandum, Christum Iesum rogamus supplices, vt nostri omnium, quos suo redemit sanguine precioso, misertus suo illustret spiritu: quo docti falsum vitemus, verum videamus, atque in omnè ducti verè Christiani Euangelij pietatem id ipsum dicamus omnes, vnum Deum ore vno, concordia animo, eodem spiritu colamus, adoremus, celebremus, solliciti seruare vnitatè spiritus in vinculo pacis: quæ est in vnus, eiusdemque fidei Euangelicæ ab exordio per Apostolos, eorumque Discipulos in Germania nobis traditæ confessione atque concordia. Inuocatio.

Quam rem immensi sanè ponderis (vnde & humeri ferre isti flaccidi recusabant) aggressuri eundem Christum Do. fidissimū Ecclesiæ suæ Catholicæ sponsæ singulariter dilectiss. patronum obnixi obsecramus, vt sui promissi memor illam propugnare, defendere, tueri, suamque causam ore hoc, licet polluto variæque cõtaminato, agere ne dedignetur; tantumque suppeditet nobis propitius cum ingenij, quod veritati aprè exponendæ sufficiat; tum piæ affectionis studijque verè pacifici, quantum causæ huius sanè grauissimæ pietas postulat; tantum denique largus aspiret orationis perspicuæ, quod defendendæ, illustrandæ, exornandæ tori causæ sit idoneū & aptum, ad æternam sui nominis gloriam, solidamque GERMANIÆ patriæ nostræ dulciss. in vna Christi IESV fide verè Euangelica concor-

concordiam semel quacunq; tandem ratione postliminio restituentam atque instaurandam.

Occasio huius  
Apologetici.

Opus grauium  
num Germanic  
contra Conci-  
lium Trident.  
A. Ferdinando  
Francfordiē an-  
no 62. Electorū  
& ordinū con-  
fess. Augustanæ  
oblatum.

Prodiit superiori anno Sereniss. D. Imperator A. Maximilianæ, scriptum à delectis aliquot Theologis & Consiliariis (vti sese appellant) politicis, nomine Ordinum Imperij concinnatum, quod in conuentu suo Noaburgico, Anno 61. quidam conceperunt, & consequente An. 62. Francofurti Maiestati Cæsareæ Augusto Ferdinando Austriaco Parenti (quando illic T. Ma. fuit electa & coronata) obtulerunt pro defensione sinceræ (vti aiunt) & Orthodoxæ suæ Religionis. Opus hoc cum propriè aduersus Synodi Tridentinæ pridem anno 42. indictæ, sed post interpellationes varias anno tandem 60. continuatæ restitutionem sit in lucem emissum, vt quidem titulus profitetur, Cur Electoribus, ceterisque Imperij Principibus & Ordinibus Augustanæ Confess. illa neque sit cognoscenda, neque adeunda, maxima sui parte iam in præsens vsum non habet. Siquidem illa iam dudum est absoluta (vocatæ quidem omnibus potiss. Germanis & Anglis, sed venire cunctantibus atque recusantibus) plurimasque dudum orbis Christiani per prouincias, Italiam, Hispanias, Belgicam prouulgata, & in vsum passim legitimum adhibita.

Recusatæ Synodi  
Tridentinæ  
causæ cur hic  
nō tractentur.

De iis ergo causis recusati Concilij Tridentini in præsentiarum nihil attinet dicere, quas fusiore oratione commemorant, de loco, aut indicti Concilij auctore, de Episcoporum iuramento, de Concilij personis, præside: quod hæc aliàs fortassis tractanda venient opportunius. Ceterum quia sibi causas inuenisse dicunt idoneas, adeoque necessarias cur à Papatu (vti Catholicam inuidiosè appellare placuit Ecclesiam) discederēt, ac veritatem tandem (vti sibi plaudunt miseri) agnitam, pro sua virili parte contra Pontificios, id est contra constantes veteris, auitæ, orthodoxæ, Apostolicæ, vereque Euangelicæ fidei professores assererent, nos eas minimè esse veras, aut dissidio sacrilego, schismaticæque isti pernicioso & paricidali faciendo demonstrabimus idoneas, aut legitimas, nedum necessarias.

Quidnā agant  
Protestantes illo  
grauium ope  
re A. Ferdinādo  
oblato, cuius hic  
extat epitome.

Totum illud recusatæ Tridentinæ Synodi opus ingens sanè crepitantibusque verborum ampullis distentum tres in partes

res est distributum: quarum prima demonstrare conatur Augustanæ Confess. Status nequaquam reformidare aut refugere censuram, aut vera iudicia Orthodoxæ & Catholicæ Ecclesiæ.

Secunda rationes habet, cur Imperij Ordines neque hoc à Ro. Pontifice indictum Concilium Tridentinum, neque cætera, quæ deinceps sit indicturus quandoque Concilia agnoscant.

Tertia declarat qualia nam sint ea Concilia & Ecclesiæ iudicia, quæ semper publicis in conuentibus Imperij Principes & Status Confess. Augustanæ se reuerenter agnoscere testati sunt & etiamnum agnoscere profitentur.

Prima & Tertia illius scripti aduersus Conc. Tridentinum partes cum aliud postulent tempus & locum, quòd liquidum sit eos totius orbis Christiani refugitasse hætenus conuentum sua in Germania collectum, data licet fide publica, qualem vel ipsi postulassent, atq; nouam Concilij Christiani formam Ecclesiæ hætenus ignotam sint commentari; in præsentiarum secundam aggredimur expendere, vbi lectores omnes per Christum oro atque obtestor, vt posito nonnihil anticipatæ opinionis præiudicio allatas hic rationes æqui boniq; consulant, attentique examinent, vtram in partem perspicua rei veritas indicij momentum inclinet.

Quo d igitur ad secundam scripti illius partem attinet, quæ causas habet cur neque impium Pontificis, vt appellat, Concilium Tridenti restitutum, neque cæteras Ro. Pontificis auctoritate indictas Synodos agnoscendas aut comprobandas sibi, recte arbitrentur, eam hoc ordine in trutinam pensculatè reuocabimus, vt initio leuissimo perstringamus brachio grauissimas istas Confessionistarum tantopere prædicatas causas, ob quas sibi (vti videri volunt) iuste ita sentire videntur.

Deinde illam vnâ omnium octauam potissimum expendemus causam, quæ cum sit palmaria & omnium princeps 24. habet capita: quibus Religionis Christianæ Doctrinam demonstrare conatur à Catholicis impiè deprauatam atque sacrilegè adulteratam. Ex quibus pio cuique Christiano Lectori nullo liquebit negotio nullam esse imperij Statibus, aut

B

Augu-

CAP. I. II.  
Argumentum  
huius Apolog-  
ici cum distri-  
butione.

Tomo primo  
hæc aguntur.

Tomo 2. ista  
tractantur.

Protestantes ve-  
re istius perni-  
ciosi schismatis  
esse apud Deū  
reos: cuius nul-  
lā habere legiti-  
mā causam hic  
liquido cōfutu-  
tor, idq; armis à  
se in A. comitio  
præscriptis.  
Frigidæ Prote-  
stantiū excusa-  
tiuncula de fa-  
cto schismate  
confutantur.

Augustanæ Confessionis Ordinibus iustam causam, quæ ip-  
sos apud æquos rerum arbitros tueatur: nedum in horribili  
illo diuino iudicio, quod citra omnem fiet personarum acce-  
ptionem, defendat innoxios, sacrilegiq; istius schismatis ex-  
cuset inculpabiles: quod ab vna illa vera Dei Ecclesia Catho-  
lica temerè discesserint, aut pertinaciter ab eadem emanent  
diutius. Nulla enim esse iusta causa queat, quæ vnum illud  
Christi Iesu corpus, quod omnium consensu illa est vna Ca-  
tholica Dei Ecclesia toto terrarum orbe cōcorditer iam olim  
diffusa, nefario diuidat schismate, aut diriter discindat, aut  
parricidaliter sacrilegas in partes discerpat. Cuius facinoris  
plus quàm parricidalis isti Confessionistæ huius scripti Ordini  
Imperij nomine editi auctores sibi conscij, initio patra-  
ti sui iam pridem toto à Christi grege per Germanias schis-  
matis inuidiam frigidis aliquot ratiunculis eluere student.  
„ Nunquam se suosue subditos, inquit, patriam, salutem ci-  
„ uium, coniuges, liberos, posteritatem denique omnem tot pe-  
„ riculis obiecturos; nisi intelligerent se debere Euangelio &  
„ verbo Dei fidem atque obedientiam. Summum Deum etiam  
„ liquido, aiunt, testari possunt, nullius quæstus, aut emolumen-  
„ ti, sed solius officij Deo & pietati debiti ratione, hanc se Reli-  
„ gionis cōtrouersiam tantis difficultatibus & periculis, assiduis  
„ laboribus & ærumnis defendendam suscepisse.

## RESPONSIO LINDANI.

Causæ istæ cū sint omnium schismaticorum commu-  
nes, nulla singulari opus habent refutatione. Ipsæ namque se-  
se iugulant perspicuè, liquidoq; confutant. Quis enim fue-  
rit idoneus sacrilego schismati apud Christianos auditores  
prætextus, nisi Dei causa, Euangelium, pietas, Dei verbum?  
Hanc causationem cū omnes omnium sectarum Euangeli-  
ci sacrilegis suis factionibus plus minus, vti diximus, centum  
intra annos hosce 50. miserrimè, vereq; perniciosè atq; ad e-  
dē sibi, vicinisq; suis ad vnum omnibus exitaliter prætendant;  
quid fuerit operæpretium persequi fusius? omnibus enim li-  
quet quàm non possit vna hæc causa esse legitima, quam sibi  
quali-



quælibet factio tam à Syneuangelicis suis, quàm à Catholicis dissentiens sumit, ac veluti idoneam prætexit. maximè cum res ipsa loquatur quam veritate illa secunda Confessionistarum nitatur causa, sese nullius (inquiunt) quæstus, aut emolumentum ratione hanc Religionis controuersiam tantis laboribus & ærumnis defendendam suscepisse.

An non hoc ipsum occinat Angliæ rex tot tantisque locupletatus Ecclesiasticorum agris? tam ingentibus ditatus monasteriorum opulentiss. prouentibus? tam immensis quondam auctus Ecclesiarum opimarum thesauris? Age verò, dicat nobis, quæso, Gallia, superioribus diebus Euangelicorum latrociniis vastata, direptionibus spoliata, expilationibus euiscerata, an aliud illi fuerint Euangelici professi, quàm isti nunc iactitent Confessionistæ?

Ceterum quantas isti possideant opes Ecclesiasticas, quantos monasteriorum agros, fundos, siluas, vineas: quanta pupillorum & orphanorum latifundia, in præsens nihil attinet dicere: cum pauperum, viduarum, orphanorum clamor ad Dei Opt. Max. aures iam diu peruenierit. Quibus non quotidiana modò eleemosyna piis à maioribus relicta, immò suis à parentibus & heris legata, est semel è dentibus faucibusque per Germanias erepta: sed etiam agendarum iniuriarum aut repetundarum actio publico Imperij Germanici Decreto, sanctissimoque Comitij Augustani (si Christo placet) Recessu siue Statuto suspensa, submota, sublata.

Si nullius quæstus aut emolumentum ratione hanc nouæ Religionis controuersiam susceperunt, ecquid auitæ Religionis iura tot, tamque insignium Cæsarum AA. legibus, diplomatibus, suarumque adeò manuum autographis constabilita, olimque sancita, mutant, euertunt, abripiunt?

Cur saltem legibus experiri læsos publicamque vim passos non patiuntur vel suo in Camera Imperialis iudicio, ubi vel pro libidine contra maiorum instituta quales voluerint, præficiunt? Si Canonum Ecclesiasticorum iure stare nolunt, cur ciuilibus saltem suorum maiorum Cæsarum & Augustorum sanctiss. legibus rem decidi non sinunt? cur sacratissimas Imperialis Camera constitutiones valere, aut locum auctorita-

„  
„  
„  
„  
„  
An quæstus commodæ causæ factum est iura Germanicum.

Quæta iniuria pauperibus, orphanis & miseris per Germaniam facta.

Iure experiri læsis & vim passis non licet in Germania.

temque habere non ferunt, donec publica Christiani orbis lege, aut saltem Germaniarum iudicio legitimo res fuerit definita? Atqui solius officij, inquit, Deo & pietati debiti ratione Religionis controuersiam susceperunt.

An solius pietatis ratione Protestantes Religionis controuersiam mouerint.

Quod si verum est, cur bona, possessiones, agros, redditus, vineas, prouentus, monilia & opes inuasērunt, diripuerunt, distraxerunt? Cur in hunc usque diem à sacrilegiis impias non cohibent manus? Cur monasteria inuolare atque suo ascribere fisco non desinunt? Cur priscos suorum auorum colonos pacifice possidere non patiuntur, sed affligere & vexare pergūt? an ista in Deum atque homines impietas, vllam apud pios inueniat officij Deo ac pietati debiti rationem? Sed cum hominibus istorum (si verum dicere liceat) sacrilegorum rationem reddere nequeant, ideoque leges maiorum (quarum voce iam sunt tantorum flagitiorum rei conuicti & damnati) antiquarunt, viderint quamnam tandem Christo iudici sint olim reddituri rationem, quando vniciuique veniet redditurus mercedem, pro eo vt quisque in corpore gesserimus, siue bonum, siue malum.

CAP. V.  
Causæ Concilij à Ro. Pontifice indicendi omnis recusandi cōfutantur.

BELLIS istis, atq; grauissimis, vt sibi videtur, probè defuncti rationibus, ob quas sacrilegum suum schisma defendendum putarunt, iam causas aggrediuntur enumerare, ob quas rectè arbitrantur indictas à Ro. Pontifice Synodos sibi non agnoscendas, aut comprobandas.

Fol. 14.

Septem initio enumerant causas, quibus semel orbi demonstratum volunt Imperij Germanici Ordines sese nullo iure Ro. Pontifici subditos, nullamque ipsi in illos, aut Ecclesias eorum, vel Ecclesiarum ministros competere superioritatem, non magis in spiritualibus quam temporalibus. non posse denique hunc vlllo iure Concilium indicere, aut ipsos, siue ipsorum subditos requirere, nedum illuc vocare.

Fol. 91.

Cur Ro. Pontifici parere aut cōiungi nolint protestantes.

Ideoque iure optimo Status Augustanæ Cōfessionis à Pontificia auctoritate dissentire atque discedere, nulloque iure teneri, vt se isti conuentui Tridentino, cuius & caput & membra coniuncta pleraque omnia simoniaca hæresi confecta sunt, Curtisanis, Præbendarum mercatoribus, Cynædis, Atheis

vlla

vlla ex parte submittant aut coniungant. Quibus de crimi-  
 nibus, aliisque, Idololatria, falsa doctrina, superstitione ethni-  
 ca, cultus diuini prophanatione ac deprauatione, compluri-  
 busque foedissimis vitiis, quibus Papam cum suis Cardinal.  
 Episcopis & Prælati eidem in Concilio Tridétino adhærētibus  
 totus scatet, publicè in libero atque Christiano Concilio sese ac-  
 cusaturos rectèque prosecuturos ac probaturos affirmât: quæ ad-  
 modum apud Imperij acta iam olim solenniter sunt testati.

Quibus ex Confessionistarum dictis, immò meris maledi-  
 ctis liquet, ipsos hoc scripto non tam de Conc. Tridétini sus-  
 ceptione, quàm de tota semel Rom. Pontificis obedientia pu-  
 gnare. Causam enim ex hypothesi passim ad thesin reuocât,  
 suæque ab illius obedientia discessionis excusationem atque  
 Apologiam orbi Christiano exhibent, quemadmodum vide-  
 re est his in verbis & aliis eiusdem scripti plurimis.

Quapropter nos, ut diximus, actione de Conc. Tridenti-  
 ni nunc habiti ac plerisque in prouinciis Christianis dudum  
 publicati, exequutionique passim traditi, in aliud tempus a-  
 liumque locum reposita, donec Deus Opt. sanandæ tandem  
 Germaniæ nostræ opportuniore propitius prouidere digna-  
 bitur remedia (quod o vtinam citò fiat, priusquam hoc diffi-  
 diorum fidei incendium acrioribus inflammatum facibus  
 nos ad vnum omnes absumat!) in præsens illam tantum tra-  
 ctabimus thesin, ad quam sæpissime isti confugiunt Confes-  
 sionistæ. Ea autem, ut plus lucis rei sane difficillimæ accedat,  
 talis est.

An grauamina aduersus Synodi Tridentinæ restitutionem  
 seu continuationem à Pio 4. indictam ab Electoribus cæteris-  
 que Imperij Principibus & ordinibus Augustinæ Confessio-  
 nis opposita, verè atque legitime ipsos apud Deum excusent,  
 aut tueantur innoxios, & inculpato, ut à Catholica discedât,  
 emanantque diutius à Christi Iesu Ecclesia, cui totus semper  
 orbis Christianus præsertim, ac vice Christi præpositum ag-  
 noscit Romanæ Ecclesiæ Episcopum?

Cum enim Confessionistæ illam hypothesein, an Concilio  
 Tridentino, à Ro. Pontifice indicto, sit obediendum, subinde  
 ad hanc transferant thesin, an Ecclesia Christi Catholica, cui

Causam ex hy-  
 pothesi ad the-  
 sin trāsferūt ad-  
 uersarij.

Thesis Protestā-  
 tiū, quæ passim  
 probatā ac stabili-  
 tatā moluntur  
 toto illo opere,  
 An Ro. Pōntifici  
 obediendum?

præst Rom. Pontifex, audienda sit, illique tanquam pastori obediendum: nos illis, quas dudum diximus, commoti causis huic generali thesi pro hac quidem virili respondere satagemus, deliberaturi an Imperij Ordines illis grauaminibus hoc scripto Francfordiæ exhibito rectè ac meritò nitantur ad sacrilegum istud Ecclesiæ Dei schisma diutius propugnandū?

An. 62.

Non ipsis cum  
Ro. Imperij or-  
dinibus hic agē-  
dū, sed cū ipso-  
rum patronis  
anonymis.

Qua in deliberatione sanè ardua, maximique in primis momenti nemo, precor, existimet nobis hūc negotium fore cum ipsis Imperij Ordinibus; sed cum ipsorum delectis, vti aiunt, Theologis & Consiliariis, quos sese Anonymi vocant, politicis. Illorum enim patrociniū cū sese suscepisse profiteantur, meritò suorum dudum maledictorum, immo fraudum, fucorum, doliq̃ue mali causam postulantur; illiberalissimis enim istiusmodi artibus perbelle instructi, sibi de oppugnata penes Catholicos Euangelij veritate conscij, quam studio dissimulant atque alicubi scientes deprauant, calumniis manifestis exagitant, mendaciis adulterant, imperitos fallere, aut in manifesto impietatis errore conantur detinere.

Hoc cene igitur est, o vos delecti Confessionis Augustanæ ordinum Theologi & Consiliarij Politici, hoc cene est Religionis istius Euangelicæ causam agere, tot diris conuitiis Rom. Pontificem proscindere? tot lædoriis infamare? tam acri flagitiorum, sacrilegiorū, adeoque Atheismi etiam sale defricare?

Fol. 11.

Atqui hæc, inquiunt illi Ordines Imperij, in actis suis publicis dicunt. Dicunt quidem, sed vestris decepti fraudibus, vestris effeminati, immo efferati adulationibus; vestris inflammati adeoque excæcati calumniis; vestris deniq; seducti mendaciis & præstigiis fascinati.

Quod vt Solis luce orbi Christiano demonstretur clarius, agite viri boni, omittis istis vestris conuitiis, quibus mulierum more hūc niti maluistis, quā, vti viros Germanos decuissset, grauius atque moderatè rem momenti longè sanè grauissimi agere, illa tantum in præsentiarum expendamus crimina, quæ Religionis orthodoxæ adulterium, corruptelamq̃ue Catholicis exprobratam propriè tangunt. Quæ enim vitæ quorundam obuiocitis errata, vt nihil ad Religionem Christianam pertinent, cū similia, immò si vestro Lutherò fidem hūc quoque



quoque habendam vultis, tetriciora vestris à gregibus, adeoque ducibus atque caputibus minimè sint aliena: ita illorum commemoratione nihil aliud efficitis, quàm vt vos illo de grege esse declaretis: de quibus Spiritus sanctus ait, Quorum os maledictione & amaritudine plenum est. Porro hæc vitæ vitia tam longo catalogo, à Confessionistis recensita, an verè in Ro. Pontifice, eiusq; subditis hæreant, necne, aptiustum videbitur, quando hæc Status Confessionis Augustanæ in Christiano, quod Platonice somniant, Concilio ad Kalendas Græcas indicendo publicè persequentur atque probabunt, vti folio 32. affirmant. licebit enim tunc reis ipsis suam agere causam. Nos hîc vnus iustitiæ, non auaritiæ, aut alicuius vitij: nos veritatis vnus Euangelicæ, non improbitatis cuiusvis humanæ: nos Religionis denique Christianæ, non superstitionis prophanæ, aut ethnicæ idolomanias suscipimus patrocinium.

Proinde istis elanguidis conuitiorum armis masculo atque Germanico pectore indignissimis, intereà dum illos obiectorum dudum criminum conuicerint reos, ad muliebrem militiam relegatis, grauissimas illas expendamus causas: quibus affirmare nō dubitarunt Confessionistæ, sese persuasos, adeoque (si verum dicunt) coactos, rectissimè, iureque optimo à Pontifice Ro. dissentire atque discedere.

De grauissimis, inquit folio 31. criminibus, Idololatria, „ falsa doctrina, superstitione ethnica, & cultus diuini prophana- „  
natione ac deprauatione, de simoniaca hæresi & compluri- „  
bus aliis vitiis scdissimis, quibus Papa ipse suis cū Cardinali- „  
bus, Episcopis & Prælatiis adhærentibus totus scater, publicè „  
est postuladus atque accusandus. Grauissima sanè isthæc sunt „  
crimina, quæ si reuera à Rom. Pontifice atque suis, vti affir- „  
matis, Cardinalibus, Episcopis, Prælatiis adhærentibus sunt „  
designata, iustissima fortè videatur esse occasio ab eo dissen- „  
tiendi, atque adedò, si vlla ex causa fieri rectè ac legitimè possit, „  
discedendi: quod tamen Lutherus vester Com. ad Galatas „  
cap. 6. disertissima negat oratione.

Hic igitur attentissimi consideremus, an obiecta ista crimina in Ro. Pontifice, Prælatiisque ipsi adhærentibus verè hæreant, vereque tam immanium sacrilegiorum sinu ipsis abs-  
Confes-

Causæ negatæ  
Ro. Pontificis  
obedientiæ.

Confessionistis Theologis & Consiliariis politicis cōuicti rei? Quæ si probarint vera, rebusque ipsis, non verbis tantum, aut clamorosis affirmationibus more rabularum forensium, demonstrarint ita sese habere, meritò sanè grauissimam de Religione ac pia Ecclesiarum emendatione causam Ro. Pontificis Prælatorumque ei adhærentium iudicio & censuræ subiicere cūctari cuiquam videantur.

Cur Cōfessio-  
nistæ causam  
sui schismatis  
ob vitæ impuri-  
tate Romanæq;  
Curæ improbi-  
tate sibi desere-  
dā, eiq; nō fidē-  
dum existima-  
rint.

Hoc autem totius controuersię caput aggressuri Confessionistæ octauam adferentes recusati Concilij Tridentini causam, cum ipsos priorū conuictiorū meritò suppœniteret, immò planè dispuderet, quòd conscientia mille testes rectissimè dicta, ipsis contestabatur fortè non tam esse illa vera, quam sunt peruagata, aut passim vulgò dictantur: plurima quoque à maleuolis aut confingi, aut exaggerari atrociora, quam res habeat; fieri quoque posse, vt contra suos dominos clemētiss. obiciantur similia, pariaque si non maiora, expilationes, adulteria, sacrilegia; nihilo tamen minus manere dominos à Deo Opt. Max. populis præpositos atque præfectos. Nihil nunc de magistrorum noui Euangelij moribus minimè Euangelicis dicimus, quum de illis non minùs verè, quam de nobis (prò dolor) illud habeat locū quod Lactantius de philosophis scriptum memoriæ reliquit, disertum sunt in cōuitium suum. Nullis enim magis opus est magistris viuendi. Hæc inquam, similiaque cum ipsos Confessionistas dudum pudenda intemperie ferocientes ad modestiora verba tandem vltro reuocassent, postquàm suam bilem, choleram, & quicquid furens in Ro. Pōtificis odium suggessisset animus, temerè euomuisent,

Potissimū suū  
argumentum à  
Ro. Curie abu-  
sibus ipsi Prote-  
stantes docent  
inualidum, ine-  
ptumq; ad suū  
schisma excu-  
sandum.  
Fol. 91.

ita folio. 92. ad se reuersi scribunt, vno verbo irritum facientes, quicquid præclare illo criminationum in Ro. Pontifices iactato catalogo efficere conabantur. Vt maximè hæc, quæ diximus, inquit, crimina fœdissima, ambitus, simoniæ, expilationum ac sacrilegiorum nundinationum taciti præterire velint, status, & silentio tegere (vt ex Canonistis plerique gnathones Papistici faciunt &c.) ac dissimulare, considerantes  
» Ecclesiam in hac vita constare non tantum ex peccatoribus,  
» sed misceri ei velut in nosodochio aliquo omnis generis mor-  
» bidos, hypocritas, Epicureos, &c. tamen alia & prioribus lon-

Ita & Lutherus  
com. ad Galat.  
& Caluinus cō-  
in Psal 14. ne-

delmo

ge

ge grauiora impedimenta & causæ iustissimæ obstant, quo minus Papale hoc Concilium pro Christiano Ecclesiæ orthodoxæ iudicio agnoscere & approbare, & grauissimam de Religione ac pia Ecclesiarum emendatione causam eius iudicio & censuræ subijcere queant.

Ita quidem hoc in loco, tantum Conc. Tridentini recusationem, uti admonuimus, respicere videntur: verum in huius 8. causæ epiloگو ab hypothese ad illam dudum commemoratam thesin recurrentes ita concludunt.

Quæ cum ita sint, inquit fol. 193. cumq; verbi diuini testimonij edocti status & Ordines qui sunt Cõfessionis Augustanæ, certò ac manifestè deprehendant, Papatum varijs erroribus & superstitione multiplici obruisse ac prophanasse Ecclesiam Dei, necessariò faciendum sibi existimarunt, ut propter gloriam Dei & salutem suam suorumq; discederent à Papatu, & veritatem agnitam pro sua virili parte cõtra Pontificios constanter pro eo ac decet adfererent. Fol. 193.

Hunc quidem in modum post allata 24. doctrinæ capita, quibus Papatus (uti loquuntur) id est Catholicæ per Occidentem Dei Ecclesiæ ministri, Episcopi & Pastores veram Dei Ecclesiam obruerint ac prophanauerint, octauam suam recusati Conc. Tridentini causam concludentes, quorsum totum spectet scriptum, liquidò demonstrant: nimirum ut sibi alijsque persuadeant, iustis de causis sacrilegum istud sese schisma commisisse, altareque nouum nouo cum Euangelio erexisse contra totam ac vniuersam Christi Ecclesiam Catholicam toto reliquo nostro orbe (Deo Opt. gratia immortalis) incolumem, & apud noui orbis incolas felicissimè hoc sæculo à Germanorum defectione plantatam atque efflorescentem.

Veniant ergo in medium illa 24. capita, quibus sese demonstrasse iactitant, Catholicos, quos dicunt Pontificios, Ecclesiam Dei varijs erroribus & superstitione multiplici obruisse: immo uti superius fol. 31. aiebant, falsa doctrina, superstitione ethnica, cultus diuini prophanatione, ac deprauatione, adeoq; Idololatria prophanasse: quò pijs vbique omnibus semel liqueat, hanc criminationem, non rei veritate nixam, sed meris hominum mendacissimorum calumnijs in Catholicæ Dei Ecclesiæ

inuidiam esse diabolico astu malignissimè fabricatam atque odiosissimè confectam.

Aggressuri suam actionem generosi isti Confessionistarum, ut aiunt, delecti Patroni, lepidam hanc præfatiunculā octauæ recusati Conc. Tridentini causæ, quæ est ob errores doctrinæ, præmittunt.

„ Vt maximè, inquiunt, vitia Ro. Pontificis velint silentio te-  
 „ gere, dissimulare ac taciti præterire; tamen obstare prioribus  
 „ illis grauiora impedimenta, quò minùs Concilium Tridenti-  
 „ num pro Ecclesiæ Orthodoxæ iudicio agnoscere, aut approba-  
 „ re, eiusque censuræ causam de Religione subijcere queant.

Bonam fidem in  
 suis delectis istis  
 Patronis prote-  
 stantes merito  
 desiderant.

Agnoscebant sanè ipsi aduersarij Anonymi suamet ipsa, ut diximus, conscientia teste conuicti, indignam esse multoque ineptissimam schismatis istius causam vitia & abusus, quos dicunt, personarum aliquot; cum Religionis causa à professorum vita sit longè diuersissima: sed bonam fidem hic suis dominis Imperij Ordinibus deputati isti nec Theologi, nec consiliarij Politici præstiterunt. Neutiquam enim rem sibi probè cõper- tam vsuque omnibus notissimam dissimulare decuit, Catholicos iam pridem & voce publica in Comitij varijs Germanicis, & scriptis adeò publicis in Concilio delegatorum Cardina-

Catholici pluri-  
 ma nostris in  
 vita moribus &  
 Ec. gubernatio-  
 ne iam pridem  
 agnoscimus &  
 deploramus vi-  
 tia necessariò  
 castiganda &  
 reformanda.

„ esse gnathonū & adulatorum aulicorū adulatione in hanc mi-  
 „ seram faciem deturpata atque deprauata. Neque silentio fuit  
 „ prætereudum, Adrianum VI. Germanum Pont. Ro. publicæ  
 salutis suæ patriæ Germaniæ cupidissimum & voce & scriptis  
 ad Imperij status Anno 22. datis professum, A planta pedis vs-  
 que ad verticem capitis non esse toto Ecclesiæ huius sæculi lu-  
 ctuosissimi corpore sanitatem: sed varios postea per Rom. Pon-  
 tifices varia & legitima etiam esse malis plurimis abolendis re-  
 media cum prudenter inuenta, tum passim magno piorum  
 „ omnium gaudio, plurimoque fructu adhibita.

Cæterum hæc vitiorū Ecclesiæ remedia vtut successerint, & quo euentu adhibita fuerint, hic parui refert commemora- re. Illud nullus inficias iuerit, non defuisse, neque in præsentia- rum deesse, qui oratione minimè simulata grassantes in Eccle- sia pestes, vomicas, & carcinomata studuerint salutariter excin- dere



dere atque medicari : modò manum admisissent medicam, quam nostra vitia morbiq̃ue inueterati depellere vsq̃ue non desinunt.

An Gallia morbos dissimulauit R. V. Iohannes Picardus? an Aulicis aut Episcopis vnquam ita fuit adulatus, vt omnes non sale perfricaret, eaq̃ue vteretur libertate & parresia, qua Theologum Parisiensem decebat? Sic & Claudius Cefelius lib. de Republ. Gallia, ad viuum Gallicanae Ecclesiae curanda detexit vulnera.

Piorū querelā  
de moribus vi-  
taq̃; non Apo-  
stolica apud Ca-  
tholicos.

Per Italiam verò an non Isidorus Clarius disertissimis suis orationibus Ecclesiae Italicae deplorat calamitatem? Nunc verò cernas, inquit, maximam Episcoporum partē ne in diocesi quidem sua residere: nedum vt suo praedicandi munere fungantur. Difficile enim quatuor in tota Italia nunc reperias, qui appellari Pastores iure possint, & pascendi officium subire dignentur. Et post interiecta pauca: Nullam aliam ob causam tam alienus Christianus populus ab Euangelicis legibus viuīt, vt penē Christianae professionis regula sublata ē medio sit, quā ob desides, negligentēsq̃ue Pastores: qui omnia videntur scire praeter id quod scitu deberet esse praecipuum, id est, pascendi Christi gregis officium. Rursus ne quis momus insulse garriat, hulus non satis fuisse tactum; Nos verò, inquit, qui omnia ex Diametro contraria factis Pauli agimus, non pertimescimus iudicium Dei, & declaramus rebus ipsis nos vel non arbitrari futurū Christi iudicium; vel ita obstupuisse, vt seruemur, nec ne, nihil referre putemus. Obnixē rogandus est Deus, vt meliorem nobis mentem inspiret, ne Christi greges tam miserē vagi ferantur ac disperdantur. Veras quidem malorum praesentium causas R. P. Isidorus Clarius demonstrat: sed ipsos fontes nondum attigit; quos si repurgare, & ad SS. Canonū executionem instaurare Deus Opti. dignaretur (vti iam bonos tenet spes ex S. D. N. Pij V. studio sanctissimo) facilius esset concordiae Germanicae conciliatio. hos ergo malorum huius infelicitissimi nostri saeculi fontes plurimi aperire, maestisq̃ue vocibus deplorare non destiterunt.

Iam pridem enim similes piorum querimonias passim fuit & legere & audire: quarum illa in primis non est silentio pra-

R. D. Rietvardi  
di Tapperique-  
rela de tollēdis  
Ecclesiasticorū  
abusibus.

tereunda, quam pietate non minùs clarus, quàm rara eruditione præstantissimus vir R. D. Rnewardus Tapperus præceptor meus immortalis memoria celebrandus in publico Lo-uaniensi Academiæ theatro magna quondam dicendi libertate commemorauit.

Orat. habita in  
D. Lindani &  
al. licentia.  
Ann. 1551.

Reuersus ex Concilio Tridentino per Mauritanos interturbato Confessionem Saxonicam eodè anno 52. editam refutaturus, ita collapsos Ecclesiæ Christi mores, eiusq; labes deplorat, Oratione nondum in lucem data. Quam cum alijs aliquot eiusdè præclari viri scriptis ex autographo iam dudum prælo apparamus.

Auaritiæ om-  
nes student.

De abusibus verò & lapsu disciplinæ, ait, quibus totum Ecclesiæ corpus est contaminatum, modò non agitur cum aduersarijs, & agnoscimus ipsi atque ingenuè cõfitemur, gemimus, & deploramus in corpore Ecclesiæ à planta pedis vsque verticem capitis non esse sanitatem: & corrupta esse omnia; præsertim in statu ecclesiastico: omnesq; sue quæ sunt, quærere, & studere auaritiæ, quodq; per dispensationes super beneficiorum pluralitate, & super alijs plurimis, super quibus nec Christus ipse dispensare posset, per commendationes Abbatiarum & Episcopatum, per monstrosas prouisiones, regressus & retrogressus omnia esse venalia, sub prætextu tamè, nescio cuius causæ rationabilis, quæ ex more, nullo facto examine, prætextitur, & bullis inseritur semper, multamq; propterea in capitibus Ecclesiæ damnablem esse hypocrisim. De his inquam cum aduersarijs non agimus. Sunt enim tam notoria hæc vitia, vt multum cæcutiat, qui ea non videt: & insanus sit, qui vel

Omnes sua quæ-  
runt.

Omnia corru-  
pta.

Romani dispen-  
sant super qui-  
bus Christus ip-  
se non posset.  
Prouisiones Ro-  
monstrosæ.

Omnia venalia

In Rom. Curia  
adulatores &  
excusatores ex-  
cusationum in  
peccatis.

O memorabile  
sanctissimi se-  
nis parrhesian !  
quam vinâ Ro-  
manenses gna-  
thones, fameli-  
cij, Curiarum  
canes audirent,  
eique obediret.

excusare conatur. Quis enim non videt quantus sit sacrorum Canonum circa disciplinam neglectus? quis nõ gemit nullam fieri illorum executionem, nisi circa beneficia, & ea quæ ad forum pertinent contentiosum? quorum si seuera esset obseruatio; & Prælati, quorum est eos exequi, suo non deessent officio, in his quæ mores & disciplinam concernunt, florentissima essent omnia in Ecclesia, nec opus esset vniuersalibus cõcilijs ad reformandam Ecclesiam Episcopos fatigare, & cum magna salutis iactura ad septennium oues suis destitui Pastoribus: nec ex Concilijs fructus vllus expectatur, quàm diu defuerint, qui

conclu-

conclusa & definitiones zelosè exequantur. Sic quidem pius ille senex & homo Dei : vbi coràm Tridenti in Concilio Romanensium mores perspexisset, praximque illam Romanam ad explendam diram vnus voraginis ingluuiem de incorporatis misellis monasteriis, de facie per Germaniam didicisset : lachrymantibusque oculis vidisset, vti subinde nobis hisce de rebus in quotidiano conuictu commentantibus magno pij animi gemitu, ardentissimisque ad Christum Iesum Ecclesie sponsæ suæ seruatorem suspirijs solet commemorare. Sed modum facio querelarum atque satyrarum cōtra Ecclesiasticorum negligentiam, vitam impurissimam, moresque improbißimos passim effularum.

Hæc atque id genus alia si anonymi isti grauaminum Germaniæ corrafores, verius dixeris eruscatore, Clementiss. D D. suis Roman. Imperij Principibus & Ordinibus præclara sanè indole, mira modestia, singulari prudentia præditis candidè exposuissent, procul dubio æquiores sibi Catholica illos experiretur Ecclesia, maior atque certior etiam conciliandæ concordie omnibus quidem pijs optatissimæ, sed istis exosæ, spes affulgeret. Rectè de isthoc hominum genere apud Poetam conqueritur ærumnosa Hecuba fucato amico Vlyssi exprobrans,

ἀ χάρις οὐ ὑμῶν σπέρμ' ὅσοι δὴ μνηόρας

ζηλᾶτε τιμάς (μὴ δὲ γνώσκεισθε μοι)

οἱ τὰς φίλας βλέποντες ἐφροντίζετε,

ἢ τοῖσι πολλοῖς πρὸς χάριν λέγετέ τι.

*Ingratum genus vestrum, quicumque forenses*

*Admiramini plausus (utinam non essetis mihi cogniti)*

*Qui nihil pensi habetis amicos ledere,*

*Modò dicatis grata multitudini.*

Ita enim funesto illo placendi popello dissidiaque alendi tenentur studio, vt execrabilem illam vocem quosdam vel publicè iactare non pudeat: Ex bello aliquid, de pace nihil, plerisque nimirum foret esuriendum.

Sed his querelis alium in locum reiectis, Deum Opt. Maxi. supplices precati, vt Germaniam suam quondam sibi dilectissimam, plurimorumque verè piorum merito nondum totam deploratam miseratus, eius Principibus, vel vnum donare di-

Studiū Catho-  
licorum in abu-  
sus reforman-  
dos dissimulant  
apud suos Do-  
minos callidi  
isti Cōfessionis-  
starumpatroni:  
quò sic dissidia  
foucant.

Euripid. Hecu-  
ba ex versione  
Gasp. Stiblini.

Qui plebeculæ  
capit gratiam,  
magis grata q̃  
vera student di-  
cere, vel cū Prin-  
cipum iniuria.

Nobilissimum  
rabularum fo-  
rensiū Apoph-  
thegma.

Veræ diffidio-  
rum facies pseu-  
doprophetae &  
auari consilia-  
rij politici.

gnetur Michæam, qui omnium pseudoprophetarum, falso-  
rumque cum doctorum tum consiliariorum (quibus funestissi-  
mum istud schisma acceptum ferre debemus) ora obtuleret, ad  
illa præclara istorum Confessionistarum 24. capita veniamus:  
quibus ostendere conantur, Ro. Pontificem, & Pontificios do-  
ctores veram Dei Ecclesiam impia doctrina prophanasse, & à  
vero Christi Iesu per Idololatriam seduxisse Euangelio.

CAP. VJ.  
Refutatio præ-  
fationis aduer-  
sariorū in suas  
24. Antitheses  
doctrinæ, quam  
dicunt Christiani  
& Pontifi-  
cia.  
Fol. 93.

OSTENSURI delecti illi Cōfessionistarum patroni à Pon-  
tificiis siue Catholicis Episcopis & Doctoribus multos errores  
grauissimos, dogmata noua, falsā iniquiunt fol. 94. & manife-  
stè impia, cultus etiā Idololatricos & magicę superstitionis ple-  
nos in Ecclesiam esse inuectos, hunc in modum suam aggre-  
diuntur actionem. Est enim in confesso, iniquiunt fol. 93. &  
„ negari nullo modo potest, Pontifices & Monachos non tātum  
„ densissimis & impiis tenebris inuoluisse Religionem: sed pror-  
„ fus nouum doctrinæ genus inuexisse in Ecclesiam, plenū hor-  
„ ribilium errorum, impietatis & Idololatrię, quodque cum di-  
„ uinis Prophetarum atque Apostolorum scriptis manifestè &  
„ ex diametro pugnat.

## REFUTATIO LINDANI.

Fol. 355.  
Solutio Christi  
(iniquiunt) &  
verbum eius scri-  
pto traditum  
præfideat, &c.

CRIMEN sanè ingēs & nefariū atq; in primis sacrilegum,  
si vllum aliud: sed quod Catholicis falso affingitur. Siquidem  
tam longè à nobis abesse iam pridem variis, inque luculentissi-  
mis Catholicorum scriptis est toti orbi meridiana luce clariùs  
demonstratum, quàm à cælo abest terra, vnde huius calumnię  
aculeum nihil exhorrescimus, non solum Christo iudice, quia  
isti suorum sibi errorum & doli mali fraudisque improbæ con-  
scij suoque iudicio condemnati, alium istarum controuersia-  
rum in terra Iudicem vix vllum recipiunt, vti fol. 385. diserte  
satis protestantur: sed piorum etiam omnium æqua censura  
freti. In confesso esse iniquiunt, quòd Catholici scriptis tam lu-  
culentis, publicis vocibus, quotidianis concionibus falsum, fi-  
ctitium, calumniosum demonstramus. Negari nō posse arunt,  
quod omnis Catholica pernegat Ecclesia toto adhuc orbe in-  
columis, præter istum Aquilonis angulum; vnde Propheta  
omne



omne prophetauit venturum malum, id est, illum olim Antichristum, cuius isti Confessionistarum patroni anonymi tantum nō illustres sunt lucernarij, indubiiq̃ue præcursores, olim proditurum. Sed tam manifestariæ calumniæ rationes audiamus. Sic enim euestigio subtexuerunt:

Etenim Pontificij Scriptores, aiunt, & Doctores horribili audacia Sancta Prophetarum & Apostolorum scripta eleuant es eò impudentiæ progrediuntur, vt de Bibliis sanctis palàm ausint dicere incerta ea esse & ambigua prorsus, præceptorem mutum, materiam litis, literam mortuam, litera quæ occidat, obscuram, dubiam, cereum nasum, regulam Lesbiam, plumbeam, Sphingis ænigma, & quæ res ambiguas atque dubias parum explicant, minimumq̃ue necessaria sint Ecclesiæ.

## REFVTATIO LINDANI.

ATROX profectò crimen, quòd extrema quæque mereatur supplicia, æternæque odia, si vel per suspitiones probabiles à Catholicis commissum vnquam conuincatur.

Verùm cùm sola nitatur aduersariorum affirmatione, nulloq̃ue legitimo demonstretur testimonio (quòd nequaquam omisissent aduersarij, vt in aliis ferè omnibus fecere perdiligerent criminationibus, nisi probè sibi fuissent conscij, audacter hæc confingi in nos posse) leuiter ipsum perstringemus, cùm vel sola inficiatione aboleatur, donec euicerint. Catholicos aiunt sancta Prophetarum & Apostolorum eleuare scripta, sed in istos ipsos Euangelicos quadrare hoc scelus deprehendent pij Lectores, qui rem candidè perspectam habuerint.

Vtri, obsecro, eleuant sacra Prophetarum & Apostolorum scripta, an Catholici, qui omnia & vniuersa iustæ reuerentiæ officio piè suscipiunt, nihil reiicientes, nihil decurtâtes: an Euangelici isti noui, immo semi-christiani, qui ad priscorum exempla hæreticorum sacrum Scripturæ diuinæ Canonem à tota hæcenus Catholica Ecclesia per annos minimum 1200. traditum reiiciunt, sententias nō paucas, Iudeos, Samaritanos, aliosq̃ue Religionis Christianæ hostes imitati, deprauant, mutant, libris totis accidunt, violant, adulterant, prophanant?

Vtri eleuant sacra  
et sancta  
Biblia?

S. Scripturas eleuant & reuocant  
Confessionistæ.

An

Epiphan. hæref.

69

August. de hæ-

ref.

Tertull. contra

Prax.

Fol. 226.

Calui. præfat. in  
epist. Iacob.Beza in vita  
Caluini.Contra Cresco-  
uium, l. cap. 31.Vide apud Su-  
rium in Chro.

An negare audent à Luthero, Pomerano, aliisque conscele-  
ratum istud perpetratum sacrilegium? An non Epistolam ad  
Hebræos cum Arrianis reiecerunt? An non Epistolas Petri &  
Iohannis eiusdemq; Apostoli Apocalypsim cum Alogianis &  
Marcionistis de Canone auulserunt? An non D. Iacobi Apo-  
stoli Epistolam Lutherus blasphemè appellauit stramineam,  
& quæ spiritus nihil haberet Apostolici? Sed hæc olim fuere  
in controuersia, inquis, certas non reiecerunt Scripturas.  
Immo non aliunde vnus liber præ altero certa habendus est  
scriptura, quàm ex vnus Ecclesiæ Catholicæ iudicio, quæ &  
reliquas omnes affirmando & maioribus nostris per Concilia  
legitima tradidit, nobisque tradit, ac in finem vsque mundi  
suis tradet filiis: à qua eadem Ecclesia & aduersarij quosdam  
libros recipiunt Canonicos. Cuius censuram dum in iis quos  
audent dicere Apocryphos recusant, manifesti sese cõuincunt  
plagi, quòd nullo argumento alio indubitato, quàm Eccl. no-  
stræ præiudicio suis libris, quos dicunt sese pro Canonicis ac di-  
uinis recipere atque colere Scripturis, diuinâ vindicare queant  
auctoritatem. Hunc igitur in modum aduersarij sacra Pro-  
phetarum & Apostolorum reiiciunt scripta, alij cum Luthe-  
ro D. Iacobi epistolam, reclamante Caluino; alij cum Calui-  
no Ecclesiasticum; alij cum Castalione Canticū Canticorum,  
reclamante Beza; alij Epistolam ad Hebræos, aliis reclaman-  
tibus Syneuangelicis; Apocalypsim alij: quibus ad vnum om-  
nibus tota refragatur constanterque reluctatur tãquam pla-  
giarijs & sacrilegis nostra Ecclesia Catholica, illius dudum ob-  
iecti criminis nequaquam affinis, nedum rea. Testatur D. Au-  
gustin. viros Christianos ea semper fuisse modestia, vt de Scri-  
pturarum Canone non audeant iudicare; quorum in numero  
nos Catholici quotquot vbiuis gētium degimus, profitemur:  
sed effrenes isti excusso semel Domini iugo, diuinum Scriptu-  
rarum Canonem suo non solum substernunt iudicio temera-  
rio; sed sacrilega etiam pro libidine audent mutare, variare, de-  
prauare, adeoque, si Deo placet, decurtare. Quid? quòd suo  
cum Luthero Confessionistæ Biblia appellare non verentur li-  
brum hæreticorum?

Non ergo Catholici sacrosanctam Scripturam eleuamus,  
aut

aut facimus dubiam; qui totam atque vniuersam Canonibus Conciliorum antiquissimorum definitam recipimus reuerenter, atque colimus religiose: sed Euangelici sacrilegum istud facinus re vera peccasse deprehenduntur: dum priscos aliquot phanaticos sequuti magistros, in dubium reuocāt, an libri sint Canonici, quos abhinc annis plus minus mille ducentis Christiani vbique omnes pro indubitato Canonicis sunt venerati. Sicut enim Manichæi vetus reiecerūt testamētum: ita Euangelici non exiguas eius partes: Samaritani Prophetas: isti Danielis aliquot capita, Ecclesiasticum, Baruch, aliosque libros diuinos, Machabæorum denique libros, sicuti non recipit Iudaica, ita nec Lutherana Synagoga.

Quosnā Euangelici sequuntur magistros in nouo suo Scripturarum Canone.

Augustinus de ciuit. Dei lib. 18. cap. 16.

Quod si sacras iam penitus inspiciamus Scripturas, quas aduersarij isti Euangelici nobis cum Catholicis concorditer etiamnum suscipiūt, Deum immortalem quā flagitiosa illis in conuertendis, immo peruertendis designarūt sacrilegia, addendo, detrahendo, immutando, deprauando, atque, vt vno dicam verbo, sacrosanctum Dei verbum humana doctrina, immo Iudaica perfidia, adeoque diaboli mendacijs adulterando: nihil dum hic ago de Euangelicorum commentariis; sed de puro puto Dei verbo, quod imperitis pro sacris venditāt Scripturis. Si immania isthæc flagitia in S. Scripturas non designarunt Lutherus, Melanchthon, Brétius, Bucerus, Oecolampadius, Bullingerus, Beza, Castellio, pœnam talionis nequaquam deprecabor.

Iam dudum luculentissimis allatis rerum ipsarum exēplis, illos noui Euangelij auctores tanta discordia dissectos, tam immani dissidio inter sese diuisos, tam irreconciliabili denique bello odioque planè Vatiniano sibi exitialiter tumultuantes, istius planè conuicimus, prorsusque reos peregimus sacrilegij. Consulatur libellus noster dudum populo editus Dubitātius à Constantio libris .3. instructus, & alter doctioribus scriptus Ruewardus, siue de animi tranquillitate. Quæ ne quis fortè desideret, nobiliora aliquot emblemata in mediū adferre non fuerit inconsultum.

Libro 1. cap. 10.

Nouam Lutherus orbi inuecturus de sola fide iustificante doctrinam, vt nouitatis declinaret inuidiam, ausus est homo

D

sacri-

Novam suam  
doctrinā ut sta-  
tueret Luth-  
erus, novū depra-  
vavit Testamē-  
tum.  
Rom. 1.  
Allein durch de  
glauben.

Kumpt nur er-  
kenntnis.

sacrilegè temerarius suum *sola*, & *solum* passim divinis Pauli Apostoli scriptis infarcire. Ad Ro. enim cap. 3. quod Apostolus Dei ore dixit: Arbitramur hominem per fidem iustificari, ille suo contaminavit veneno, adtexens solū per fidem iustificari. Sic & illud, Per legem cognitio peccati, ut suam fictitiam fidem, quam dicebat specialem, verbi Dei prætextu palliaret, suum adtexuit solū. Rursus ca. 4. Lex enim iram Dei operatur etiam illud suum adfinxit Solum, quò suam imaginariā fidem imperitis vendicaret commendabiliorem. Rursus quia fidem suam finxit semper esse charitati coniunctam, ideòque bonorum operum fæcundam, contrā quàm docet Evangelium, Iacobus & Paulus, hinc D. Iacobi locum, Ostende mihi fidem tuam sine operibus, Lutherus depravavit, Ostēde mihi fidem tuam cum operibus.

Quò & alia sua paradoxa vel in speciem statueret, illud Pauli Ro. 3. Omnes enim peccaverūt, depravavit ad fictitiam suam peccati permanentiam stabiliendam, Omnes enim sunt peccatores, contra Pauli sententiam: qui nos peccatis ablui, liberari & sanctificari docet per Christi spiritū in Baptismo donatum.

Ohn anstöß.

Quò D. Iudas ait: Qui potest vos servare sine peccato, Lutherus peccati amicus, vindex, & patronus, quia peccati mancipium, pervertit, sine oppugnatione. Quò verò semel omnem Christianis eriperet perfectionem, quod Paulus hortatur, Accipite armaturam Dei, ut possitis resistere in die malo & in omnibus perfecti stare; Lutherus omnis probitatis hostis vocem perfecti omisit: quæ tamen in omnibus constanter legitur codicibus tam Latinis quàm Græcis.

Act. 1.

D. Lucas annotat solemnem orandi morem Apostolos observasse, ut certa hora Deum colerent Petrus & Iohannes, ascenderunt (inquit cap. 3.) ad horam orationis nonam, quæ nobis est tertia pomeridiana, quæ Vesperarū dicitur: Lutherus orandi studio infestus depravat, pervertens eos in tēplum ascendisse ad orandum sub horam nonam: quæ lectio ut libertatem orandi habet; ita nullum habet certi temporis orationibus dediti vestigium: quod tamen ad Davidis & Danielis exēplum Apostolos observasse est indubitatissimum.

Hunc



Hunc in modū sacrilega impietate in Ecclesiastica dogmata grassatus Lutherus sui scopi haud quaquam oblitus prodidit, quorū nouam inuexerit Germaniæ Euangelium. Quod enim D. Paulus scribit aduersus Iudaizantes, quod Christum docebant secundum elementa mundi, Lutherus pulchram sibi hīc nactus videbatur occasionem, leges omnes Rei publicæ semel euertendi; ideōq; verba deprauat, secundum leges mundi; quod tumultuantibus rusticis, suo classico dicendiq; facibus ad rebellionem excitatis, speciosum ex Dei verbo adferre putaretur patrocinium.

Nach der vvelt  
satzungen.

Hæc in præsentiarum sufficiant, vnde pius Lector facili ex vnguibus Leonem. Quæ tam manifestò Lutherum conuincunt Scripturarum corruptorem, vt vel Osiandriani magna ex parte Lutheri discipuli nihil vereantur pronunciare plurima Scripturarum loca à Luthero magna (inquiunt) falsitate & dolo interpretata, quemadmodum Cōfessio Mansfeldensis commemorat.

Sed huius amplius confirmandi labore nos iam pridem liberauit Cōfessio Tigurina, quæ anno 45. edita Lutherum ait fol. 112. suo à Zwinglio conuictum esse scripturarum adulterorem.

Quod ad eò indubitatum est, vt Bucerus ipse (cui vos Cōfessionistarum Patroni scio plus habetis fidei) Dialogo contra Melancthonem scribere non dubitarit, Lutheri lapsus in vt tendis explanandisq; scripturis manifestos esse, nec paucos. Imò Lutherus ipse præfat. quadam in Biblia agnoscit ingenuè quòd Rabinos sequutus more Munsteri & Pagnini crebrò errarit. Hæc de Luthero Sacrarum Scripturarum mutilatore, corruptore, deprauatore sufficiant in præsens. Qua verò fide ac reuerentia diuinas tractent scripturas Lutherani, vnus Caluinus fecerit contestatum. Is Bremensibus Theologis suo de Luthero tripudiantibus ac Sacramentario dogmati insultantibus respōsurus scribit, eos (admonitione vlt. ad Westphalum, fol. 287.) Scripturam turpiter & pudendum in modum corrumpere, vt Iohānis Baptistæ spoliis Lutherum exornent: quòd sit Elias ille, per quē restituenda fuerint omnia: & quod in Iohan. Baptista semel factum est, non obscurè tam Prophe-

Lutherani Scri-  
pturas corrumpunt.

Caluino Lutherani sunt Scripturarum falsarii.

ta quam Christi testimonio in Luthero fuisse iterandum, qua falsitate (inquit Calvinus) non minus fœdarunt Lutheri nomen, quam Aegyptij Ieremiæ corpus, sepulchrum eius adorando.

Cæterum qua temeritate sacrilega Lutherani quosdam S. literarum locos ad sua noua dogmata statuenda detorqueant, pauculis exemplis fiat manifestum.

Tibi soli peccauit, deprauat ex Hebræo Phil. Melanchthol. commu. & Io. han. Brënius in Catechismo magno.

An non Melanchthon, Brentius, cæteriq; illud psalmi 50. deprauat: Tibi tantum peccator sum? vt suam perpetuam in peccatorum sordibus, à quibus si auitam Catholicorum obtinerent in Ecclesiæ vnitæ doctrinam, iam pridem fuere per Christi fidē & Sacramēta expurgati, tueantur immunditiem?

An non idem Brentius ad oppugnandam piarum lachrymarum Deo Opti. pro peccatis gratissimarum efficaciam, & vt cum Cypriano, August. Ambros. totq; veterum Patrum choro Catholici loquimur, satisfactionem, illud Lucæ 14. adulterat: Quoniam, peruertens in idcirco, dilexit multum; causam remissæ peccatorum impiè commutans in effectum?

Quoniam dilexit multum, Brentius deprauat, in idcirco. lib. contra P. Soto.

Eant nunc lepidi isti Confessionistarum Patroni, & Catholicos de prophetarum Apostolorumque scriptis eleuatis in crimen vocent; cum ipsi ea non solum eleuet, sed Iudaicè potius mutilent, adulterentque; id quod non Iudæorum solum, verum & hæreticorum facinus fuit hætenus semper proprium.

Proinde cum hac in calumnia Confessionistæ luculenter adeò teneantur rei, ecquid fidei meretur reliqua, ad fictitiæ calumniam statuendam ab ipsis porro allata?

Eò verò impudentiæ aiunt Catholicos progredi, vt de S. Bibliis ausint dicere incerta eadem & ambigua prorsus, & cætera dudum recitata, conuitia magis & exprobra quam argumenta.

Atqui istud nõ sola fuit criminatione affirmandum, Evangelici, sed recitatis scriptorum Pontificiorum liquidis testimoniis comprobandum, vnde & nos isthæc nugarum loco habebimus, donec ipsis suorum auctorum, quos falsò infamant & ignotos accusant, cõfirmetur verbis. Siquidem quotquot tam nostri sæculi, quam superiorum scriptores Ecclesiasticos videre potuimus, nusquam isthæc apud quæquam tam blasphemiam agnouit.

agnouimus. Extant quidem plurima apud illos loca de S. Scripturæ obscuritate, & intelligendi difficultate, quòd ea à suo germano ac genuino sensu (quem sola Catholica Christi, verè habet, sempiternumque obtinebit Ecclesia) separata, in varios ab hæreticis trahatur errorum prætextus: vt sic considerata, non autem (vti aduersarij calumniatur) verè, præbeat quidem non per se (vt cū philosophis loquamur) sed propter impiam imperitorum, temerariorum, sciorum ac imprimis hæreticorum temeritatem litismateriam, vereq; naso comparatur cereo, cū hic aliò, ille rursus aliò vnā eandemque scripturam inflectat, incuruet, atq; obtorto, quod aiunt, collo trahat. Hoc sanè vel vnus ille de S. Eucharistia perspicuè admodum testatum faciat locus, tot variorum tam à Lutheranis, quàm Sacramentariis sensuū portentis in variā à vero faciē deformatus. Vt enim nihil de anilibus, vereq; inanibus Sacramentariorū somniis dicamus, qui in suo paradoxo statuēdo tam sunt inter se varij, vt plurimis factionibus constitutis, solus Iohan. à Lasco plura sibi istorū verborū cœnæ Domini fingat cōmenta, quàm numeret digitos. Nūc de Confessionistis est agēdum.

Euripid. in Cyclop.

Hi autem etsi Lutheri nomen suis prætexūt dogmatibus; tamen hac in re, vt & aliis plurimis doctrinæ capitibus, prorsus dissentiunt: aperta enim per Lutheran. Cyclopica schola, quæ nec Deum verè colit, nec maiores reueretur, omnes illud Sileni de Cyclopū ingenio ac moribus apophthegma canūt; *αὐτὸς δ' οὐδ' ἐν δουλείᾳ ὑποτάσσεται*. nullus nulli in re nulla obedit: sed quod sibi quisque fingit pro Deo, sequitur colitque inuictus, nullique cedere nescius. Lutherus namque docuit panem cœnæ Domini re vera & substantialiter panem simul & corpus Christi esse, vnde & *ἀπρόσπαχα*, id est carneum panem nominat, quemadmodum annotat Confessio Tigurina, fol. 110.

Porrò Sweuici illi 14. Parochi puri puti Lutherani cōtra Oecolampadium pro Luthero dimicantes suum infelices faciunt ipsi Lutherum, quorū facilè princeps fuit Iohan. Brennius, anno 25. Hi asserabant corpus Christi in vel sub pane adesse: non ita tamen vt panis substantialiter sit corpus Domini, quod contendebat Saxonicus Euangelista Lutherus: sed illud in vel sub pane commanducari, eodem nimirum modo, quo

pillulæ inquebant ouis immixtæ absorberi consueuerunt.

Sunt & alij Lutherani, vt hanc (ita dixerim) panis permanētiam & consistētiam vnā cum Christi corpore à Luthero nunc ab orco reuocatam arguto sophismate tueantur, disputant an hæc vnio panis & corporis sit hypostatica, an physica, an formalis, an mystica, an sacramentalis? Certè quot hîc cōfingunt vniones, tot re vera ferunt inter Lutheranos dissensiones. Alij Lutheranas loquendi formulas ita detorquent ad Calvinistarum verba & sensa, vt Zwingliani vel à Lutheranis audiant. Sic enim Iohan. Brentius, qui Wormatiæ noluit condemnare Tigurinos, propter præfationem in lib. Iac. Andræ, à Saxonibus vocatus Zwinglianus, sicut & in causâ Osiandriana dicebatur cothurnicus.

Hoc igitur exemplo liquet verba cœnæ istis Euangelicis quidem esse materiam litis, & verè naso comparari cereo: dum vnus sic, alter verò aliter contendit intelligendum, quod per se vnū est, vniūsq; tantum sententiæ, quam Catholica vbiq; & semper tenuit æternūq; obtinebit Ecclesia. Eundē in sensum sacras literas & hæreticorū ingenia sibi minimè, nedum suis magistris constantia, regulam faciunt Lesbiam siue plumbeam, dum suam quisq; hæreticorum priuatam opinionem Scripturis infert, vti ait D. Hilar. non ex illa veritatem petens, sed suæ humanæ doctrinæ palliandæ illam inflectens inuitam. Paucis his ex verbis homini non tam contentionis, quàm veritatis studioso facilè fiat satis de longo illo acerbissimarum cationum catalogo, si Catholicos meminerit cum Petro Apostolo de sacris literis docere, quod ille de D. Pauli epistolis singulariter dixit verissimè, plurima esse in S. Scripturis, inquit, non solum sensus dubij & incerti: sed intellectu quoque difficilia siue *δυσνόητα*: quod D. Petri capitulum, vel Euāgelici ipsi eadem, qua vetus interpres, reddiderunt voce, de quo post dicetur copiosius.

2 Petri. 3.

Calum.

Porro quod aduersarij aiūt, Catholicos docere Scripturam esse Sphingis ænigma, & quæ res controuersas, ambiguas atq; dubias parum explicet, nefaria est calūnia: docemus quidem cum D. Hiero. Apocalypsim & plurima prophetarum oracula tot habere mysteria, tot continere sacramenta, quot habent verba:



verba: sed Sphingis ænigmata nemo, nisi summa cū Dei Opt. maximi blasphemia, dixerit: quæ tā longè à Catholicis abest, quàm altera illa quā continētibus attexūt verbis; sacra Biblia (inquiunt) minimū esse docent necessaria. Istius blasphemæ vocis si vel vnum proferant testem, vicerint.

Ceterū quod addunt, Laicos etiā à lectione eorum (S. Bibliorum inquiunt) & vsu in populari & vernacula lingua arcet, frigidior est calumnia, immo mendacium manifestius, quàm quod vllam mereatur refutationem. Extant Biblia Lo- uaniij, Parisiis, Colonia, alibi quæ & Germanicè & Gallicè con- uersa. Norunt ipsi quoque aduersarij & totam per Sueuiam, Bauariam, aliasq; Catholicorum prouincias sacra sub concione populis vernacula lingua prisco de more sanè laudatissimo (v- tinam & aliis idem omnibus placeret) prolixè recitari S. litera- rum capitula. Proinde quod ex Cócilio Niceno & diuo Chry- sostomo atque Erasmo adferunt, nostram iuuat causam: quam ad aureum illius, nobis quidem venerandissimi, Concilij Ca- nonem omnibus, sed ex Concilij sententia, optamus persua- sam id est, vt pij omnes vbique linguarum germana & pura, non per Marcionem, Manichæos, Lutherum, Castalionem, Bezam, aut Anabaptistas aliosue phanaticos deprauata, solici- ti voluant Biblia.

IN tam manifesta deprehēsi vanitate aduersarij, nouam cu- dūt superioribus longè atrociorē calumniam. Catholicos e- nim cū Iudæis & Turcis cōparāt, quòd, vt illi, relictæ (inquiunt) per Prophetas & Patriarchas, & Apostolos doctrina tradita no- uum excogitarunt Talmud, & genuerūt Alcoranum: eodem modo & Papistæ cū sacra Biblia velut literam mortuam, & ambignam contumeliosè spreuissent, in locum eius traditio- nes humanas in Ecclesiam inuexerunt, quas fidei Christianæ fundamentum certissimum, & normam iudicij de doctrina vocarunt.

CAP. VII.  
Collatio Catho-  
licorum cū Iu-  
dæis & Mahu-  
metanis reselli-  
tur.

#### LINDANI REFUTATIO.

NON noua isthæc est calumnia, quòd Catholicos Iudæis, hæreticis, aut paganis comparant belli isti Confessionistarum patroni.

patroni. Sicolim & Faustus Manichæus D. Augustini ætate Catholicos Iudæis conferens appellabat semi-christianos, & Pelagianos D. Ambrosium per conuitium non puduit vocare Manichæum.

Sed quemadmodum illi maiores nostri non fuere istius culpe fanè sacrilegæ affines: ita nec Catholici, qui nunc per orbem viuunt Christiani ista merentur elogia planè infanda, ut vel Iudæis, vel hæreticis, nedum Paganis, Idololâtris aut Turcis similes habeantur, quemadmodum ipsa luce faciemus Christo aspirante illustrius.

Nouum enim nihil Catholici finimus, Nouum Talmud cum Iudæis non excogitauimus, nouum Alcoranum cum Mahumetanis aut Turcis non genuimus: sed quod à maioribus, ab Apostolis, à Prophetis traditum accepimus, constanter in hanc usque horam seruauimus inuiolatum.

Quinimo vel capitis huius periculo, idque iudiciis S. Imperij R. ordinibus, equidem ausim asserere in Euangelicos nostri sæculi verè quadrare, quod in totius orbis homines Christianos, id est Catholicos tam improbè, tam sceleratè confingunt, contraque suæ mentis testimonium atrociter atque mendaciter exprobrare audent delecti isti Confessionistarum theologi consiliarii que Politici.

Nō Catholicos, sed Euangelicos Iudaismi delicta populo venditare suis in Bibliis.

Tigurina Ecclesia S. Scripturas habet deprauatas sicuti & Basiliensis.

An non cum Iudæis sentiunt Euangelici, qui manifestas impiorum Iudæorum, hominibus Christianis, contra maiorum doctrinam, contra vetustissimam Ecclesiæ Catholicæ Scripturam diuinam, hodie impias obtrudunt Sacrarum literarum corruptelas? Istud meridiana luce clarius conuincit Esaias ab Euangelicis istis (si Christo placet) pudendum in modum deprauatus. Siquidem Iudaicam corruptelam S. Bibliis inuictam Basiliensis Ecclesia suo à pseudo-Episcopo apostata monacho Oecolampadio suscepit. Ita enim ad verbum extat in eius commentarijs dudum & Geneuæ recensis. Ecce adolescētula prægnans pariet filium: sicuti olim Aquila apostata corruerat. Eandem notam Iudaicam siue Caballisticam & Castellio, ut ad Confessionistarum castra propius descendat oratio, suis Ciceronianis (si Deo placet) inuictis Bibliis: Ecce puella prægnans filium pariet. Sed apertio-rem Iudaismū Leo Iudas cum aliis

Tiguri-

Tigurinis, haud sanè minima Euangelicorum pars in sacros inuexit Psalms, qui omniù luculentissima contra Iudæorum scandalum de Christi morte & cruce habent cælestia oracula.

Illud enim diuini Prophetæ capitulum de Christi manibus pedibusq; confodiendis atq; clauis patibulo configendis, quod illustre admodù habet veri Messia signum, maluerūt Tigurini Theologi non infima Euangelicorum istorum columina cum Iudæis Christi sui crucem ceu scandalum atque maledictum omnium grauissimum exhorrescentibus, adulteratum vertere: Ceu leo manus meas & pedes meos: quàm toto cum orbe Christiano Apostolorum discipulo, Foderunt manus meas, obtinere.

Foderunt manus meas Euangelici cum Iudæis deprauat Tanquam Leo.

Verùm quanta istud Euangelicum facinus sit impietate plannè Iudaica plenum ipse Caluinus dissimulare non potuit. Scribēs enim in psal. 21. annotat omnes quidem libros Hebraicos in hanc lectionē: Sicut leo manus meas & pedes meos, conuenire (quod nos falsum libris de optimo interpretandi gen. demōstrauimus) se tamē ab ea lectione decedere, quòd ita cogat sententiæ ratio; & probabilis sit coniectura, locum à Iudæis esse fraude corruptum: addit prætereà in eos cadere non leuem falsitatis suspicionem, quibus vnicum studium est Iesum crucifixum suis spoliare insignibus, ne Christus & redemptor appareat. Quod quàm faciant strenuè cum Iudæis isti præclari Euangelici, liquidis aliquot nunc exemplis sufficiat demonstratum.

Nihil iam dicam, quot & quàm variis doctrinæ capitibus Euangelici Iudaicis, Mahumetanis, Caballisticis consentiunt dogmatibus, fidei Christianæ hæcenus ignotis; quæ longo Catalogo dudum in dialogis, quibus Dubitantij titulus est, recensuimus: vnum hoc pios omnes hîc vt considerent suam per salutem rogo atq; obsecro, quod D. August. docet lib. 18. cap. 36. de Ciuit. Dei: vnde liqueat an Catholici, an potius Euangelici Iudaicam sequantur Synagoga? & vtri diuinâ Scripturam in Iudaicum Talmud cōmutarint? De libris Machabæorum ingens orta est hac tempestate quæstio an sint Christianis hominibus Canonici habendi; nec ne. Catholici eos, vti & reliquos omnes, retinemus Canonicos: Euangelici eos de Canone cum aliis aliquot abiiciunt, id est Scripturam diuinam esse

Euangelici varia Iudæorum & Mahumetanorū dogmata suis Euangelij titulo venditāt quæ vide ad dialogos Dubitantij lib. 1.

Inuista demonstratio Euangelicos Iudaicam sequi Synagogā: cuius Canonem scripturarum exsecratur, (preto Christianæ Ec. Canone.

Euangelicos no-  
stros D. Augu-  
stinus pronun-  
ciat iudaizare,  
dum libros Ma-  
chabæorum de  
sacrarum Scri-  
pturarum reii-  
ciunt Canone.

negant. Sed vtri cum Iudæis & sentiunt & faciunt, iudicet D. Augustinus, si modò eum iudicè admittunt: Libros Machabæorum, inquiens lib. de Ciuit. Dei 18. cap. 36. non Iudæi, sed Ecclesia pro Canonicis habet. Quid autem illa Apostolica his de libris censuerit Ecclesia, vnus plurimorum instar liquidissimò testetur D. Egesippus Apostolicorum temporum, vti ait D. Hieron. vicinus, Machabæorum res gestas, inquit præfat. historix suæ Ierosolymitanæ, Propheticus sermo paucis absoluit. Hos igitur diuinos libros Catholici reuerenter admodum pro diuina suscipimus atq; obtinemus scriptura cum viro illo Apostolicæ Ec. discipulo: quos Euāgelici isti, si Christo placet, pro humana habent doctrina, & de Canone adeò reiciunt cum Iudaica Synagoga.

CAP. VIII.  
Catholicos con-  
tumeliose non  
spernere Scri-  
pturam, sed  
reuerenter ad-  
modum habere.

H A C vna ex re, vt alia plurima breuitatis causa silētio prætereamus, liquet quantæ sit vanitatis plenissimum, quod scribunt lepidi illi Cōfessionistarum patroni, in nos per inuidiam deriuantes flagitium, quod ipsi reuera manifesto cum sacrilegio designarunt. Eodem modo (inquiētes) & Papistæ cū S. Biblia velut literam mortuam & ambiguā contumeliosè spreuissent, & cæt. Catholici enim summa, vti par fuit, reuerentia, congruoq; suscipimus, veneramur, obtinemus honore diuinam, sacrosanctam Scripturam, totā, illibatam, nulla parte accisam, decurtatam, aut mutilatam. Non eam contumeliosè, velut literam mortuam & ambiguam, spreuimus: cū eā, aucthore D. Petro, velut lucernam loco caliginoso lucentem admiramur; eam cū Dauide ceu pedibus nostris in viā pacis dirigendis lucernā exosculamur; eam cū D. Stephano verba vitæ cōtinentem pij veneramur, colimus, ac tantū non adoramus.

2. Petr. vlt.  
Psal. 118.

Act. 7.

Calum.

Scripturam esse  
obscuram D. Pe-  
tri testimonio  
tuentur Catho-  
lici: quod & Eu-  
angelicorū suf-  
fragiis demon-  
stratur.

Bullingerus.

Non enim eam aut literam mortuam, aut ambiguam contumeliosè appellamus, (nam mera isthæc est aduersariorū calumnia, inuidiosè in Catholicos conficta) sed propter eius obscuritatem, intelligendiq; difficultatem D. Petri verbis contestatam docemus, plurimis in locis eam non omnibus perspicuam tradere sententiam; quod vel aduersarij adeò ipsi inficiari non possunt, vt disertè scribat Bullingerus præfat. Bibliorum Tigurinorum, Ezechielem mysteria Ecclesiæ inuolucro quodam inuoluta proponere. Rursus Iohannem Apostolum ait in Apocalypsi prophetico dicendi genere pingere, quæ sibi  
Domi-



Dominus reuelarat fata (si prophanis eius verbis vti liceat) Ecclesie, & quæ ei vsque ad finem sæculi sint obuentura. huic & Calvinus suffragatur, qui de Apocalypsi sententiam rogatus, Caluini responsum de Apocalypsi. ingenuè respondit (teste Iohan. Bodino) se penitus ignorare quid velit tam obscurus scriptor. Quòd si tam sunt aperta, Methodo historiarum cap. 7. omnibusque manifestæ S. literæ, vt præ se ferunt isti Confessionistarum defensores, quur quæso vester Lutherus Apocalypsin M. Lutherus. negat aut Apostolicam, aut propheticam, quòd humana, inquit, intelligentia illam non assequatur? Istud quidem nos ingenuè cum D. Dionysio Alexandrino viro modestissimo simul & sanctissimo agnoscimus, neque de illis S. Apocalypseos my- Dion. Alexandrinus apud Euseb. 7. cap. 15. steriis nostro intellectu inquitimus & iudicamus: sed fide potius acquiescentes sublimiora illa, quàm quæ à nobis intelligantur, putamus. Neque propterea certè fuit à Canone reicienda, quia obscura est, omniumque fatigat & exercet ingenia. Nam hac ratione totum, mox euertas Scripturarum Canonem, & in nudum conuertas nomen.

An non illud D. Petri de Paulinis Epistolis elogiū & vester Lutherus reddidit, Quædā sunt *δυσ νόητα* schwer zu verstehen, intellectu difficilia? An non similiter Castellio, Tigurini, & Beza?

An verò quisquā negarit esse plurima plerisque in S. Scripturis incognita & occulta? Certè diuinus ille mysteriorum Christi peritissimus David sic sibi quidē gratulatur, τὰ ἀδύατα, inquit Psalmo 50. κρυφία τῆ σοφίας σου. Ignota & occulta sapiētiæ tuæ manifestasti mihi: meritò id sibi gratulatur Propheta, quia nō omnibus omnia aperit Deus Scripturæ mysteria. Hinc tanta sedulitate orat, Reuela oculos meos, & considerabo mirabilia de lege tua: ne abscondas à me mandata tua: da mihi intellectum & scrutabor legem tuam. Quo Dei beneficio quī donatus est, rectè exclamat, Declaratio sermonum tuorum illuminat, & intellectum dat paruulis! Non ergo mox vt quis fide in Christum est præditus, donum etiam accipis Scripturas intelligendi, siue interpretandi, quod prophetiæ charismate donatur: sed plerisque nostrum cum Corinthiorum plebe negatur: his verò Paulus, etsi ita omni gratia spiritali locupletatos dixisset, vt nihil deesset; tamen non potuit loqui quasi spiritalibus, sed quasi carnalibus, tanquam paruulis in Christo. Vnde

Non cuilibet si deliū datur donū prophetiæ, aut scripturas intelligendi siue explanandi. 1. Cor. 12. Corinthiorū plerique paruuli in Christo.

Hebr. 1.  
Non omniſ eſt  
ſolidus cibus:  
ſed plerique la-  
cte eſt opus.

Lacte Paulino  
ſive Catechiſ-  
mo eſſe plerique;  
opus nunc tem-  
poris, ne in ani-  
mę incidat mör-  
bos, ex ſolido ci-  
bo, intempeſti-  
ue vorato, ſive  
intemperanter  
deglutito.  
Prouerb. 25.

Ex myſteriorũ  
fidei imperitia  
& ingenij faſtu  
tãtus eſt hodie  
tertatorum &  
hæreticorũ nu-  
merus.

de lac eis potum dedit, non eſcam, aut ſolidum cibum: cuius non quilibet eſt particeps. Quidam enim cum Hebræis ita ſunt ſuis aut moribus hebetati aut vitiis præpediti, vt eis vel poſt longam in Chriſtiana religione conuerſationem, lacte ſit opus, non ſolido cibo. Qui autẽ lactis eſt particeps, (teſte Paulo) expers eſt ſermonis iuſtitiz. nam paruulus eſt in Chriſto. perfectorum autem demum eſt ſolidus cibus, eorum qui propter conſuetudinem exercitatos habent ſenſus, mentisq̃ iudicium ad diſcretionem boni & mali. Quod igitur humanis corporibus ex cibi ſolidi indigeſtione ſolet accidere, hoc & in anima ex doctrinæ ſpiritalis ſenſu nõ ritẽ percepto videmus vſu venire. Vt enim puerorum ſtomacho cibus ſolidis ac præduris obruto morbi generantur graues & periculofĩ, ac nonnunquam ſontici: ita paruuli in Chriſto ſi omiſſo illo doctrinæ genere Catechiſtico, quod lactis nomine D. Paulus notauit, yti ad Hebræos, cap. 5. declarat; mox ſeſe abripiant ad ſolidum cibum vorandum, id eſt myſteria illa ardua atque aporrheta perſcrutanda & diiudicanda, in animi cadunt deliria, morboſq̃ue animorum plerumque incurabiles. Verẽ namque iuxta prophetiã miſeris illis vſu venit, Qui ſcrutator eſt maięſtatis, opprimetur à gloria. Vnde nam obſecro quis obortas dixerit tantas paſſim plebeculæ Chriſtianæ vna de Chriſti fide diſputationes, diſſenſiones, factiones? Quas ſi quis annumerare tentarit, tot deprehendet ſententias, quot ferẽ capita: plauſibili enim pſeudo-prophetarum doctrina ad temerariã diuinarum ſcripturarum lectionem inuitati, quod nihil habet obſcurum, nihil difficile; Apoſtolos piſcatores & textores tã fuiſſe rudes, quàm ipſi ſint; Deum nunc tam poſſe imperitos docere, ſuoq̃ ſpiritu donare, quàm olim, totos ſeſe legendis ſacris libris, ſuoque pro ingenio ſatis nondum ad Pauli monita exercitato intelligendis tradunt. Vnde miro animi faſtu excæcati, omnes præ ſe contemnunt naſutuli, nullũ alium ferunt S. ſcripturarũ intellectum, quàm ſuis à magiſtris hauſtum. Sed quid mirum iſtos miſcellos opprimi à gloria, qui illotis, quod dicitur, pedibus, ſive, vt D. Paulus loquitur, nõdum exercitatos conſuetudine habentes ſenſus, mentemq̃ ſpiritu diſcretionis præditam, diuina perſcrutari audent myſteria, humanoq̃ue iudicio ineffabilia Chriſtianæ religionis pertractare Sacramenta? Paſſim

sim enim tunicatus popellus diuinum incarnationis Christi, aut S. Eucharistiæ inuestigat mysterium. Non desunt qui omnipotentiam Dei suo examinare audent ingeniolo. Sunt qui Christo certum in cælo empyreo metiuntur locum: tanquam cælestis regionis constituti essent designatores: & vt omnes insanix meras semel transilient, inueniuntur qui ipsas sacrosanctæ Trinitatis personas Arrhiana siue Macedoniana distinguere audent impietate. Quam vbi diaboli fraude animo suo persuaferint, scripturas legunt, testimonia suo quisq; cõgruentia somnio quærunt, detorquent, inueniunt. qua opinione animus sui amore cæcus semel imbutus, pro verbo Dei iactat, quod ab eo est alienissimum. Qui fanè error inde oboritur, quodd lactis adhuc particeps ante tempus solidum vorare voluit cibum, qui non est, ait Paulus, omnium, sed perfectorum. Vnde suis Apostolis haud frustra Christus post biennij Catechesim, Vobis datũ est nosse mysterium regni, cæteris autẽ in parabolis omnia fiunt. An quod suo sæculo Christus proficitur plerisque contingere, negabimus nostri temporis hominibus euenire? Quibusdã enim datur spiritus prophetiæ ad Eccl̃asticam ædificationem, non omnibus; nam non omnes sunt doctores, non omnes propheta, nõ omnes interpretes. His ergo scripturarum obscuritas est per alios explananda: quemadmodum aliquot PP. testimoniis est demonstrandum. D. Ambrosius in illum D. Pauli locum Timothei. 3. Deus vult omnes saluos fieri; obscuritatem loci nõ dissimulans rogat, ecquid ergo non fiat Dei voluntas in omnibus, cum sit omnipotens? respondet: Sed in omni (inquit) locutione sensus est, conditio latet. Vnde dicit Petrus Apostolus, omnis Scriptura indiget interpretatione. Hinc & Christus sua in Ecclesia quosdam doctores, quosdam interpretes donauit. Certè quod Dauid sibi gratulatur singulari Dei Optim. beneficio contigisse, Incerta siue ignota, inquit, & occulta sapientiæ tuæ manifestasti mihi: equidem omnibus Christianis ingenuè agnoscendum esse arbitror, quotquot suæ humilitatis memores profitentur se Christi discipulos, quibus non quidem omnibus, sed paruulis reuelare pater dignatur, sicuti & sapientibus recondere. Vnde Christus rectè Iudæos monet, Scrutamini Scripturas, qua voce *πρὸς ἑσπεύετε* inueniendæ sententiæ difficultatem ostendit. Et si enim lectori-

Lucæ 14.  
Non omnibus  
fidelibus datũ  
est nosse myste-  
ria regni.  
Ephes. 4.

Scripturæ quia  
obscuræ, indi-  
gent interpre-  
tatione.  
Ambrosius in  
epist. ad Timot.

Scrutandas esse  
scripturas, mo-  
net Christus do-  
ctos, nõ quosuis  
passim plebeos.

bus testimonium de ipso præberent, vti & in hunc vsq; diem: tamen Iudæi dolendum in modum hallucinâtes aliter eas intelligebant. Quod ergo Iudæis de prophetia siue Moyſis, siue Danielis vsu venit; vt eam de Christo loquentem non intelligerent, an non & hodie quibuldam Christianis simili pertinacia Iudaica laborâtes euenire sit consentaneum? Certè hoc de Sacramentarijs, alijsq; affirmant Confessionistæ: quemadmodum de illis, omnibusq; ad vnum alijs peregrinam doctrinam Christianis auribus contra scripturas rectè intellectas inuehentibus, Catholica censet Ecclesia, depositi illius Apostolici custos fidissima, simul et magistra. Nam depositum ab Apostolis D. Timotheo alijsq; commendatum; vti Cle. Alexandrinus ait lib. 6. Stromat. fol. 218. est cõueniens domini doctrinæ per piam Apostolorum traditionem præscriptæ intelligentiæ & exercitatio; neq; enim prophetia, neque ipse Saluator aded crasse & generaliter elocutus est diuina mysteria, vt ea facile capi possent ab quibulibet, sed disseruit in parabolis, & infra. Cæterum recta sunt omnia coram iis qui intelligunt, id est, qui ab ipso declaratam scripturarum expositionem ex Ecclesiastica regula accipientes conseruant. Regula autem Ecclesiastica est concentus & consensus legis & prophetarum conuenienter testamento, quod traditur per Domini aduentum.

Rursus, Propter multas ergo causas occultant Scripturæ sententiam; primum quidem vt diligenter inquiramus, & semper vigilemus in inueniendis salutaribus orationibus, propterea ne omnibus quidem conueniebat intelligere, ne læderentur, aliter accipientes ea, quàm à Spiritu sancto dicta sunt salutariter. In eundem sensum scribit D. Basilius: In oraculis Spiritus, inquit epistola 76. ad Neocæsar. non cuiuis licet contingere eorum, quæ dicta sunt, examinationem, sed ei qui spiritum habet discretionis, quæadmodum nos Paulus docuit. Similiter cap. 27. lib. de Spiritu sancto. Silentij autem species est obscuritas, ἡ ἀσαφὴς incertum, dubium, & abditum, quo vitur diuina scriptura, ita dogmatum sententiam cõstruens, vt ægrè possis assequi, siue, vti habet Basilius, *δογματῶν κατὰ κρυφαῖα τῶν δογμάτων τῶν ἱερῶν*, dogmatum sensum exhibens occultatū atq; contuitu difficile. Rursus obiecta sibi de scripturarum contrarietate quæstioni respõsurus: Cæterū de his, inquit libro 2. *ἀντὶ τοῦ*

Depositus Apostolorum quid.

Ex Cle. Alexandrino cur Scripturæ obscuræ.

Scripturas esse intelligendas ex Regula Ecclesiastica.

Scripturæ suam occultat sententiam, & quare.

Non omnibus conuenit intelligere prophetias.

Ex D. Basilio de Scripturarū obscuritate.

ἡ ἀσαφὴς & obscuritas est silentij loco in Scripturis.

de bap-



de baptis. quæstio. 4. quæ videntur contrarietatem aliquam habere, melius est seipsum condemnare, velut qui nondum peruenit ad considerationem diuitiarum sapientiæ, & quod difficile est & graue, imperscrutabilia Dei assequi; quàm obnoxii fieri iudicio audaciæ, temeritatique ac pertinaciæ; & audire, Impius, qui dicit Regi, Inique facis. Et post quædā, Imitemur Apostolos de interpretatione eorum, quæ ab ipso dicta sunt ex his, quæ in alio loco dicta sunt, veritatem ac salutare discamus. Sic & ser. de fidei Confessione, vbi declarasset Scripturas diuinam maiestatem sermone incompræhensibilem ac mente imperceptibilem per res varias nostro in vsu versantes vix his, qui puro sunt corde, velut per speculum insinuasse, addidit: Confirmant hoc etiam DD. Petri & Iohannes discipuli, qui sanè postquàm digni visi sunt electione à Domino, conuersatione cum ipso, Apostolatu ab ipso spiritali donorum distributione; postquàm audierunt: Vobis datum est nosse mysteria regni cælorum, post talè cognitionem eorum, quæ aliis arcana erant: tamen postea circa ipsam Domini passionem audiunt; Adhuc multa habeo vobis dicere, sed non potestis portare modò. Ex his & talibus discimus, quòd in tantum nouit diuina scriptura cognitionis infinitatem, in tantum item in humana natura assequendi in præsentī diuina mysteria impotentiam: quū semper amplius quid per profectum accedat, & semper id quod pro dignitate est, omnibus desit, donec venerit quod perfectū est, quando id quod ex parte est, abolebitur. Rectè autem D. Irenæus lib. 4. cap. 43. Christum Dominum vocat thesaurum absconditum in agro, id est in scripturis. vnde dicitur: Signa sermones, & signa librum vsque ad tempus consummationis, quoadusq; discant multi, & adimpleatur agnitio: omnis enim prophetia priusquam habeat efficaciam (siue euidentiam) enigmata & ambiguitas sunt omnibus. Quo autem pacto certa & liquida prophetiarum accipienda sit Christianis interpretatio, post pauca subtexuit D. Irenæus. Quapropter eis qui in Ecclesia sunt (inquit eodē cap). Presbyteris obaudire oportet, his qui successionem habent ab Apostolis, sicut ostendimus, qui cum Episcopatus successionē charisma veritatis certū secundum placitum Patris acceperunt. Consulto igitur illa Ecclesiæ Christi columina, DD. Basilius & Gregor. Nazianzenus in locum

D. Irenæo Scriptura est enigmatica, siue signata & clausa.

Certe Scripturarum interpretatio est à presbyteris Catholicis petenda.

in locum secretiss. digressi per annos totos 13. in sacrarum literarum studia incubuerunt toti, earum intelligentiam non ex propria præsumptione, inquit Ruffinus lib. 2. cap. 9. sed ex maiorū scriptis & auctoritate esse sequutos; quos & ipsos ex Apostolica successione intelligendi regulam suscepisse constabat.

Ex D. Augustini sententia sacris Scripturis obscuritas inest tum ex verbis, tum ex rebus ipsis intelligentia.

In hanc sententiam scribit D. Augustinus, sacræ Scripturæ obscuritatem simul & difficultatem ingenuè professus: Tanta est Christianarum profunditas literarum, inquit epistola 3. ad Volusianum, ut in eis quotidie proficere, si eas solas ab ineunte pueritia vsque ad decrepitam senectutem maximo ocio, summo studio, meliore ingenio conarer addiscere: non quo ad ea quæ necessaria sunt salutis, tanta in eis perueniatur difficultate: sed cum quisque ibi fidem tenuerit, sine qua piè recteque non uiuitur, tam multa, tamque multiplicibus mysteriorum umbraculis opaca intelligenda proficientibus restant; tantaque non solum in verbis, quibus ista dicta sunt, verum etiam in rebus, quæ intelligendæ sunt, latet altitudo sapiētiae, ut annosissimis, acutissimis, flagrantissimisq; cupiditate discēdi hoc contingat, quod eadē scriptura quodam loco habet, Cū consummauerit homo, tunc incipit. Sic alibi, Mira est profunditas eloquiorum tuorum (inquit lib. Confess. 12. cap. 14.) horror est intendere in eam, horror honoris & tremor amoris. Cæterum si scripturæ tam sunt manifestæ fidelibus omnibus Christi discipulis, quemadmodum plerique nunc philautia fascinati persuasum sibi habent; ecquid suos illos toto iam triennio diuinis suis sermonibus catechizatos Dominus Danielis prophetiam proponens admonet, Qui legit (inquiens) intelligat: quod an meritò diuina sapientia suos admonuerit, suo exemplo miselli nobis testantur Iudæi, loci illius mysteria nondum capientes. quod an non & plerisque Christianorum usu veniat, pro se quisque iudicet: certè uti D. Hieron. templi prophetici explanationem ingressurus ingenuè suam profiteri non dubitauit imperitiā, ignoratumque sibi illius sensum; ita & hīc, & alibi equidem mihi conscio ad secretiores diuitiarum cælestis sapientiae thesauros me nondum penetrasse. Et si enim de impleta illa tum arboris tyrannicæ siue monarchicæ, tum Ierosolimitani templi instauratione atque demolitione diuino Danielis oraculo prædicta, nihil prorsus ambigo: plurima sunt tamen

Matth. 13.  
Christus Scripturam docet obscuritatem, exemplo Danielis allato.

Commentar. in Ezech. cap. 39. & 40.

Arbor illa tyrannica siue monarchica apud Danielē quid sibi velit.

tamen, quæ densissimas illius loci permagno licet studio illustrati, variæque vet. PP. atque historicorum lectione examinati tenebras mihi nondum omnes depellant.

Ad prophetiarum enim illarum medullam penitus hauriendam, ubi animus subinde gestit, equidem re ipsa mihi vsu venire expior, quod D. Hiero. sibi adolescentulo: Dum Romæ puer liberalibus studiis erudirer (inquit Cōment. Ezech. cap. 40.) solebam cum cæteris eiusdem ætatis & propositi diebus Dominicis sepulchra Apostolorum & martyrum circuire, crebròque cryptas ingredi, quæ in terrarum profunda defossæ ex utraque parte ingredientium per parietes habent corpora sepulchrorum, & ita obscuræ sunt, ut propemodum illud propheticum compleatur, Descendūt in infernum viuentes: & rarò desuper lumē admissum horrorem temperet tenebrarum, ut non tam fenestram, quàm foramen dimissi luminis putes. Rursumque pedetentim acceditur, & cæca nocte circumtatis illud Virgilianum præponitur, Horror ubiq; animos, simul ipsa silentia terrēt. Hoc mihi dictum sit, ut prudens lector intelligat, quam habeā sententiam super explanatione templi Dei in Ezechiel de quo scriptum est, Nubes & caligo sub pedibus eius: & rursum, Tenebræ latibulū eius. vnde & Moyses nubem ingressus & caliginem, ut posset Domini mysteria contemplari, quæ populus deorsum manens videre non poterat: denique vultum Moysei vulgus ignobile caligantibus oculis non videbat, quia glorificata siue cornuta erat eius facies: Ita & mihi legenti descriptionem templi mystici accidit, vbicunque oculus cordis aperitur, & me aliquid videre existimaui, & tenere sponsum, & gaudens dixero, Inueni quem quesivit anima mea, tenebo eum & non dimittam eum: rursum me deserit sermo diuinus, fugitque sponsus manibus, & clauduntur oculi cæcitæ, ita ut cogar dicere: O profundum diuitiarum sapientiæ & scientiæ Dei: quàm inscrutabilia sunt iudicia eius, & inuestigabiles viæ eius! Nam si Danieli ab Angelo doctore dicitur, Diligenter attende ut audias & intelligas, quod vides, uti idem ait Hieron. Com. Dan. cap. 2. quid nos facere oportet, quorum oculi ignorantia tenebris & caligine vitiorum obæcati sunt? Quare Paulinum suum dum ad S. literarum studium hortatur: Qui edere vult nucleum, inquit,

F

nucem

Elegantissimis  
collationibus  
D. Hiero. Scri-  
pturarū expres-  
sit obscuritatē  
& intelligendi  
difficultatem.

nucē frangat. Reuela oculos meos, clamat Dauid, & cōsidera-  
 bo mirabilia de lege tua. Si tātus Propheta tenebras ignorātiæ  
 cōfiteatur, qua nos putas paruulos & penē lactentes incitiæ no-  
 cte circūdari? Hoc autē velamē nō solū in facie Moyſi, sed e-  
 tiā in Euangelistis & Apostolis positū est. Quod si tanta igitur  
 est diuinarū scripturarū difficultas, obscuritas, & vti ait D. Ba.  
 ἀσαφεία & δυσθεωρητόν, siue, vt Petrus testatur, *δυσνόητον*, intelli-  
 gēdi atq; assequēdi difficultas, vt ipsa Dei sapiētia Christus Do-  
 minus noster suos Apostolos vel per trienniū suis rudimentis  
 catechizatos admonuerit de attētiōe & assequendi studio:  
 quēnā obsecro est temeritas, quē audacia istorū Euangelicorū,  
 negare scripturas esse obscuras, omnibusq; iactare esse cognitu  
 faciles, nulloq; negotio perspicuas? Sed hæc cōpēdiōsissima est  
 ratio, plurimos à perspicua fidei veritate ad nebulosas falsi do-  
 gmatismis seducere caligines, dū suas blasphemias in verbo Dei,  
 aut nō intellecto, aut temeraria falsa; sentētia deprauato, im-  
 peritis suæ quisq; factionis persuadēt luculēter extare: quibus  
 nouē gratēq; doctrinæ fascino cōstrictis, nō iam sua, sed Dei ver-  
 ba sonare vidētur. Verū hāc Sathanæ fraudē plurimis, heu do-  
 lor, exitiale, vt electus Dei populus aliquando videat cautusq;  
 fugiat, Deus faxit propitius. Nā scripturæ difficultatē pro suo  
 quisq; dogmate callidus extenuat, cuius intelligentiam absq;  
 Dei gratia & doctrina maiorū (ait Hiero. Com. in Dan. ca. 11.)  
 sibi imperitissimi vel maximē vēdicāt. Proinde etsi Catholici  
 venerandam PP. orthodoxorū antiquitatē, immo plana verbi  
 Dei testimonia sequuti docemus scripturas esse obscuras atq;  
 intellectu difficiles, neq; omnibus cognitu faciles: nō tamē eas  
 vt literā mortuā, & ambiguā cōtumeliosē spreuimus, quod no-  
 bis delecti isti Cōfessionistarū patroni exprobrare nō verētur.  
 Quare nūc paucis de illo dicēdum venit; an scriptura rectē vo-  
 cetur litera mortua, nec ne. Nam & legi noui Testamēti suam  
 quandā esse literā, & eam quoq; quibusdā mortuam, sicuti &  
 veteri legi Mosāicę, apertius est ex re ipsa, & clara Vet. PP. Am-  
 broſ. Hiero. August. aliorūq; doctrina solidis scripturarū testi-  
 moniis nixa, quā vt vel semitheologus quispiā ignorare pos-  
 sit. Sed rudiorū causa, vnū ex D. August. adferemus locum. Sic  
 enim habet libr. de spiritu & lit. cap. 17. Lex ergo Dei (inquit)  
 est charitas, huic prudentia carnis non est subiecta, neq; enim  
 potest:

An Scriptura sit  
 litera mortua.



potest: sed ad hanc prudentiā carnis terrendā, cū in tabulis scribantur opera charitatis, lex est operū, & litera occidēs prauaricatorem: Cū autē ipsa charitas diffunditur in corde credentiū, lex est fidei, & spiritus viuificans dilectore. Hęc ergo charitas siue in veteri testamēto, siue nouo, tabulis inscribatur lapideis aut papyraceis; litera est occidēs, donec à spiritu cordibus credētiū inscribatur. Hoc certē illud est, quod dudū ex D. Hic. epistola ad studiū Theologicū exhortatoria & pręparatoria cōmemorauimus, hoc velamen nō solum in facie Moyši, inquit ad Palinū; sed etiam in Euangelistis & Apostolis positum est.

QVOD porrō subtexūt illi Confessionistarum propugnatores, in eius (S. scripturę) locum traditiones humanas inuexerunt (Catholici) quas fidei Christianę fundamentum certissimum, & normam iudicij de doctrina vocarūt, manifestissima est calumnia. Nos enim, quotquot censemur Catholici, iuxta Con. Trident. decretum, sacrosanctā Scripturam, velut diuino ore dictatam, Spiritusq; sancti afflatu cōscriptam, religiose admodū veneramur, colimus, adoramus; nec nō traditiones tam fidei, quā morū, Christi spiritu per Apostolos cōtinua successione in Ecclesia cōseruatas pari pietatis affectu ac reuerentia suscipimus. Hanc de scriptura confessionē, cū tam disertē Synodus Tridētina profiteatur fidei suę fundamentū, illiberaliter admodū agunt isti minimē ingenui Confessionistarū delecti defensores, q; Catholicos accusare etiānum audeant, q; in locum S. scripturę traditiones humanas inuexerūt. Qui enim scripturę primū tribuūt auctoritatis diuinę locū, ei Apostolicas subdētes traditiones, quonā obsecro pacto cēseri, nedū accusari, nisi calūniosē aut veriūs sycophanticē queāt, in locū diuinę scripturę humanas inuexisse traditiones? Cēterū humanas illas traditiones à Cōfessionistis obiectas, nullas hīc agnoscimus: sed Apostolorū filij D. Paulū sequuti magistrū suscipimus quidquid ab Apostolis, eorumū discipulis per Christi spiritum nobis in Ecclesia est continua successione traditum, siue per epistolam scripto relictum, siue per sermonem, id est, viuę vocis oraculo, viuīs credentium cordibus olim per Apostolos inscriptum, non in perituras etiam literas relatum.

State, inquit Paulus suis Theſsalon. atque in eorum persona nobis quoque; & tenete traditiones, quas accepistis siue per

Lex dilectionis  
in tabulis scri-  
pta est litera oc-  
cidens.

CAP. IX.  
Calumnia refu-  
tatur, quod in  
locū S. scriptu-  
rarum Catholi-  
ci humanas in-  
uexerint tradi-  
tiones, quas fi-  
dei faciant fun-  
damentum.

Disertis verbis  
refutantur Con-  
fessionistę à Cō-  
cilio Tridētino,  
quod fidei fun-  
damentum fa-  
cit S. Scripturā.

2. Theſsalon. 2.

Traditiones hu-  
manas non esse  
à Catholicis in  
locum Scriptu-  
rarum inuectas.

„ epistolam siue per sermonē. Has traditiones ergo à D. Paulo  
„ Christianis ad vnum omnibus Dei spiritu præscriptas nos Ca-  
tholici religiosè ac piè cum suscipimus, tum obtinemus. Nul-  
las verò humanas sic agnoscimus aut veneramur traditiones,  
„ vt eas in locum S. scripturæ admittamus, nedum inuehamus,  
„ quemadmodum nos Catholicos Confessionistarum patroni  
„ calumniantur. Verè enim cum D. Hilario & nos profitemur,  
„ humanis traditionibus nō esse locū in rebus diuinis, propter-  
„ eà quòd sint hominum, non Dei plantatio. Hac enim in cau-  
„ sa, vbi de fidei Christianæ fundamento agitur, nullam agnos-  
cimus, nedum suscipimus traditionem humanam: sed tantum  
diuinam, quæ ab ipsis vsque Christianismi incunabulis toti Ec-  
clesiæ Catholicæ matri nostræ dulciss. Apostolorum ore est  
tradita, & tanquam æternæ salutis depositum assignata, siue  
potius legata. Ea autem est ipsa Euangelicæ veritatis & Chri-  
stianæ religionis doctrina, quam Catholicus Christi populus  
toto orbe cōcorditer in vna fidei Euangelicæ Confessione di-  
spersus viuis Apostolorum oraculis didicit, profitemur, propa-  
gavit, obtinet, æternumque obtinebit. Si igitur ab heterodi-  
dascalis, heterodoxis, Antichristis, siue, vti hodie cum D. Pau-  
lo appellantur, hæreticis, aliqua doctrinæ Euangelicæ, aut reli-  
gionis Christianæ pars in controuersiam nefariè abripiatur; li-  
ber aliquis de Canone sacrilegè proiiciatur; Capitulū aliquod  
siue Scripturæ aliqua pericope aliter intelligenda peruicaci-  
ter siue pertinaciter contendatur: hīc sanè Catholicis, sicuti &  
ipsis hæreticis de aliorum librorum sacrorum auctoritate ve-  
xatis, ad traditiones est confugiendum: non illas quidem hu-  
manas, vtī confingunt Cōfessionistæ, sed diuinās, quia Aposto-  
licas, & è Christi spirītū indubitanter ortas atque prognatas.

Ad traditiones  
nō scriptas con-  
fugiendi eadem  
est Euangelicis  
necessitas, quæ  
Catholicis.

Fides ex Scriptu-  
ris quidem est  
concepta iis que  
eius fundamēto  
nititur: illas ta-  
men indubitata  
Ecclesiæ traditio  
fulcit quæ testa-  
tur esse diuinat.

Non enim humanæ appellandæ sunt, quæ nobis ex diuini  
spiritus testimonio disertis Apostolorum vocibus nixè tradūt  
Euangelium D. Matthæi, aut Iohannis esse Canonicum: Epi-  
stolas D. Petri, aut D. Pauli esse Canonicas. hīc enim humanis  
traditionibus non est locus: sed cum istud Catholicis cōteste-  
tur diuinus Christi spiritus, eandem traditionem non minùs  
asserimus esse Apostolicam, immo diuinam, quàm sunt ipsæ  
SS. Apostolorum epistolæ, aut sacrosancta 4. Euangelistarum  
Euangelia. Nituntur quidem Sacræ literæ hac Ecclesiæ Chri-  
sti tra-

ſi traditione, quæ eſt veluti publicum quoddam diuini oraculi teſtimonium: ſed non ita ab eo pendent illæ, vt propterea non ſint futuræ diuinæ; ſi eo ad tempus quoddam deſtituantur. Tamen in iis explicandis, ſuoque vero atque germano ſenſu exponendis tutò citraque errorem verſari non poſſumus, niſi & traditioni Eccleſiaſtica, hoc eſt, à Chriſto aut Apoſtoliſ olim relictæ congruenter accipiamus. fulciunt itaque & quoddam ſuo modo ſuſtinent Scripturam, ſuoque genuino reddunt ſenſui iſtæ traditiones Eccleſiaſtica: ſed fidei fundamentum ipſa diuina eſt Scriptura ad noſtram procurandam ſalutem, ignorantiamue erudiendam diuinitus præſcripta. Siquidem fides, vt Auguſti. docet, ex ſcripturis eſt concepta: quæ vbi ad has intelligendas adhibetur, genuina eſt, propria eſt, vera eſt demum ipſarum intelligentia. Alioqui enim, ſi aliunde inuehitur, ſi aliena affingitur, ſi peregrina inducitur, verum non parit Scripturarum ſenſum, ſed adulterinum & falſum, vereque hæreticum: quod ſuo exemplo, cum præſci omnes heretici manifeſtiſſimè declarant, cum noſtræ iſtius tempeſtatis, qua vix vlla fuit, aut forte erit, niſi Antichriſti hora vltima, ſectarum perditionis feracior, aut errorum vberior, aut peſtium animi fecundior. Nihil enim ſartù tectum Catholica Dei relinquitur Eccleſiæ, quod non aliqua ab iſtis perfidiæ magiſtris cōuelatur, oppugnetur, diuexetur calumnia. Idque ea ſit audacia, & impudētia, quaſi non parētibus orti Chriſtianis, ſed in media eſſent educati Barbaria aut Turcicæ, Iudaicæ ue ſuperſtitionis fellitis vberibus enutriti. Quibus cū hominū generibus ecquid obſecro vtiliter agatur de vera Scripturarū ſentētia ex ipſis Sacrarū literarum verbis petenda? cū germanū Dei verbum Catholica Dei Eccleſiæ abhinc ſeculorum annorum plurimis traditum, conſtanterque ab omnibus habitum, & obtentum, quidam aut integris partibus mutilare, alij peruertere, alij denique de Græco & Hebræo, adeoque Mahumetano non vereantur deprauare, adulterare, falſare. Idem vſuuenit & antiquiſſimis ſacrorum ritibus, myſticisque religionis Chriſtianæ ſacramentis, quæ à Chriſto eiſque ſpiritu diuinæ ſunt adiuncta doctrinæ, pari que auctoritate obſeruanda & obtinēda iam olim tradita. ſine quibus vnquam religio non fuit exercita, ſicuti iuxta prophetarū oracula neceſſe fuit nouam religionem

Vera demū eſt Scripturarū intelligentia, ſi reſta & orthodoxa nitatur fide.

Ex peregrina & falſa Scripturarum intelligentia orta eſt iſta innumetabilū ſectarum diaboli ſectis.

Verè Antiochi  
sant & Iuliani,  
qui Apostolicas  
Ecclesiis tollere  
conantur tradi-  
tiones.

nouis peragi ritibus, legitimisq; ceremoniis. Quas cum Christus Apostolique viuo suæ vocis oraculo Ecclesiis tradiderint, vsuq; perpetuo præscripserint, non minus sanè fuerit irreligiosum, ne dicam impium, eas de medio tollere, q̃ sacrilegas manus sacris literis exurèdis cum Antiocho, Diocletiano, aut Iuliano adferre. Quod tanta veritatis luce equidem arbitror perfusum, vt aduersarij non Catholicorù, sed Domini & Christi, eiq; tam ingenti coniuratorù manu vbiq; grassantes ipsi nò possint inficiari. Negantibus enim phanaticis Swécfeldianis, aut aliis deliris, sacrarum scripturarum auctoritatem, non habent quod obiiciant, aut pro illarù regno còstituendo dicant, quàm eas esse Dei spiritu Ecclesiis traditas. Hác fidei regulam dum ipsi suis pro inuicto obiiciūt ariete aduersariis, sibi applaudètes canūt, Io triùphe. Vbi verò nos & illis & ipsis eundè opponimus, innumeris nos incessunt maledictis, quòd humanis nitamur traditionibus. Quod nunc de hac Scripturarù diximus traditione, locù etiam habet de piis Christianæ religionis ritibus & sacris ceremoniis; puta de Dominico die colèdo, de baptizandis etiam infantibus, eisdemq; exorcizandis, de cruce signandis, aliisque id genus variis ritibus; quos vnà nobiscù concorditer obtinere pergunt plerique omnes Confessionis Augustanæ professores.

Euangelici Catholicis inuidet, quo ipsi potiss. aduersus suos nituntur aduersarios Anabaptistas, aut Swécfeldianos, aut etiam Caluinistas.

CAP. X.  
Facile fore concordie còciliatione de traditionibus humanis, ob quas aut Confessionistæ se coactos Concilium Tridentinum reculare.

ISTIVS MODI autè ritus tam ad fidem instruedam, q̃ ad mores siue vitam Christianorù informandam, appellamus traditiones non scriptas; quas continua successione in Catholica Christi Ecclesia còseruatas Con. Tridenti. D. Pauli monita sequutù statuit pari pietatis affectu & reuerentia suscipièdas atque veneràdas. Quarù originem si aduersarij oculo nò inuido animoque candido perscrutari nò grauarentur, nullo negotio, què de traditionibus verbosior, q̃ difficilior Ecclesias vexat còtrouersia, còsopiatur. Criminantur enim Catholicos, quòd humanas in Ecclesiam inuexerūt traditiones: nos humanas negamus; diuinas, Apostolicas, Euágelicas affirmamus. Illi humanas obiicere plurimis cù maledictis, inexhaustisq; conuitiis exprobrare nò desinunt: nos tales pernegamus. In re igitur consensus est, humanas traditiones nò esse in Ecclesiam recipiendas, nullù eis locum esse debere; quas & nos ad eò execramur, vt Anathema dicere nò dubitemus, quisquis humanas in Ecclesia

Còsensus de traditionibus humanis in Ecclesia non obtinendis.



clesia Dei traditiones aut inuehendas dixerit, aut, si quæ longo forte vsu receptæ sunt, voluerit obtinendas. Hanc sententiã si illustrissimi Principes electores & illust. Imperij ordines probè haberent aut perspectam, aut persuasam, nõ sibi existimassent inter caussas recusati Con. Trident. (vti inquirunt fol. 271.) necessarias & vrgentes & hanc recensere; quòd tertio eius synodi confessu decretum factum fuit de traditionum (inquirunt fol. 273.) humanarum auctoritate, hoc videlicet, Præcepta & traditiones humana auctoritate constitutas, & consuetudine Ecclesiæ obseruatas non minore pietate & reuerentia seruare oportere, quàm quæ per spiritum S. tradita sunt à Prophetis & Apostolis in scripturis sanctis. Huc allegant Concilij Tridentini 3. Sess. verba, Sacrosanctum, & cæt. Synodus omnes libros tam veteris quàm noui Testamenti, nec non traditiones tum ad fidem, tum ad mores pertinentes tanquam vel oretenus à Christo, vel à Spiritu sancto dictatas, & continua successione in Ecclesia Catholica conseruatas pari pietatis affectu ac reuerentia suscipit & veneratur.

Cur Concilium  
Trident. recusa-  
rint protestantes,  
causa ostenditur  
falsa.

## RESPONSIO LINDANI.

Iudicet hic Lector candidus, quàm parum candidè præclari illi Principum Confessionis Augustanæ delecti defensores suum agant negotium. Tragicis vbique vocibus reboant, Catholicos humanas inuehere traditiones. In cuius probationem vbi ventum est, manifestissimæ ipsi sese conuincunt vanitatis: Præcepta & traditiones humana (inquiunt) auctoritate constitutas, decretum est in Concilio Tridentino, non minore pietate & reuerentia seruare oportere, quàm quæ per Spiritum sanctum sunt in Scripturis tradita. Atqui, boni viri, attendite, obsecro, attendite, quam cæco istic errore hallucinantes fallimini, aut certè fallere vultis. Verbum nullum est toto hoc Con. Trident. decreto, q. humanæ meminerit siue auctoritatis, siue traditionis. Quod enim generaliter dicitur de traditionibus, vos ad humanas detorquetis. Quod q̃ improba vos feceritis cum calumnia, pio Lectori vel ipsis ex verbis Decreti à vobis allegatis fiat luce clarius meridiana: quæ si dissimulassetis, aliquè imperitis fucum facere potuissetis: nunc tam est

Falsum affi-  
gunt Catholicis  
Confessionistæ,  
quod ex verbis  
Cœc. Tri. ab ipsis  
allegatis demon-  
stratur.

est perspicuū vos de lana, quod vulgò dicitur, rixari caprina, vt nulla sit opus prolixiore confutatione. nam disertè Con. Tridētini patres explicarunt, de quibus loquantur traditionibus pio affectu iustaque reuerentia omnibus Dei cultoribus suscipiendis. Synodus hæc legitimè congregata (inquit sess. 3.) Traditiones ( etiam præter scripturam vtriusq; Testa. ) tanquam vel ore tenus à Christo vel à Spiritu sancto dictatis pari pietatis affectu ac reuerētia suscipit & veneratur. Quis mortalium, obsecro, sui compos, aut illo, si non Saulis inuido, certè contentionis spiritu non raptatus, audeat asserere his verbis tam claris, tam perspicuis doceri præcepta humana, aut traditiones humanas esse piis aut recipiendas, aut obseruandas? Istud ne quis vel suspicari queat, palàm definitur, illas tantum traditiones à Concilij patribus pio affectu parique reuerentia susceptas, quæ vel ore tenus à Christo, aut eius spiritu sancto sunt dictatæ. Ac vt omnem semel isti calumniolosiss. sæculo (quo rabidum calumniæ regnum in primis, si vnquam alias, floret, atque tam in aulis, quàm in curiis; tam in foro, quàm in constricto imperium possidet.) S. Synodus adimeret calumniandi aut criminandi ansam, expressissimis verbis explanauit, vnde nam quis ad veritatem persuadeatur, quænam sint illæ traditiones aut Christi ore, aut eius Spiritu sancto dictatæ, quas vnà cū diuina Scriptura statuit suscipiendas, parique pietate cum illa venerandas. Subtexuit enim, Et continua successione in Ecclesia Catholica conseruatas. Si quæ ergo reperiantur traditiones aut obsoletæ, aut non Catholicè per orbem Christianum obseruatæ, non hunc merentur dignitatis gradum. Quod igitur fol. 274. aduersus tam manifestam veritatis lucem oggāniunt Apologetici, quàm cæca plenum est, Deus bone, calumniandi libidine! At Tridentinum hoc Concilium & Papatus vniuersus (inquiunt) contra hæc statuit & decernit, traditiones humanas & inueteratas in Ecclesia consuetudines pari auctoritate cum diuinis Prophetarum & Apostolorum scriptis ac præceptis censendas; nec modo illis æquiparari, sed etiam præferri oportere; interpretationem etiam & intelligentiam sacrorum librorum omnem, à consuetudine & communi opinione traditionum, seu (vt honestè plerumque nominare solent) à consensu Ecclesiæ perpetuò esse petendam. Multa hic grauiiter  
 flo

Quam accurate simul & caute omnis semel errandi aut calumniandi ansa de traditionibus sit in Con. Tridentino præcisa.

peccant apologetici. Quod nugantur de humanis traditionibus, aut præceptis, de diuinis (quia aut Christi ore, aut Spiritu sancto dictatæ sunt) accipiendum fuit. Illarum enim nulla est <sup>Calum</sup> in Conc. Tridentino mentio. Neq; calumniæ expers est quod <sup>”</sup> aiunt, Concilium Triden. & Catholicos omnes docere nõ modo <sup>”</sup> æquiparandam diuinis Scripturis, sed præferendam etiam interpretationem Scripturæ à communi sensu traditionum: quia hæc Scripturarũ intelligentia veritate subnixæ veræ pars est Scripturæ diuinæ, quæ citra suum germanum sensum non est Ecclesiis præscripta, quem omnis semper Dei Ecclesia ex perpetuo suorum maiorum consensu est perscrutata, inuictoque spiritu contra omnes hostium varij generis insidias tutata. Quod ergo Euangelicis Confessionem Augustanam professis vsuuenit contra alios syneuangelicos de S. Eucharistiæ veritate, de puerorum baptismo & exorcismo, & S. crucis signo, vt sola scripturarum panoplia armati istos phanaticos spiritus solidè nequeat refutare: idem Catholicis aduersus hos & illos euenire solet, vt & ad diuinas traditiones non quidem scripto comprehensas, sed ore Christi, aut Spiritu sancto dictatas & per Apostolos Ecclesiis depositi loco relictas confugiât, quò suam doctrinam verè Euangelicam custodiat saluam, seruet incolumem, tueatur inuiolatam. Quæ igitur delecti Confessionistarum defensores aduersus illud Conc. Trident. decretum ex scriptura vel Patribus adferunt, vltro corruere est necesse: cum non humanas, sed Apostolicas, immo diuinas traditiones pari reuerentia cum Scripturis statuatur suscipiendas, manifestam huius decreti impietatem (inquiunt fol. 272.) arguunt indubitata Scripturæ testimonia. Aedificati estis super fundamentum Apostolorum & Prophetarum. Atqui huic fundamento nixi D. Paulo fidem habemus præcipiendi, vt teneamus traditiones, quas accepimus ab Apostolis, siue per epistolas, inquit, siue per sermonem: quæ posteriores sanè aliæ sunt, quàm Apostolicis sunt epistolis commemoratæ.

Responso ad lo-  
ca Scriptura-  
rum contra tra-  
ditiones Ec-  
clesiæ.

Porro quod ex Esâ. 29. & Matth. 15. obiiciunt, Frustrâ me colunt docentes mandata & præcepta hominum, nihil aduersus decretum facit. sicuti nec quod ex Marci cap. 7. aut Colof. 2. nec ex Ezech. 20. adferunt, quia mandata hominũ, vt Paulus ait, mente corruptorum damnant istæ diuinæ voces: non

Responsio ad  
Patrum sententias.

Ex epist. ad Ian.

Traditiones ho-  
minum quales  
abolendæ apud  
Catholicos pas-  
sum inuenerat.

Origeniatq; Cy-  
priano mire cõ-  
sentiant Conci-  
l. Trident. Patres,  
qui Christũ e-  
iusq; spiritũ in  
Ecclesiã docent  
audiendum.

traditiones Patrum, qui à Christo aut eius spiritu eas dictatas posteris transmiserunt. Deinde his velitationibus defuncti Confessionistarum patroni ad testimonia Patrum transcur- runt: quæ non minùs huic impiæ opinioni ( inquit fol. 275. ) aduersantur. Quod ex Augustini epistola 119. adfe- runt, non omnes traditiones non scripto Ecclesiis relictas taxat: sed quorundam tantum præsumptiones, siue mo- rosas nouorum rituum constitutiones; non illas fidem aut mores concernentes, sed leuiculas, qualis erat per Africam neophyto suam per octauam siue hebdomadam Albarum, qua candida utebantur recens baptizati, non esse nudo pede terram calcandam. Huius generis & hodie non pau- ca sunt aureis Augustini verbis deploranda, quæ pij omnes optant suæ regulæ Euangelicæ redditæ, vbi hominum aut avaritia aut superstitione à vero suo vsu reperiantur depra- uata; qualis est, modò traditionis nomen mereatur, pluri- mos de futili debito excommunicari, aut nescio quo con- temptu hominum excommunicari grauiùs, quàm qui men- tem vinolentia sepelierit, aut luxuria, lenocinio, simonia, aut sacrilegio defædarit. Porro quod ex sancto Hilario ad- ferunt, traditiones illas hominum docet eradicandas, qua- rum fauore ( inquit ) legis præcepta transgressi sunt. Tales Ca- tholici nec habemus, nec propugnamus; nedum à Con- cilio Tridentino diuinis Scripturis comparantur aut susci- piuntur. Quod ex Origene adferunt, nullum imitandum, sed propositum nobis esse Christum Iesum ad imitandum, non Apostolorum actus & Prophetarum gesta; illud exem- plar firmum esse & propositum solidum; quod qui sequi cu- piat, securus ingrediatur: nihil diuinis aduersatur traditio- nibus; quæ ad imitandum Christum, aut saltem Apostolos viam monstrant. Origenes verò illud dixit contra illorum superstitionem, qui illos sectantur magistros, qui aliter do- cent, aliter faciunt: Si quærimus nobis culpabiles ( magi- stros ) ad æmulandum ( inquit homil. 7. in Ezechielem ) ad- uersus præceptum Domini facimus, qui mandauit doctrinas

» magistrorum magis considerari debere, quàm eorum vitas.

» Atqui Conc. Trident. iubet traditiones non magistrorũ impu-

» re, aut impiè viuentiũ, sed Christi & Apostolorũ venerandas.

Vnde



Vnde cū D. Cypriano gratias agimus Deo Patri, vt Filiū suum dilectum audiamus in baptismo præcipienti, quia nos eius magisterio commendauit. An non sic & Con. Tridentini Patres, quando vnà cum Scripturis Christum & eius spiritum audiendum docent? Certè illa Concilij verba prorsus per omnia Cypriani dicto respondent. Nos verò ex præcepto tuo (ait sermon. de baptismo.) eius doctrinæ nos tradimus informandos (quia ore eius nobis sunt traditæ) & inhærentes ei libenter eum duce spiritu sancto omni tempore audiemus: quia eius spiritu dictante Catholicæ Dei Ecclesiæ sunt per Apostolos traditæ.

Postremò ex Concilio Gangrensi adferunt tale decretum „ esse factum. Si quis à lege diuina discedens (inquiunt fol. 277.) „ nouas subinde comminiscatur traditiones & constitutiones, „ anathema sit.

Mirifica istos præclaros Confessionistarum Patronos fingendi quodlibet, tenet libido. Istius enim Canonis, quem tanta cōfidentia allegare audebant, ne verbum quidem vnum toto extat Concilio Græco, aut Latino. Nulla etenim huiusce rei toto in Concilio est significatio, nullum indicium, nullum vestigium; immò contraria prorsus, eaque ex diametro, definitio: ita vt nullum Concilium doctrinam Tridentinam suis verbis magis stabiliat aut statuat, quàm huius Gangrensis Concilij Canon XIX. & eiusdem cū præfatio, tum Epilogus.

Istius doli mali malè sibi fuisse conscios istos fidelissimos Confessionistarum Patronos indicio est, quòd neque Canonem, neque locum recitant, vnde illud suum fictitium Decretum confirmetur: quod alias ferè semper faciunt perquam diligenter & strenuè. Sed vt non ad viuum rescemus huiusmodi sententia etiam istius Canonis per eos allegati aduersus Concilij Tridentini Decretum, aut Catholicorum doctrinam nihil prorsus facit. Si quis enim à lege Dei discedat, euestigio nobis est Anathema. Porro tantum abest, vt Concilium Gangren. Apostolicas non scriptas damnet traditiones, vt 3. aut 4. locis stata Ecclesiæ ieiunia, & alias non scriptas Apostolorum traditiones de virginitatis, atque continentie proposito disertè approbet.

Canon fictitius allegatur à fraudulenti Cōfessionistarum patronis.

Traditiones Eccl. non scriptas de ceterorū dierum ieiunio & similes confirmat Conciliū Gangrense ab aduersariis allegatum incaute.

Traditiones hu-  
manæ quales à  
Con. Gangrensi  
merito dantur.

Damnat quidem aliquot traditiones; sed Eustathij Mani-  
chæi verè humanas, verè impias, verè dæmoniacas: quas & nos  
constanter execramur; quales sunt, mulieribus vtendum esse  
ad iustificationem masculorum vestimentis, cibos carniū il-  
licitos esse: Ieiunia quæ in Ecclesia prædicantur, contemnenda  
esse, aut die Dominico ieiunandum: In domibus coniugato-  
rum orandum non esse, neque oblationibus ibi factis commu-  
nicandum: Nullum in coniugio collocatum: aut diuitibus  
qui non omnibus renunciant, spem esse apud Deum. Tales  
igitur nobiscum damnat Concilium Gangrense traditiones.  
Non autem omnes in vniuersum damnassee, sed pro legitimis  
quasdam agnouisse, adeoque approbassee vnus demonstret Ca-  
non 19. qui eos anathemate damnat, qui tradita Christianæ  
Ecclesiæ ieiunia, & à Christianis in commune custodita citra  
iustam corporeæ necessitatis causam soluerit aut violarit. Sed  
ipsum potius Canonem audiamus, quò magis istorum delecto-  
rum apologeticorum publicè innotescat perfidia.

Tradita Chri-  
stianis ieiunia  
mandat Conci-  
lium Gangrense ob-  
seruanda.

Si quis eorum qui continentia student absque necessitate  
corporea, tradita in commune ieiunia, & ab Ecclesia custodita  
superbiendo dissoluit, stimulo suæ cogitationis impulsus, ana-  
thema sit. An disertio-rem vocem nostris pro Ecclesiasticis ie-  
iuniorum & similium traditionibus quis desideret? Anathe-  
ma sit, inquiunt Patres illi Gangranæ paululum post Conci-  
lium Nicenum, sub annum ferè Domini 328. si quis τὰς παρα-  
διδόμενας νηστίας εἰς τὸ κοινὸν ἢ φυλασσομένας ὑπὸ τῇ ἐκκλησίᾳ.  
Tradita in commune omnibusque præscripta ieiunia, & ab Ec-  
clesia obseruata soluerit. Porro ne vllum supersit dubium Pa-  
tres istos vetustissimos Christianis Apostolicas voluisse obser-  
uandas præter scripturam, traditiones, tria adtexemus ex Conc.  
huius epilogo verba. καὶ πάντα συνελθόντας ἐπιτελεῖν τὰ παραδόντα  
ὑπὸ τῶν θείων γραφῶν, & τῶν ἀποστολικῶν παραδόντων ἐν τῇ ἐκκλησίᾳ  
γίνεσθαι ἐν χρόνῳ. Et vt omnia summatim dicamus, inquiunt,  
quæ à diuinis scripturis & Apostolicis traditionibus sunt tra-  
dita, fieri in Ecclesia optamus. An non hic lector candide ver-  
ba decreti Tridentini agnoscis? An aliquid Tridentinæ doctri-  
næ magis dicatur consentaneum? An ex opulentissimo vene-  
randæ antiquitatis Christianæ thesauro aliquid proferas, quod  
aduersariorum doctrinam refutet manifestius aut solidius?

Can. 19. de nō  
violandis ieiu-  
niis Ecclesiæ tra-  
ditis.

QVID-

QVIDQVID igitur tam pompatica verborum sexquipedalium specie à præclaris istis Confessionistarum delectis Apologeticis allatum est siue ex Scripturis, siue Cõciliis, siue Patribus, videt lector candidus, nihil prorsus aduersus Catholicorum, aut Conc. Tridentini de traditionibus pio affectu venerandis atque reuerenter obtinendis doctrinam efficere: sed illam iisdem planè per ipsos aduersarios allatis testimoniis magis stabiliri atq; solidius corroborari. De iis ago traditionibus, non humanis, sed Apostolicis, immo diuinis, quæ iuxta Conc. Tridentini formulam, aut Christi ore, aut diuino eius spiritu per Apostolos Ecclesiis sunt relictæ, atque per manus à sui usq; primordio continenter & inuiolabiliter nobis traditæ. Hæ namque tam sunt conseruandæ, ac in finem usq; sæculi perpetuandæ Christi Dei Ecclesiæ prorsus necessariæ, vt non solum Catholici iis necessariò vtantur ad statuendos diuinæ auctoritatis libros, ritusq; ad Christi Sacramenta antiquitus adhiberi solitos, si quis pertinaciter diuinam illorum & originem & institutionem vrgeat: sed ipsi etiam Euangelici: quemadmodum iam dudum allatis luculentissimis de colendo Christianis die Dominico, de baptizandis etiam infantibus, eisdemq; exorcizandis, & Cruce signandis, aliisq; id genus plurimis demonstrauimus. Vtrique enim tam Euangelici, quàm Catholici inuictum quoddam mirificæ auctoritatis pondus hisce traditionibus Ecclesiasticis insidere ipsa re ac necessitate edocti agnoscimus, adeò vt non rarò plus momenti ad veritatis Euangelicæ contra hæreticos victoriam, quàm minùs illustria Scripturarum testimonia adferre videantur.

Hinc abs religionis Christianæ usque exordio in reuincendis hæreticis, plus videmus Catholicæ Christi Ecclesiæ magistros vel illos Apostolicos, Irenæum dico, Iustinum, Polycarpum, Ignatium, Quadratum, Aristidem, aliosq; innumeros solida nixos traditionum Apostolicarum doctrina, omnè expugnasse errorem fanaticum, quàm mera Scripturarum testimonio: quodd hæc varium subindè recipiat sensum; nec omnem, qui verè ac propriè significatur, ita dilucidè ac planè præ se fert, vt refragantem prorsus conuincas. Illa verò certum habet dogma, quod varios in sensus implacabilis hæreticorum vesania detorquere non valeat.

Galat. 1.

Euseb. lib. 5. ca.  
13. & 19. vltum  
docet traditio-  
num Ecc. ad re-  
uocandos hære-  
ticos vtilissimū.

Mox enim istos citra omnem tergiuersationem illa Pauli-  
na vox erroris conuincebat nefarij, si quis aliud Euangelizaue-  
rit, præter quàm accepistis, Anathema sit. Sic enim apud Euse-  
bium D. Irenæus suos quondam. condiscipulos Polycarpi au-  
ditores Florinum presbyterum Romanum & Blastum crimi-  
nis ac furoris socium redarguit: Hæc dogmata Florine, quæ  
asseris, inquit, libr. 5. cap. 19. non sunt sanæ sententiæ: hæc  
dogmata non sunt consona Ecclesiasticæ fidei: hæc dogmata  
» ne illi quidem, qui de Ecclesia pulsi sunt, potuerunt vnquam  
» commentari: hæc dogmata impietatem docent: hæc dogma-  
» ta sancti Presbyteri, qui ante nos fuerunt, nunquam protulè-  
» re, illi, qui & Apostolos viderunt, quos & tu nosti. Vidi enim  
» puer te apud Polycarpum, qui narrare solitus erat atque re-  
» censere verba, quæ dicta à Domino ab illis (Apostolis & qui  
» Dominum viderant) audierat, & de virtutibus eius ac doctri-  
» na. Et tamen omnia hæc σύμφωνα ταῖς γραφαῖς consona scriptu-  
» ris proferebat. Quod Diui Irenæi exemplum illustrem admo-  
» dum huic quæstioni de traditionibus adferat lucem, certamq;  
» præsentis de scriptura controuersię definitionem, iuxta quam  
» optatissima omnibus piis Ecclesiarum coeat concilieturque  
» concordia. Cùm enim Florinum hæreticum scripturis so-  
» lis allatis non potuisset Diuus Irenæus expugnare, pristi-  
» namque in veritatis viam reuocare, alteram admouit ma-  
» chinam, quæ perniciosum hominis vesani errorem pressius  
» stringeret, latensque animi sinu pūs virusque exprimeret at-  
» que extegeret.

Charisma veri-  
tatis acceperunt  
Ecclesię presby-  
teri cum succes-  
sione.

Vera concordie  
ratio.

» Norat vir Dei scripturas certam & liquidam interpreta-  
» tionem à Presbyteris accipere, vti dudum eius verbis docui-  
» mus, qui cum successione, inquit, charisma veritatis cer-  
» tum acceperunt. Quod charisma veritatis quidnam obse-  
» cro dixeris aliud, quàm Dei donum, quo præditi Ecclesię  
» Presbyteri de cælesti veritate ex Ecclesiasticis traditionibus  
» diuinę scripturę concordibus decernunt atque iudicant,  
» quid illi consentaneum, quid dissentaneum? Hæc est ergo  
» vera concordie ratio, si Christiani præter Scripturam exem-  
» plo D. Polycarpi, nullas recipiamus traditiones, nisi scriptu-  
» ræ consonas: quemadmodum Catholici facimus. Nihil enim  
» pugnans, aut ab ea dissentaneum docemus, aut fide mori-  
» búsc



búſue tenendum proſitemur, quod ſit diuerſum: licèt in ea non ſint euidenter, aut luculenter expreſſa omnia & vniuerſa: neque enim verum eſt quod temerarius ille Concilij Tridentini examiner rigiduſque cenſor Martinus Kemnicius, præclaræ ſapientiæ ſuæ opinione tumidus, ac militaris planè iactantiæ typho turgidus, inter alias futiles frigidaſque cenſuras plurimas fingit Pontificios ſimpliciter diſtinguere traditiones contra ſcripturam, eoſque pugnare pro talibus traditionibus, quæ nullo ſcripturæ teſtimonio probari poſſunt. imo Anathema eos dicere omnibus, qui quærunt *συμφωνίαν* traditionum Pontificiarum cum veteri ac nouo Teſtamento.

Martini Kemnicii cenſuræ contra Eccl. traditiones reſutata.

Ita quidem Kemnicius ſuas texere orditur nugas, quas Concilij Tridentini examen vocare arrogantiffimum nugatorem non puduit. Quafi verò difficile ſit vel impudentiffimis quibuſque nebulonibus ſimili calumniarum & mendaciorum adeò improbiſſimorum farragine ſacroſanctum vexare Concilium Chriſtianæ Eccleſiæ Oecumenicum.

Olim Nicenum illud primum Concilium velut deliramentum audaculi aliquot damnare non erubuerunt, quod ab idiotis aiebant & indoctis Episcopis fuiſſet habitum: ſed noſtræ tempeſtatis Ariſtarchi, quorum facile principem locum ob Sophiſticam impudenter fingendi atque illiberaliſſimè omnium mentiendi artem ſibi vendicat Kemnicius, multò ineptiora ſimul & atrociora venerandis Concilij Tridentini Patribus obiiciunt, immo temerè affingunt ſuam contra conſcientiam crimina: quæ ſuo aliàs loco pro eo ac par fuerit, reſutabuntur. Sed in præſentiarum audiamus obſecro, ecquid phaleratus iſte Rhetor atque Ariſtarchicus Concilij Tridentini ( ſi Chriſto placet ) examiner, hoc eſt totius orbis Chriſtiani cenſor ſuperbiſſimus Kemnicius, tanto dignum ferat hiatu. Sua enim ingeniſta fretus impudentia, ingenuiſque ſemel oblitus pudoris, mira, nefariaſque Catholicis affingens mendacia, & calumnias multò maniſeſtiſſimas, homo illiberaliſſimus ad exemplum illius Plautini militis vno ſpiritu diſſlare aduerſaria ſuo palato ſuperbiſſimo decreta conatur.

Sabinus Heraclæ.  
Theognys Nicææ.  
Marcus Chalcedonenſis.  
Theonas Marazicenus.

Persuaſum

Perfuasum enim habuit homo vanissimus, nugacissima sua loquacitate manifestam se posse contaminare, immo obscurare, adeoque semel obruere veritatem toto terrarum orbe admirando fulgore non minùs conspicuam, quàm diuino consentaneæ omnium vbique & semper Christi Ecclesiarum doctrinæ lumine illustratam. Qui si egregiæ suæ literaturæ atque eruditioni non vulgari parem copulasset animi ingenui candorem, sanctumque pacis Euangelicæ Christianæque concordie studium, haud sanè parum bene nostra de Germania fuisset meritis.

Cuius enim, quæso te mi Kemnici, pudoris ingenui, aut candoris Christiani, nedum pectoris Euangelici censeatur, quòd tam improbè Catholicos criminari sol. 142. non solum veterum PP. scripta comminisci, aut adulterina usurpare, aut magistros ceremoniarum (ais fol. 143.) suppressisse: sed diuinas etiam literas, inquis fol. 247. ad sua dogmata transformasse? Ad hæc D. Cyprianum & Cor. Romanum montanizare? Rursus Catholicos docere (ais fol. 241.) Ecclesiam posse ex falsis scriptis facere vera, ex veris falsa.

Item Papam Rom. nò esse veritum (scribis fol. 253.) nouam fabricare scripturam Canonicam. Rursus Synodum Trident. affirmare (ais fol. 254.) ex Apocryphis libros se facere Canonicos. Denique, vt mendaciorum tuorum, quorum est infinitas, aliquem nunc faciamus modum, Decretales Roman. Pontificum non tantum æquari (ais fol. 255.) sed etiam præponi Scripturæ Canonicæ; idque manifestissimo crimine falsi. Isto autem tuo, Kemnici, mendaciorum longè vanissimorum decalogo, aliisque plurimis alium in locum repositis, hoc nunc agendum; vt lector candidus atque veritatis reipsa Euangelicæ amans, semel perspiciat, quàm temerario planè consilio, inconsideratòque scripturiendi ardore sacrosanctum Oecumenicum totius orbis Christiani Conciliū examinare denteque Theonino arrodere, atque censoria tua virga superbissimo cum supercilio arrepta sis aggressus damnare. Quibus namque vel à limine salutata est schola Theologica, penitus videant, quàm friuolus iste nugator suas modò non deliras hac à controuersia sit frustra orditus censuras. Pleraque omnes traditiones, de quibus nunc ab Euangelicis Ecclesiæ istud dirum motum est certamen,

Decalogus mendaciorum Mar. Kemnicij in Catholicos magno ex calūniarum & mendaciorum, quibus eius scaturit examen, aceruo defloratus.

tamen, Catholici affirmamus, esse scripturis ortas aut fundatas: sed non ita euidenter inde colligi, vt refractarijs, aut cōtentiosis facere queāt satis; quales sint de die Dominica, de Christi descensu ad inferos, de baptizandorum, cruce signādorū, exorcismo, de paruulorum baptismo, de oratione sacrificioq; pro mortuis, de Quadragesima, de sanctorum inuocatione, de voto virginitatis, aut castitatis, atque similibus. Has enim affinesque traditiones fidem moresque concernentes, Catholici docemus esse scripturis consonas, nihilq; nos contra scripturas agere, aut peregrinum inducere, dum hæc Apostolico deposito Ecclesiis vbique omnibus concorditer tradita reuerenter obseruamus, posterisq; facta tecta transmittere satagimus. Quanquam enim hæc omnia apertis scripturarum testimoniis euidenter probari nequeant; idcirco Catholici, immo ne ipsi quidem Confessionistæ, (quod inferius de exorcismo & Crucis signo aliisque nobis concorditer atque consentaneè obtentis docebitur aptius) reiicienda, aut reiicientibus indulgenda putamus: sed propenso pietatis affectu, quæ vnà cum diuinis oraculis à maioribus accepimus, tuenda posteritatiq; prodest contendimus. Nec tam sumus insulsi aut stupidi, vt quid scriptura distet à traditionibus ignoremus. Tametsi enim pari pietatis affectu, ac reuerentia Con. Tridentinum, Apostolicas traditiones continuāq; successione in Ecclesia Catholica conseruatas suscipiat: non idcirco naturalem legitimūq; tollit, qui inter ipsa est, ordinem, aut etiam auctoritatis gradum. Quod si candido aduersarij acciperent animo, non tot verbis superuacaneis istam agerent fabulam, quam de traditionibus instituere illis visum est. Calumniandi enim causa eas vocant aut humanas, aut Papisticas, aut Pontificias: cū Ecclesia Dei Catholica Conci. Tridentini decreto conformiter diuinas asserat, quippe vel ore tenus (inquit sess. 4.) à Christo, vel à Spiritu sancto dictatas. Maligni enim animi, pacisq; minime studiosi est cum Kemnicio alijsue iniquis Censoribus illud decretum Pandochæum corruptelarum & superstitionum, vereq; Pandorę pixidem dicere, cuius operculo omne genus corruptelarum, abusuū, superstitionum in Ecclesia aut inuehatur aut defendatur. Rursus fol. 471. disputationes Catholicorū de traditionibus esse non Epitomen, sed Pandectas errorum &

Sess. 4.  
Discrimen gra-  
uiss. inter Scri-  
pturas & tradi-  
tiones Aposto-  
licas.

Fol. 412.  
Defenditur De-  
cretum Conci.  
Trid. de tradi-  
tionibus Eccle-  
siasticis contra  
Censuras Marx.  
Kemnicij.  
Fol. 471.

H

super-

- superstitionum, à verò enim abest longissimè quod calūniatur  
 Pol. 93. idem Kemnicius, Pontificios sua de traditionibus disputatio-  
 „ ne hoc agere, vt abusus qui præter & cōtra Scripturæ regulā in  
 „ Ecclesia irrepserunt, si modò latè pateant, & temporis aliqua  
 „ præscriptione sint confirmati, titulum habeant non tantū Ec-  
 „ clesiasticæ consuetudinis; sed quod plus est, Apostolicarū tra-  
 „ ditionum. Quam Kemnicij censuram non oscitanter, quæso  
 „ Lector candide, expèdere ne graueris. Hinc enim hominis in-  
 „ genium quasi ex vnguibus Leonem. Ait Cato noster hac di-  
 „ sputatione de traditionibus agi, vt abusus qui contra scriptu-  
 „ ram irrepserunt, titulo Apostolicarum traditionum defendan-  
 „ tur. Atqui abusus omnes, superstitiones omnes Catholici se-  
 „ mel ex animo cupimus adeóq; annitimur abolitas. Illud enim  
 „ Conc. Niceni elogion in vsum optamus reuocatum, τὸ ἀνεπη-  
 „ ληπτον ἐκδοικεῖν καθολικὴ ἐκκλησία, quod irreprehensibile est, Ca-  
 „ tholica defendit ac vindicat Ecclesia. Quæ verò Kemnicius  
 „ cum suis crepat superstitiosa, impia, contra scripturas inuecta  
 „ in Ecclesiam, nos non modò superstitiosa negamus: sed Apo-  
 „ stolica, adeóq; scripturæ cōsentanea liquidis patrum orthodo-  
 „ xorum testimoniis docemus ita fuisse toti initio Ecclesiæ Chri-  
 „ sti pro vero Dei cultu citra omnem superstitionem tradita.  
 „ Nam de iis potissimum agitur traditionibus, quæ, vti Concil.  
 „ Tridentinum disertè profitetur, ad fidem moresq; pertinen-  
 „ tes tãquam vel ore tenus à Christo, vel à Spiritu sancto sint di-  
 „ ctæ, & continua successione in Ecclesia Catholica conserua-  
 „ tæ. Manifestæ igitur calumniæ reus tenetur Kemnicius, qui  
 „ abusus aliqua temporum præscriptione confirmatos dicit ti-  
 „ tulo Apostolicarum traditionum à Catholicis defendi. Sed a-  
 „ trocior multo est illa calumnia eius altera, nempe hoc decreto  
 „ Con. Triden. ceu Pandoræ pixidis operculo omni genus cor-  
 „ ruptelarum, abusuū, superstitionum in Ecclesiam aut inue-  
 „ hi, aut defendi: cū de iis palàm profiteatur Concilium sese  
 „ modo agere traditionibus, quæ ad fidem, ut ad mores perti-  
 „ nent Christianos. Huius verò generis quasdam traditiones ef-  
 „ se omnibus Christiani nominis non oblitis etiam citra Scriptu-  
 „ rarum testimonia suscipiendas, vel Kemnicius ipse non potest  
 „ inficiari. Postea quam enim Catholicos falsò & contra cōscien-  
 „ tiam, accusasset, quòd Patrum testimonia de traditionibus so-  
 „ phisticè



phisticè (inquit fol. 369.) sine discrimine commiscet, & ex vna, quod dicitur, fidelia omnes traditiones dealbant: quòd disputationem studiosè affectatis confusionibus perplexa reddunt, quòd prætextum, immo fucum ei concilient. Hæc aliæque nugaria plurima vbi, inquã, accusasset, fingit octo traditionum genera, quòd sic aduersariorum manus elabatur. Vbi verò sese arctius constrictum sensit, quàm vt saluo pudore ingenuo diutius Catholicis refragari possit, clamat, In Encomiis traditionum esse apud Patres veteres hyperbolas nimium transcendentes. Quid non ad lepidi istius Rhetoris exemplum poetica eludatur hyperbole? Sed improbioris est audaciæ, quod Euangelicos, certòq; Apostolicos ritus, qualis est S. crucis consignatio, Quadragesima & similes ex Apocryphis scriptis, aut fictitiis aut adulteratis fingit ortos. Verùm de istis sophismatibus inferius suo dicetur aptius loco. Cogitur nihilominus post elusiones, omnesque suas diligenti sanè studio perquisitas elabendi rimulas, veritate tandem victus quasdam non scriptas traditiones suscipere Kemnicius: vt quod ait D. Cyprianus, vinum aqua esse miscendum in calice ex Dominica traditione, sed hanc ait fol. 300. sui oblitus extare scriptam. Vbi quæso Kemnici? an alibi quàm apud D. Cyprianum? an potius perpetuo Ecclesiæ Catholicæ vsu concorditer omnibus ab Apostolis extra scriptum tradito? Sed suffecit Rabbino dicere, hæc traditio scripta extat. Similiter traditionem Ecclesiæ, qua nobis, inquit fol. 306. in manum dantur Sacræ scripturæ libri, reuerenter accipimus. At quantà scriptura? Vbi, obsecro, scriptum, Matthæi potius, quàm Mathiæ Euangelium fuisse suscipiendum? Lucæ potius, quam Thomæ? Marci potius, quàm Petri aut Pauli? An non hîc, velis nolis, agnoscere cogaris, quasdam fidei traditiones esse non ex scripto, sed, vt ait Conc. Tridentinum indignissimè ac propemodum rabidè abste deuexatum, ex continua successione in Ecclesia conseruatas piis omnibus suscipiendas? Sed nihil patrocinator Pontificiis, excipit Kemnicius fol. 306. hæc traditio. Ecclesia enim illa traditione fatetur, se alligatam esse ad vocem doctrinæ sonantis in scriptura, & propagatione illius traditionis posteritatem etiam ad scripturam alligatam esse docuit. Immò hæc traditio luce meridiana demonstrat clariùs, diuinum Ecclesiæ Dei de scripturis iudiciũ, Christi

ingulat se Kemnicius, qui vt traditio-  
num fingens agnoscit quasdam  
line Scripturis  
suscipiendas Chri-  
stianis.

Fol. 401.  
Encomia veterum PP. de traditionibus nugatur Kemnitus esse hyperbolas.

1 Vinum aqua miscendum docet Kemnicius ex Ec. traditione sine Scripturis.

2 Traditio Scripturarum suscipienda Kemnitus sine Scriptura.

3 Elusio Kemniti refellitur.

sti spiritu magistro suggestum, diuinam non quidem tribuere, sed declarare scripturarum auctoritatem; quod dum facit, verè diuinis iudicandi de scriptis Apostolorum, aut Apostolicorum partes sibi suo sumit iure: ipsa re orbi professæ penes se solam esse interpretandi scripturas auctoritatē, penes quam solam fuit eas approbandi, siue vti nunc loquimur, canonizādi.

An Ecclesia alligata ad vocem scripturæ.

Quoniam igitur quod semel in Canonem est Ecclesiæ iudicio receptum, extra eam moueri vnquam nequeat: non idcirco tamen dicenda est Ecclesia alligata ad vocem doctrinæ sonantis in Scriptura; quasi plura aut pleniora fidei dogmata nō possit aut habere, aut accipere, quā doctrina Scripturis illis expressa sonat: nam ea scripturæ vox ab Ecclesia Dei spiritu edocta quum suscipitur Canonica, in suæ cælestis doctrinæ corpus illustrandum aut explicandum coalescit alias verbi Dei partes absolutura: non eas, quæ nondum sunt scripto editæ, exclusura aut abolitura, hoc tam est in illo D. Pauli testimonio: Tenete traditiones quas accepistis, siue per epistolas, siue per sermonem, omnibus manifestum, vt vel Kemnitius hoc Paulino elogio, ceu pedica ineluctabili constrictus non potuerit inficiari, quin Ecclesia videatur mandato Pauli obligata ad

Fol. 129.  
Kemnitius sibi laqueum parat dum fatetur Ecclesiā Pauli mandato obligatam ad tenendas traditiones extra Scripturas.

tenēdas etiam traditiones, quæ extra scripturam sunt ab Apostolis olim relicte. Hic tamen vbi callidus omnes elabēdi esset perscrutatus rimulas, pleno fatetur ore, Quod de veris Apostolorum traditionibus scriptum est, nō statim (ait fol. 129.) ad illas quæ à Pontificijs hoc nomine proponuntur, transferri debet. Si enim tam liquidò & certò probarint traditionem aliquam esse indubitatè Apostolicam, sicut ea quæ scripta sunt probātur: valeat sanè id quod Paulus dicit; Tenete traditiones quas didicistis, siue per epistolam, siue per sermonē nostrum.

Certa cōcordiæ ratio ex Kemnitij verbis, modo in state vel.

Euge mi Kemnici, istam tibi gratulor ex animo sententiam: quam si constanter obtineas, facilè inter nos de traditionibus aliisque semel omnibus nunc in controuersia positis fidei dogmatibus conueniat. Iam Kemnitius rectā tenebat conciliandæ pacis Ecclesiasticæ viam, immo iam rectum æternæ salutis suæ recuperandæ (quā extra Catholicam Christi Ecclesiam non esse inter omnes cōstat) iter ingrediebatur: sed pro dolo, genio nescio quo malo in deuiam transuersus abripitur. Negat enim se his responsionibus (quas verè, inquit, ad hāc obiectionem

nem

nē possem respondere) nunc quidem vsurum. Quid ni vtaris, obsecro, mi Kemnici, si verē hęc respondeas? an verē vnquam te pudeat responsionis? sed sentiscebat callidus, in quasnam angustias suā sibi redigerentur copię, tot argutis sophismatibus ingeniosē fabrefactis structā, si ea suis illustraret verbis. Sed nē sic elabi patiamur aduersariū: veritatis illustrādę amor verat. Nō parū enim lucis declarandis huius quęstionis non tā sua natura perplexe, quā istius artificio inuolutę atq; intricatę tenebris adferat res illa dissimulatoriē à Kénicio pratermissa. Valituram Pauli sententiam fatetur Kénicius pro traditionibus Ecclesię non scriptis, si tam liquidò (inquebat) & certò Catholici probauerimus traditionem aliquam esse Apostolicam, sicuti ea quę scripta sunt, probantur. Eia age Kemnici, placet conditio: æquus modò nobis obueniat arbiter. Cū enim eadem ac pari prorsus auctoritate tradantur ab Ecclesia infidelibus ad Christianismū venientibus & S. Biblia, & Symbolum, & baptismus, & alia Christianę religionis vitęque conformandę dogmata, an non æquē liquidò ac certò illa se dicit à Spiritu Dei accepisse omnia? Si de scripturis Apostolorū nomine extantibus Ecclesia Christi Catholica, dum has suscipit, illas reiicit, meretur sine scriptura fidem apud suos indubitatissimam, reclamantibus licet Iudæis, reclamantibus licet falsis aliquot Christianis; an non apud pios suos obsequentēque filios fidem etiam merebitur, dum affirmant tibi eisdem ab Apostolis traditum inter alia, orandum atq; offerendum esse pro fratribus hinc migrantibus, pueros esse baptizādos & crucesignandos, Quadragesimam esse ieiunandam, Vota castitatis non posse citra sacrilegium violari, Sanctos rectē ac religiose, vt pro nobis & vna nobiscum Deum orent, inuocari? Neq; verò hęc alięque huius generis plurima solum voce suorum ministrorū prædicat vera Dei Ecclesia: sed clarissimis suorum doctorum totum per orbem illustrissimorum testimoniis ex scriptura demonstrat luculentissimē, immo rebus ipsis omnes, quantumuis refractarios, quantumuis inuidos, quantumuis malignos (modò verum videre velint) conuincit liquidissimò, ita se ab Apostolis initio acceperisse: hoc esse verē Apostolicum illud depositum suis successoribus concorditer toto vbiq; orbe cōmendatum. Quis enim sol meridiem illustrat clarius, quā

Ecclesia Dei Catholica suam demonstrat doctrinam verè atq; certò Apostolicam, adeoque Euangelicam ex vniformi, immo eodem, arque eo perpetuo Christianorum prorsus omniù, qui sub cælo sunt, vsu, pariq; obseruatione? Rogetur Oriens, rogetur Occidens, rogetur Meridies, ecquid ante nostrũ Septentrionem, qui velut gentium reliquiæ tandem post omnes orbis nationes tardi ad Christi veniebamus præsepia, his de traditionibus obtinuerit? Ecquid initid illarum quælibet aliis omnibus cõcorditer Ecclesiis acceperit? Ecquid perpetua quasi voce suis à spiritu Dei inscriptum tabulis non lapideis, sed carneis suo populo Christiano in hunc istius Germanici schismatis articulum vsque proposuerit, præscripserit, prædicauerit? Cæterum quia hanc certissimam longeq; omnium liquidissimam iuxta ac indubitatissimam eruendæ veritatis atque adeo conciliandarum Ecclesiarum methodum Kénicius nunc ingredi recusat, & quasi veritatis clarif. radio perstrictus ad adamas suas refugit tenebras, lustra sibi quærens atraque latibula, veritus miser, ne si cæpto pergat itinere, lumen cæli dudum salutariter affulgescens videat, quo illustretur, sanetur, vniq; Christi ouili vniatur: Hæc nobis nunc quidẽ paucis erit persequenda, & quantum Dei Opt. clementia fauerit, oratione breui detegenda atque explananda? quo Deus Opt. errantium omnium fratrum misertus, cæcatos, immo fortè veriùs clausos suæ veritatis sole illustret oculos, ne suæ saluti infelices

„ more omnium hæreticorum, repugnent diutius. Concedo igitur tunc (ait Kemnitius fol. 129.) cum Paulus Thessalonicẽsibus hæc scriberet, non omnia quæ de Christi & Apostolorum doctrina tenenda cognituq; sunt necessaria, scriptis, quatum satis est, fuisse comprehensã. Sed quado tandem Kemnici ista imperfectio scripturarum, & vtĩ appellas fol. 151. insufficientia fuit expleta? Post constitutum (inquit fol. 131.) & absolutum Canonem scripturarum noui Testamenti. Sed quonam verbi

„ Dei testimonio anile istud somnium confirmas? Certè nullo.

„ Adfers quidem simile ex veritate librorum vete. Testamenti: Sed nihil efficere, conuincit liber Machabæorum, quem vos cum Pharizæis atque Saducæis à sacro diuinarum Scripturarum impiè reiicitis Canone. Nullus sanè tam est insullus aut ineptus, qui inficias iuerit, post illam Pauli Epistolã multa esse

à Sp

Nō omnia fidei dogmata Kénitio fuisse aliquando scriptis comprehensã.



à Spiritu sancto in Scripturas redacta fidei dogmata: sed ea omnia atque vniuersa esse ita scripto comprehensa, vt solū credenda sint, quæ expressè sunt scripta, nullus diuinæ scripturæ locus docet. Atqui Paulus (inquit fol. 132.) longè aliter loquitur de scriptura ad Timotheum 2. sub finem vitæ. Aliter quidem, sed nihil quod tuam quidē causam iuuerit, immo prorsus delirū istud tuū illic subuertit somniū. Quæ enim postea prolixis admodū verbis demonstrare conaris ex voce illa ἀπριος, qua Paulus ad Timotheum est vsus, nihil aliud efficis, quàm idem de omni scriptura, singulisque eius partibus esse sentientium, quod D. Pauli ore Spiritus sanctus nos docet, omnē Scripturam esse vtilem ad instruendum, siue perfectum reddendum hominem Dei. Fateor, si Pauli sententia tantum diceret, Scriptura utilis est (inquit Kemnicius fol. 172.) ad doctrinam etceter. non satis firmiter inde colligi sufficiētiam Scripturæ: Sed Paulus pronunciat omnem scripturam diuinitus inspiratam ita esse vtilem ad doctrinam, ad redargutionem, ad correctionem, ad institutionē in iusticia, vt perfectus sit homo Dei ad omne opus bonum absolutus, id est, vt minister Euangelij sit ἀπριος, quod significat sanum, integrum, omnibus partibus & numeris absolutum, atque sufficientem: de qua verò sufficientia & integritate Paulus hoc intelligi velit, ipse explicat, cum nominat hominem Dei, vt ad omne bonum opus, quod ad ministerium scilicet Euangelij requiritur, sit ἐξηρτισμένος, quæ vox significat, qui præparatus est, instructus & quasi ad finem deductus & absolutus est. Ita Kemnicius suam Scripturarum, quam dicit, demonstrat sufficientiam. Habet quidem vox Paulina interdum integritatis aut perfectionis significationē: sed hoc loco habere non posse, ipse Paulus suis verbis luculentè satis declarat, cum Timotheum suum admonet, vt vnā cū suis epistolis accuratè custodiat depositum, atq; formam sanorum verborum typumq; doctrinæ traditæ vigilanter obseruet. Nā vox ἀπριος numerū parētem atq; integrum; item sanū, & totum significat. sic & ἐξαρτίω, paro, apparo, præparo, & perficio: vnde Erasmus hoc loco rectissimè vertit apparatus. Nā vox ad summum, significat plenè apparatus, sicuti numeri perfecti, ita quidem perfecti sunt, vt aliam admittant perfectionē. Quare hoc Kēnicij fundamentū ad statuendā Scripturarū perfectionem, siue

Scripturam solā nō sufficere ad omnes fidei dogmatibus & ritibus instruendū hominem Dei.

Sufficientia Kēnicij à D. Paulo euerfa ostenditur, cū mandat Timotheo depositum custodire: quod fuit extra Scripturas, licet & forma sanorū verborum.

ἀπριος quidā significet Diuo Paulo.

siue ut ait, sufficientiam, minime firmum est. Non enim hæc Pauli sententia (ut Kemnitius fol. 171. fingit) vera est Canonizatio scriptorum noui Testamenti: quia nec omnia tunc erant edita (quod ibidem fatetur de Iohannis Apostoli scriptis) neque de sua ad Hebræos, aut alios. epistola quicquam peculiare hic Paulus tradit. Fuit ergo ad has vindicandas, sicuti & ad Iohannis scripta in Canonem assumenda, opus alia Canonizatione, id est diuino Ecclesiæ Dei Catholicæ iudicio, quod germana à nothis discerneret, apocrypha damnavit, vera in Canonem allexeret, aliisque diuinis scripturis copularet. Sed quo magis appareat quàm friuolum sit quod Kemnitius hoc Pauli loco statuere conatur Scripturarum sufficientiam, ita ut post hunc diuinarum scripturarum quæ dicit Canonem nihil sit credendum, quod extra eam non scripto est comprehensum, ipsum potius D. Paulum consulamus huius questionis certissimum arbitrum. Bonum, inquit, depositum custodi o Timothee: & non nihil superius, formam habet sanorum verborum, quæ à me audisti in fide & dilectione in Christo Iesu. Vbi depositi nomine, an aliud rectè intelligas, quàm quod Tertullianus de præscript. annotatū reliquit, Traditiones doctrine per viuam vocem Ecclesiis assignatæ? in quem sensum & D. Ambrosius, & D. Chrysost. aliique PP. Orthodoxi omnes hæc accipiunt Pauli verba, uti alibi confirmamus. Hæc tamen sunt omnibus perspicua, ut hac ipsa luce perstrictus, salutariterq; admonitus, sed suæ sibi sophisticæ nimium adamatæ admirator Kemnitius postea sibi obijciat: Sed Paulus tamen Timotheo (inquit fol. 174.) non tantum Scripturam commendat, verum etiam traditiones, quas viua voce ipsi tradiderat, Quæ audisti, inquit, ex me, quæ didicisti, quæ contradita sunt tibi, et cæt. Respondeo. Verum hoc est, sed vide quàm simplex & plana sit solutio. De suis traditionibus Paulus dicit: Hæc præcipe & doce. In illa igitur doctrina, quæ Paulus viua voce tradidit, absq; omni dubitatione comprehensa fuerunt omnia, quæ ad dogmata & mores necessaria sunt. Et de illis Pauli traditionibus rectè dici potuit, sunt viles ad docendum, ut homo Dei sit aptior ad omne opus bonum absolutus; quia verò Paulus idem de Scriptura pronunciat, omnino igitur necesse est eandem doctrinam, quàm Paulus viua voce tradidit, in Scriptura esse comprehensam,

Epistola ad Timotheum 2. est Kemnitio Scripturarum noui Testa. Canonizatio: licet agnoscat pondus fuisse tunc omnes scriptas.

D. Pauli depositum Timotheo quidam sit.

prehensam, & paulò post: Vtrumque igitur verum est, homo Dei tenēs Pauli traditiones, ἀπριος est in ministerio: & tenens Scripturam diuinitus inspiratam, ἀπριος est in ministerio, quia eadem est doctrina quę primo viua voce fuit tradita, & postea in scriptis comprehensa. Istam tuam conclusiunculam, Kemnici, negamus legitimam: quia ex vero falsum sophistice colligit. Nusquam enim docet Scriptura, quod tibi sumis, eandem doctrinam viua voce initio traditam, esse omnem scripto comprehensam, immo diuersum planè nō indiserte loquitur: quia D. Paulus suum admonens Timotheum hortatur, vt quę sibi verbo sunt concredita, quę audierit, quę ab ipso didicerit, pro thesauro, immo deposito fidelibus Dei ministris tradendo conferuet. Itaque plus viua voce acceperat Timotheus suis prodendum, atque per manus quasi tradendū, quàm Paulinis aut vllis comprehensum fuit Scripturis. Iam tibi sua cū non satisfaceret kemnicus sophistica elusione, aliam quærit elabendi rimam. Suggerebat enim homini (vt est mirifice religiosus) conscientia, etsi non parum alias conuulsa, atque per vim contra veritatis agnitæ Testimonium impię adacta, Verbum Dei nouis istis suis figmentis ex diametro aduersari. Neque locū habet (inquit fol. 175.) illa obiectio 2. Thessaloni 2. Tenete traditiones siue per sermonem, siue per epistolam nostram. Illud enim tunc dixit Paulus, quando libri noui Testamenti primum cæperant conscribi, & nondum erant omnes editi, sed circa finem vitæ suæ, cū iam cōscripti & editi essent libri noui Testam. ita de scriptura loquitur, quod duo æquipollentia constituit, traditionem & scripturam, vt qui vnum habet, habeat & alterum; idque inde, & ideo, quia idem scriptum est quod traditum fuerat. Istud vanum esse, ipse kemnicus paulò ante sui oblitus declarauit, asserens fol. 171. Paulum istam epistolam ad Timoth. secundam scripsisse, cū iam omnia fermè (inquit) extarēt Canonica scripta noui Testamenti. Rectè illic moderationis notam (fermè) adiecit, cuius si hūc meminisset, suam meritò repressisset ipse temeritatem. Quopactō enim Paulus faciat æquipollentia, Scripturam & traditiones, cū ipse aduersarius agnoscere dudum suis verbis fuerit coactus, non omnes illo tempore fuisse in lucem editas noui Testamenti scripturas? quod vti de Iohannis epistolis ipse

Timotheus a Paulo plus acceperat depositi loco aliis tradendum, quàm scriptis Paulinis aut aliorū fuit inclusum.

Kénicius æquipollētia esse fingit traditionē & scripturam.

Kemnicus sui oblitus sibi aduersatur, suaq; imprudēs euenit somnia.

D. Paulo idem  
fuit traditio per  
sermonem &  
depositum: pu-  
ta doctrina ex-  
tra Scripturas.

fatetur aduersarius : ita & de eiusdem Apocalypsi, de Iudæ ac Diui Petri vltima epistola erit agnoscendum. Merum igitur est nugamentum, quod illud Pauli ad Thessalonicenses præceptum, Tenete traditiones siue per epistolam, siue per sermonem; garrit Kemnicius suum habuisse locum eo tempore, quo Paulus scripsit, non item sub vitæ finem : quia iam omnia fidei atque morum dogmata erant scripto comprehensa. Nam quod initio Paulus ad Thessalonicenses appellauit traditiones per sermonem ( siquidem inter primas numerantur epistolæ ad Thessalonicenses ) hac epistola ad Timotheū 2. appellauit τὴν παραθήκην depositum, quod porro tradi mandat fidelibus Dei seruis, qui possint & alios docere. Hoc verò depositum quia D. Paulus diserte distinguit à Scriptura, vti nobis concorditer Orthodoxi PP. dudum commemorati attestantur, & res ipsa manifestissime iuxta ac necessariò euincit, merum est kemnicij sophisma, quo res longè diuersissimas, immo logica contrarietate oppositas conflare, aut veriùs confundere conatur in æquipollentias. Certè quod D. Paulus tot verbis Timotheum suum monet, idem D. Petrus apud vniuersos, quibus secundam scripsit epistolam, agit, vt in ea, quam dudum Apostolorum concionibus atque magisterio didicerant, perstarent gratia siue doctrina : quam veram esse ideo asserit, ne calumniis pagavorum, aut mendaciis sophistarum, aut adulteriis hæreticorum à vero Christi Euangelio in pristinos relaberentur errores, aut per nouas & peregrinas potius hæreticorum seducerentur doctrinas. Idem apertiùs prima docet epistola, verbum Dei Euangelicam definiens esse doctrinam ab Apostolis Ecclesiæ annunciatam.

## CAP. XII.

An D. Petrus  
traditiones non  
scriptas etiam  
confirmet 1.  
epistola.

QVOD latius patere, quàm ad scripturas solas Apostolicas; nemo qui suæ est mentis, erit inficiando. Neq; verum est quod improbè suggillat Kemnicius, me docere D. Petrū illa epistola confirmare traditiones solas non scriptas. Lindanus fingit Petrum (inquit fol. 178.) in illa epistola tantū voluisse confirmare traditiones quas sine scripto acceperant. Si calumniæ definitionem tenet kemnicius, viderit quonam Rhetorico Schemate, aut, sophistico potius elencho hinc sese ab eius crimine



expediat. Vbinam, obsecro, mi Kemnici, hæc dico? aut, uti pro censoria isthac grauitate pronuncias, fingo D. Petrum traditiones tantum non scriptas illic confirmare? an non istius te dispudet illiberalitatis, apertissimæque vanitatis? Ex professo demonstramus & Paulum & Petrum agere suis Epistolis, ut Christiani doctrinam, semel traditam constanter seruent sartam tectam, eamque obtineant inuiolatam atque hæreticorum fermento incontaminatam. Totum igitur doctrinæ Apostolicæ corpus, quod solidis scripturarum sententiis, liquidisque PP. veterum testimoniis declaramus esse scripto & non scripto comprehensum, initiisque Ecclesiis traditum, monet Petrus & Paulus Christianis obtinendum, non alteram tantum eius partem: uti nimis impudenter cauillatur Kemnicius nos fingere. Quod ex nostræ disputationis Methodo, & potissimum cap. 15. libr. 1. Panopliæ candidis clariùs liquet lectoribus, quàm ut fusiore oratione illa censoris minimè candidi Kemnicij in nos conficta calumnia sit refellenda: qui si præclaræ sanè atque egregiæ suæ eruditioni parem animi candorem sedulumque pacis Ecclesiasticæ studium Christiano pectore dignum adiungere voluisset, plurimum profectò sarcindæ Ecclesiarum concordia profuisset.

Verùm quia pseudologia spiritus transuersus actus florentissimo passim mendacij regno, quam oppugnatae ac tantum non miseræ per Germaniam reginæ veritati suam operam nauare maluit; nos futes atque friuolas eius oppositiones, re vera, uti Paulus ait, falsi nominis scientiæ dispellere, suosque in fumos redigere pergamus.

Igitur non soli D.D. Petrus & Paulus, sed etiam Diuus Iudas Thadæus, qui vel vltimus Apostolorum scripsisse videtur, suos disertè hortatur, ut pro custodienda semel Sanctis, hoc est Christianis fide tradita, certare non desinant. Hic me exclamare ait, Kemnicius, folio 186. Iudam manifestè loqui de doctrina Apostolorum viua voce tradita. an non hoc longè verissimum? Certè ipse inficiari ne quis, nullam esse aliam (inquiens) Apostolicam doctrinam, quàm quæ ab ipsis est tradita. Atqui istud extra controuersiam est positum.

Sed de ea quæritur, an tota sit in literas relata? an verò quædam secretiora mysteriorum arcano viuæ vocis oraculo Ecclesiis, earumque, iuxta Pauli monitum (vti ait Ambrosius, & Chrysost. aliique in panoplia recitati) præpositis potissimum tradita? tu quidem fortiter asseris, totam esse literis assignatam, scriptoq; comprehensam: sed an nos illustrioribus contrarium euincamus cum verbi Dei sententiis, tum orthodoxorum PP. testimoniis, pænes æquum lectorem esto iudiciū. Multa enim non inueniri in Apostolorum literis, palam D. Augustinus, vt alios

Panopliæ lib. 2.

nunc silentio prætereamus, quos huc in Panoplia facere demonstratos temerè arrodit Kemnicius: cuius sophismatibus aliàs respondebitur fusiùs) profitetur lib. 2. cap. 7. cōtra Donatistas; & tamen quia per vniuersam custodiuntur Ecclesiā, non nisi ab ipsis tradita & commendata creduntur. Rursus multa esse quæ vniuersa tenet Ecclesiā (inquit libr. 5. cap. 23. de bapt. contra Don.) & ob hoc ab Apostolis præcepta bene creduntur, quanquam scripta non inueniantur. Huius generis cū sint oratio atque oblatio pro mortuis, sanctorum inuocatio, exorcismus, crucis consignatio, atque baptismus paruulorū, votum castitatis, aliaque perpetuo Ecclesiarum omnium Christi vsu continuāque obseruatione vbique terrarum custodita, & intemerata consuetudine semper vbique omnibus obseruata (vti illic liquidò est ostensum, & inferius demonstrabitur copiosius) rectè Catholici credimus hæc ab Apostolis Christiano populo tradita & commendata, etiam si liquidis Scripturarum testimoniis non videantur aduersariis malignisue refractariis certò ac liquidò comprobari. Hæc cū sint ipsa luce magis perspicua, audebat tamen Kemnicius ouabundus, & ante victoriam triumphabundus exclamare: Quid contra hanc manifestissimam (inquit fol. 132.) veritatem vel specie aliqua verisimilitudinis dicere possunt Pontificij, non sanè video. At nunc te videre arbitror Kénici, quòd antea, cū istam Aristarchicam virgulam magno tibi supercilio Pontificiorum odio ebrius sumeres, non videbas. Quòd si nondum perspicis, paulisper, obsecro te tuam per salutem, deposito Pontificiorum odio (quod totum te transuersum abripuit, vt verum videre nequeas) rem ipsam citra omnem personarum cogitatum candido atque benigno intuere oculo. Recogita, præclaro isto Concilij Trident,

exami-

examine temetipsum perspicua rei huius veritate adaçtū docere, quasdam piis ceremonias siue scripto, siue traditiones nō scriptas (ais fol. 300.) obseruandas ex Dominica traditione. Quod si te minus mouet, veniat tibi tandem in mentem tuus ille præclarus tam nobilium in Pontificios sceleratissimè ab te confictorum mendaciorum decalogus dudū recitatus, forte tibi redaperuerit oculos, vti clauus clauū solet haud infrequens depellere. Sed magis tibi gestit animus (inquis) audire quid tui Andradij grandiloquentia contra hanc euentiam proferre conabitur. Audies opinor, kemnici, suo tempore à viro doctiss. non minus diserta, quam fortia solidaque: nam silere non patietur iniqua perinde ac improba isthæc nominis sui vexatio, & verè infesta accusatio. Verū mirari subit, ecquur tibi animus tantopere kemnici gestiât de grandiloquo (vt ridere voluisti) Andradij responso. Ne festines, kēnici, moneo: opportunum accipies responsum tuis fraudibus dignum. Certè magna nos tenet admiratio tātōpère gladiatorium istū tibi animum gesti re ad Andradij tui responsum audiendum: cū stolidam istam voluptatem, si sciperes, meritò reprimere, immo retundere deberet acceptorum haud ita pridem ab eo vulnerum plagarumque sanè grauissimarum memoria: quæ verecundis atque liberalibus hominibus parum queat esse grata. Vt enim hîc de aliis nihil agam, vnum illud commemorare non fuerit proposito alienum, quod te tam variorum eorundemque impudentissimorum (pudet me profectò istud toties ingeminare, sed tua cogit improbitas) mendaciorū agat reum. An tibi volupe fuerit, nouum ab eodem audire nouorum tuorum mendaciorum catalogum, quibus istæ tuæ in Concilium Tridentinum (si Christo placet) scatent censuræ? Sanè si quid tibi esset reliquum aut frontis non effrontis, aut mentis non amentis, non tibi gestiret animus malè sanus plura audire, quæ ruborem vel impudentissimæ fronti possint inferere, qualia videre est apud Andradiū Coloniae recusum fol. 71. 114. 111. 192. 166. 317. & 611. Hæc aliquando, Christo Do. vitam aspirante, ociumque tranquillius largiente, copiosiora tibi tuus dabit aut Andradius, aut Lindanus: quibus tam lepidè tot infinitis tuarum nugarum locis putabas insultandum. Nunc tibi decalogum mendaciorum ex tuo Concilij Tridēt. examine dudum

Euaneſcit vltro  
laetata Kemni-  
cij illa gloriola  
de abolitis tra-  
ditionibus oua-  
tio & trium-  
phatio.

collegimus: vbi ocium fuerit centurias aliquot faciliè ſuf-  
farcinabimus. Sed vt ad rem, quæ agitur, pertractandam, in  
viam redeat oratio: hoc tantum dicimus, iſtam tuam, quam  
glorioſè ac cò iactitas, maniſeſtiſſimam veritatem ſeu euiden-  
tiam ex illa D. Pauli ad Theſſalonicenſes ſententia; tenete  
traditiones ſiue per ſermonem, ſiue per epiſtolam, contra do-  
gmata nò ſcripto tradita ſtabilitam, vltro corruiere, atq; in me-  
ras redigi nugas benè ſumoſas, euidenterq; apparere tenebras  
pluſquàm Cimmerias; quas loco iſti clariffimo tuo ex Cimbri-  
co aſtutè offundere conabar, vbi prudens Lector cæcas tuo-  
rum ſophiſmatum illi detraxerit præſtigias.

● A. P. XIII.

Traditiones A-  
poſtolicas non  
ſcriptas etiã te-  
nendas poſt A-  
poſtolorũ ſcri-  
pta edita, nò ſo-  
lum antea, vti  
nugatur Kem-  
nicus.

VIS illud Pauli mandatum habuiſſe locum ante alias  
ſuas, vel aliorum epiſtolas ſcriptas, nunc non habere; poſt  
absolutum ( inquis ) & conſtitutum Scripturæ noui Testa-  
menti Canonem. Iſtud figmentum eſſe, vel aniculis indi-  
gnum inde liquet, quòd eius nulla eſt, ne leuiſſima qui-  
dem, nec in Diuo Paulo ipſo, nec vllis Vet. PP. commen-  
tariis ſignificatio: quaſi D. Paulus non generali, ſed tem-  
porali tantum decreto mandarit, eſſe illas Apoſtolicas tradi-  
tiones non ſcriptas ad tempus quoddam tenendas atque ſer-  
uandas: nimirum donec totum Dei verbum Euangeli-  
cum eſſet in literas relatũ. Sed quando, obſecro te kem-  
nici, definies eſſe hunc noui Testamenti Canonem conſtitu-  
tum: cùm ne hodie quidem vobis ſit cõſtitutus? quippe à quo  
non exiguas ſacrilegè reiicitis verbi Dei partes, vti ad He-  
bræos, & alias epiſtolas cum Apocalypſi. Quo de ſacrilegio,  
nunc non eſt dicendi locus. Vnum illud adtexam, quod iſtam  
tuam maniſeſtiſſimam, quam dicis, veritatem, ipſiſſimam de-  
monſtret vanitatem, inauditamque tuam fictitiã euidẽtiã  
ſemel meros oſtendat eſſe fumos. D. Irenæus Valentinũ atque  
Marcionem ſuis cum cohortibus Dei hoſtibus proſtigaturus,  
& Chriſtianos ſemel omnes in doctrina verè Apoſtolica cõtra  
omnes omnium hæreticorum cuiuſuiſ ætatis ſolidiſſimè con-  
firmaturus, docet veritatem non alibi, neque apud alios magi-  
ſtros, quocunq; tumeant titulo, quærendam, quàm in vna  
Chriſti Eccleſia ab Apoſtolis erudita: cùm in hanc ( inquit  
libr. 3. cap. 4. ) Apoſtoli quaſi in depoſitorium diues pleniffimè

D. Irenæi anti-  
dorum aduer-  
ſus omnes om-  
niũ hæretico-  
rum peſtes lon-  
gè præſentiffi-  
mum.



ea contulerint omnia, quæ sunt veritatis. Vnde oportet illos quidem deuitare, quos extra Ecclesiam constitutos vocat fures & latrones: quæ autem sunt Ecclesiæ; cum magna diligentia diligere, & apprehendere veritatis traditionem. Vides hic kemnici, D. Irenæum vrgere Apostolicam viuæ vocis traditionem, etiam post absolutum vel tuo iudicio sacrum noui Testamenti Canonem. Sed tuum occines, sat scio, coccyfinum, hæc intelligenda esse de traditione veritatis, quæ sacris literis est comprehensa, & expresse scripto assignata. At placidus, quæso, audi, quoniam pacto istam retundat pertinaciam sanctissimus Christi martyr, indubiusque Apostolicæ veritatis & Ecclesiasticæ traditionis testis Irenæus. Quid enim, & si quæ „ (ita continenter illis subtexit de veritatis traditione Ecclesiis „ Apostolorum viua voce facta verbis) de aliqua modica questione „ disceptatio esset, nonne oporteret in antiquissimas recurrere „ Ecclesias, in quibus Apostoli conuersati sunt, & ab eis de præ „ senti questione, sumere quod certum & re liquidum est? „ Quid autem, si neque Apostoli quidem scripturas reliquissent „ nobis, nonne oportebat ordinem sequi traditionis, quam tra „ diderunt iis, quibus commiserunt Ecclesias? Cui ordinatio „ ni assentiunt multæ gentes Barbarorum eorum, qui in Chri „ stum credunt sine caractere, vel atramento scriptam haben „ tes per spiritum in cordibus suis salutem, & veram traditio „ nem diligenter custodientes, vnum Deum cæli & terræ, eo „ rumque per Christum Iesum Dei Filium fabricatorem cre „ dentes. An ex professo diuinus ille vir, kemnici, tuam nouam istam opinionem aptioribus potuisset refutare verbis? An vllum tibi iam reliquum est effugium, quin cogaris, velis nolis, agnoscere illud D. Pauli mandatum, Tenete traditiones, quas accepistis siue per epistolam, siue per sermonem nostrum; etiam post constitutum Scripturarum Apostolicarum vel tuo arbitrio Canonem esse Christianis seruandum? air enim Ecclesiam esse diues depositorium, hoc est archiuum fidelissimum iuxta atque opulentissimum, non scripturam solam, à qua Ecclesia ceu certissima sui Apostolici depositi custode & interprete doctissima omnis petenda Christianis veniat veritatis Euangelicæ doctrina. Quare te, mi kemnici obsecro atque per salutem obtestor, vt placido tecum cõsideres animo, quod

quod dudū tuis sarcasmis nobis insultas exprobrabas, an istud D. Pauli ad Thessalonicenses capitulum, tenete traditiones siue per epistolam, siue per sermonem, indignum sit argumentum, quod tanquam Achillæam, vti fol. 128. inquebas, Pano-  
 pliam Catholici opponunt; non quidem, vti fingis, contra Scri-  
 pturam pro suis traditionibus; sed pro Apostolicis traditioni-  
 bus, quæ vnà cum Scriptura Ecclesiis sunt relictæ? Audis enim  
 nunc tuo ex teste irrefragabili D. Irenæo, tantam esse earum  
 „ auctoritatem, vt vel solæ sufficiant veritatem scire volentibus,  
 „ etiam si Apostoli nobis nullas scripturas reliquissent. Nam &  
 „ hoc casu Apostoli Ecclesiis cautum voluerunt. Quia ordinem  
 „ traditionis sequi, ait, oportuisset, quam Apostoli iis tradiderūt,  
 „ quibus commiserunt Ecclesias. In cuius rei confirmationem  
 „ addit, sic ordinatum esse ab Apostolis semper ad hanc succes-  
 „ sorem Apostolicorum traditionem ab Apostolis acceptam re-  
 „ currendum esse, huic enim ordinationi (inquit) assentiūt mul-  
 „ tæ gentes barbarorum, quæ in Christum credunt, scriptam ha-  
 „ bentes sine atramento in cordibus salutem, & veterem tradi-  
 „ tionem (nimirum non scriptam; quia eam tantum audierant)  
 „ diligenter custodientes. Hunc D. Irenæi locum verè aureum,  
 paci quæ Ecclesiasticæ conciliandæ in primis accommodum, si  
 qua par erat diligentia Kemnici ac simili, qua Concilium Tri-  
 dentinum sub ferulam vocare audebas, examinasses; non il-  
 lum alterum ex eiusdem Irenæi cap. 1. in nos falsò non minus,  
 quàm falsè detorquere fuisses aggressus.

CAP. XIII.  
 Alter D. Irenæi  
 locus in Kem-  
 nium verè re-  
 torquetur.

Kemnium per  
 suum et cæc. ab-  
 rumpens D. Ire-  
 næi verba in  
 nos falsò eum  
 detorquet.

POSTEA dicit Irenæus illos esse hæreticos, inquis fol. 84. qui  
 scripturis Apostolicis non assentiantur, & notas hæretico-  
 rum his verbis describit cap. 2. Cùm ex scripturis arguun-  
 tur, in accusationem conuertantur Scripturarum, quasi non  
 rectè habeant, neque sint ex auctoritate; & quia variè sunt  
 dictæ, & quia non possit ex his veritas inueniri, ab his qui  
 nesciunt traditionem. Non enim per literas traditam il-  
 lam, sed per viuam vocem, vbi per tuum etcætera, D. Ire-  
 næi abrumpens verba, exclamas, mirum ni vel parumper  
 „ (inquis) erubescant Pighius, Lindanus, Andradius, & similes,  
 „ recognoscentes suas voces in hac descriptione! Certè mirum  
 „ Kemnici, qua fronte, quo ore, qua fasciatus larua isthæc D.  
 Irenæi verba in vestros Hæresiarchias, immo Patriarchas dicta,  
 in nos

in nos nō erubuisti deprauare? quæ in nos nō magis quadrant, si verè & genuina sententia accipiantur, quàm in ipsum Irenæum, aut Pólycarpum alióque traditionis non scriptæ testes inuictissimos. Immo si æquo sub iudice certádum foret, ausim vel huius capitís periculo contendere in vos verissimè maiore ex parte quadrare. Sed antea paucis loci huius deprauationem abs te scelerato cum sacrilegio perpetratam ostendemus; mox dispiciédum vtri nam accusent Scripturas, quasi non rectè habeant, aut non sint ex auctoritate. Illos Irenæus dicit hæreticos (inquis) qui scripturis Apostolicis nō assentiuntur. Primum istud Kemnici, tuum adnota peccatum: quo prorsus sophistice ad Scripturas detorques, quod Irenæus de magistris dicit SS. Apostolis; nullo, vti equidem arbitror, Chrysippæo élêcho effeceris, vt idem sint Apostoli doctores, & scripta Apostolica. Cùm igitur disertè Irenæus de Apostolis loquatur (quod ipse quacunque tandem es fronte aperto codice non iueris, scio, inficias) quónam ore asseris hæreticos eum dicere, qui scripturis non assentiuntur? Istud quidem, quod sanè verissimum est, nisi ad amarulentam aut potius virulentam Catholicorum spectaret criminationem, non meretur magnoperè vllam annotationem: sed quo fucum maiorem indueret tua captio sophistica ad simpliciorum fraudem comparata, huc obtorto collo planissima tibi libuit pertrahere D. Irenæi verba. Sed nos veritatis declarandæ causâ recitabimus ea integra: Et omnes isti Apostoli (inquit libr. 3. cap. 1.) vnum Deum factorem cæli & terræ à lege & Prophetis annúciatum, & vnum Christum Filium Dei tradiderunt nobis; quibus si quis nō assentit, spernit quidem participes Dei, spernit & ipsum Christum Dominum, et cæt. Hic nūc æquus Lector iudicet vtrum D. Irenæus dicat hæreticos esse alios, quàm qui Apostolis vnum Deum creatorem, & vnum Dei Filium Christum annuntiantibus & Ecclesiæ tradentibus non assentiuntur? nō ergo Irenæus eos perstringit, qui diuinas cum lege & Prophetis reueriti, atque toto pectore amplexati scripturas negant in eisdem omnia esse comprehensâ fidei dogmata, quæ idè ex certa Apostolorum traditione palàm docet discenda: quemadmodum ex consequētibus eius verbis mox declarabitur. Cùm ergo contra Valentini & Marcionis & Cerinthi aliarumq; Apostolicæ Ecclesiæ pestium

Deprauat D. Irenæi locū Kemnicius.

Magistros Apostolos Kemnicius peruertit in Scripturas Apostolicas, vt impudentius rideat Catholicos.

discipulos ex professo agat, qui per hanc Apostolorum doctrinam nefarias suas quoque inuehebant traditiones nō scriptas, quas Apostolis dicebant ignotas; Apostolorum sese gloriantes (teste Irenæo cap. 1.) emendatores, & Apostolis (inquit cap. 2.) se esse sapientiores. Hos inquam sophos Irenæus perstringens demonstrat quanta infania isti miseri à se ipsi condemnati suæ resistent ac repugnent salutis, quemadmodum & alij omnes faciunt hæretici. Cum enim ex scripturis arguuntur (inquit. ca. 2.) in accusationem vertuntur scripturarum, & quæ seq. quas rectè hæreticorum notas scribit Kemnicius, sed in quosnam conueniant verè ac ipsare, nunc superest vt æquus iudicet arbiter.

Miratur gloriosulus iste cōuitiator, ni hac in hæreticorū descriptione nos nostras agnoscimus voces. Quid ita obsecro? Cū ex scripturis arguūtur (inquit Irenæus) in Scripturarū cōuertūtur accusationē: quam notā hæreticorū in nobis vult hære kemnicius. Sed obsecro te Kemnici, ad te paulisper redi. fatigat enim te, vt video, aut veriùs dementatum transuersum agit, si non dira maledicendi furia, saltem illaudata *ἀθυρολογία*. Nos ne scripturas accusamus, quasi non rectè habeant, aut quasi non sint ex auctoritate? an non omnes, quasi rectè habeant, nos reuerenter recipimus? an non vniuersas ex diuina auctoritate recipimus? Istius criminis Catholici nullo modo sumus affines, qui totum diuinarum Scripturarum Canoneq. citra vllam distinctionem aut mutilationem digna reuerentia pietatēq. suscipimus, adeò vt de illis cum D. August. iudicare non audeamus, sed indubitatissimam fidei ac religionis regulam & profiteamur, & incunctanter sequamur.

Sed nunc, an non vos istius re vera sacrilegi criminis conuincamini rei, paucis venit examinandum. An non vos scripturas accusatis quasi non rectè habeant, cū plurimas asseris sol. 274. sententias in nostra vetustissima versione nouis vestris humanis doctrinis aduersaria contra fidem fontium, quos dicis, Græcorum & Hebræorum additas, aut mutilatas, aut etiam mutatas & corruptas? immo expūctas, multisq. in locis (ais sol. 277.) transformatas ad dogmata Pontificia? Sed ad fontes, inquires, reuocandam Scripturam atque corrigendam contendo. Verum huic disputationi alibi prælusimus: ostendentes nō posse

nunc

Notas hæreticorū à Kemnicio annotatas in Lutheranos verè quadrare, nō in Catholicos.

Quod Confessionistæ Scripturas accusant quasi non rectè habeant.

August. de baptis. contra Donatist.

Quod variant scripturæ, à fontibus Hebræis & Græcis accusant eas Confessionistæ, nominatim verò Kemnicus.



nunc temporis post deprauatos manifesta Iudeorum impietate & liquida Græcorum aut potius hæreticorum corruptela fontes in vulgus notos loca malę versionis accusata tutò reuocari: quod vel te Kénici, si libellos nostros leui velitatione De optimo genere Scripturas interpretádi iam pridem editos petore candido perlustraris, affirmaturum opinor. Porro de aliquot vuculis obscuriùs, aut minùs propriè atq; emphaticè redditis, non reluctamur, qui illustrentur, suóque genuino reddantur sensui. Cæterùm de dogmatum nunc agitur veritate, quæ ex sacris Christianorum Bibliis ante vestras Euangelicorù corruptelas varias Ecclesiæ Dei notis longoq; usu receptis fidelissimè hauritur. Ad hæc eò progreditur vestra in Scripturas accusatio, vt vulgatæ versionis ea etiam loca rectè habere negetis, quæ vel Paulo teste sunt rectè conuersa: vnde ipsa rectissimè habere demonstramus. Sed reclamationem Kemnicius, Paulum errantes illos 70. interpretes secutum errasse: se verò fontes sequi Hebraicos, vnde iuxta Canonum & Hieron. sententiam „ solida sit petenda Scripturarum veritas. Hinc Psal. 19. legèdum „ contèdit Kemnicius: In omnem terrà exiuit regula eorum. „ — Audio fontes te iactare: sed vide Kemnici, moneo, ne pro thesauro fauro carbones: ne pro aqua vitæ toxicum haurias, quod sceleratissimi Iudæi & Christianorù & Christi sui in primis hostes suis postea admiscuere fontibus, aut deprauatis potiùs instillarunt lacunis: quod vel vnus Psal. 21. locus; Foderunt manus meas; adeò manifestè suo euincit exemplo, vt nullus Christianæ memor professionis sit inficiando. Verùm hac de re alibi opportunius: cuius prolixiorum qui desiderat explicatù, libellos quos De optimo interpretádi scripturas genere scripsimus, cõsulat; vnde perspiciat non esse istis fontibus, neque Hebraicis neque Græcis, qui in studioforum quidem sunt manibus, aut in vulgus noti, de Scripturarum veritate habendam fidem. Hunc igitur in modum non Catholici, sed vos Euangelici, Kemnici, scripturas accusatis quasi non rectè habeant, vt in præsens illa silentio prætereamus loca, quæ vester noui Euangelij Apostolus Lutherus aut sacrilegè detraxit, aut impiè de suo adtexuit, quò venenatam suam doctrinam aliquo confirmatam ostentaret scripturæ loco. Sed nunc alteram expendamus notam, qua D. Irenæus hæreticos iuxta Kemnicij censuram scripsit

2. Quod non rectè verè sunt à 70.

Qui 70. accusant, Paulum & Christum accusant.

Vide supra Item Dialogos Dubitantij li. 2.

3. Quod protestantes accusant Scripturas quasi non sint ex auctoritate.

agnoscendos. Accusant scripturas, inquit, quasi non sint ex auctoritate. Istam notam in me, & Pigbiū & Andradium Kemnicius (sed miror qua conscientia, qua fide) audet detorquere. Vbinam obsecro te Kemnici, hac vspiam sumus vbi accusatione? Vbinam scripturas negamus Canonicas? An quia Canonem Conc. Tridentini sequimur, qui iuxta antiquiss. Conciliorum decreta libros aliquot inter Canonicos suscipit, quos antiquitas nōdum omnis receperat? Atqui agitur, an negemus scripturas quasi non sint authenticæ? Istud demonstratum oportuit. Hoccine est Concilium Tridentinum examinare: an eius Patronos filiosq; deuotos maligna vexare calumnia? Sed non euades Kemnici, quin velis nolis agnoscas non solum te nos immeritò calumniatum: sed huius ipsius criminis nobis falsò obiecti temetipsum etiam teneri reum. Decretū Conc. Tridentini de scripturis Canonicis, quo profitentur se omnes reuerenter suscipere scripturas, quas toto orbe Catholica Dei Ecclesia iam pridem ante annos 1200. habuit Canonicas, cum oppugnas, an nō falsi crimine nos accusas, quòd scripturas accusamus, quasi non sint ex auctoritate? aliquam proferto, si vales, scripturarum portiunculam, quam Catholica non recipit Ecclesia, viceris: nosque & sacrilegos & hæreticos, & quod voles, euiceris. Iā cum nos istius reos peragere nequeas criminis, qui D. Augustinum, vt diximus, aliosque PP. Orthodoxos sequuti tanti libros Cano. suscipimus reuerentia, vt de iis iudicare non sustineamus; vide Kemnici, vt te de isthoc ipso, quod nobis improbè exprobraſti, purges. Prolixa admodum disputatione contendis non esse Canonicas Scripturas, Iudæis hac  
 „ in parte suffragatus, Tobiam, Machabæos, & reliquas. item  
 „ epistolas Iacobi, Iudæ, Petri 2. & 3. Iohannis, ad Hebræos, &  
 „ Apocalypsim. Quibus omnibus cum contra Ecclesiæ veteris  
 „ testificationem liquidamque in Conc. Laodicensi, & 3. Africano; item aliis Conciliis vniuersalibus auctoritatem manifestò detrahis Canonicam; an non liquidò conuictus teneris huius criminis, quòd scripturas cum hæreticis accusas, quasi non sint ex auctoritate? Atqui id facio (inquis) veteris Ecclesiæ iudicium sequutus, quæ illas pro indubitatis non habuit: non enim sine contradictione olim habebantur Canonicæ. A quibusdam tales non esse habitas in confesso est: sed quid de illis postea

Falsi crimine  
 Kemnicius te-  
 detur.

postea veneranda Ecclesiæ Dei Catholicæ decreuit ante annos 1200. auctoritas, tibi non est ignotū. Quod spiritus sancti iudiciū cum miris technis argutiq; sophismatibus, ne improbis dicam calumniis, vexare non sis veritus, vide ne istius temeritatis, immo tuæ cæcæ malignitatis meritis opinione citius luas pœnas. non enim cum Tridentini Concil. PP. tibi rixandum; sed cum venerandis Concil. 3. Africani, & Concilij Laodice-  
Vide Chroni-  
con D. Prosp.

ni, adeoque Constantinopolitani ferè 200. cum Patribus, immo cum Deo ipso tibi pugnādum fuit: cuius suggestionē iam pridem hic Conc. Tridentini Canon est præiudicatus atq; posteris præscriptus.

Sed quàm ingenio tuo candore facias indignum, Kemnici, quòd ista tuo in examine dissimulas, nolo nunc exaggerare: sicuti nec illas in D. Augustinum detorsiones manifestissimæque sophismata commemorare: quibus hîc nō est respondendi locus. Illud verè supra modū sum demiratus, eò deplorādæ profectò cæcitatē te calumniandi studio esse deuolutum, vt scribere non puduerit, Catholicos docere Ecclesiam posse ex falsis scriptis (ais fol. 241.) facere vera; ex veris falsa; ex dubiis & incertis certa; legitima, Canonica. Item Papam Romanū non esse veritum (ais fol. 253.) nouam fabricare scripturam Canonicam. Rursus (fol. 254.) Synodum Tridentinam affirmare ex apocryphis libros se facere Canonicos. Denique Decretales Rom. Pontificum non tantum æquari, sed præponi scripturæ Canonicae, idque manifestissimo (ais fol. 255.) crimine falsi. Verum nos istas putidas calumnias silentio maluimus obruere, quàm pro merito persequi: quum suamet vanitate omnibus vel mediocriter peritis manifestissima, sese iugulent. Illud verò te per Christum Kemnici obsecramus, vt ad te reuersus Catholicæ Dei Ecclesiæ tā manifesta cum Spiritus sancti contumelia maledicere desinas: sed ex vero citra dissimulationē, citra calumniam omnē cum ea agas, si pio veritatis aut discendæ, aut propugnandæ teneris studio. Cæterum, quòd in viâ redeat oratio, satis liquere arbitror, non Catholicos, sed qui se iactant Euangelicos, scripturas accusare, quasi non sint ex auctoritate, qui eas cum Luthero damnant quasi stramineas, aut spiritu Apostolico indignas. Fortè porro clamabit Kemnicus, vt est inuieto contentionis spiritu insignis, Catholicos non posse

Calūniæ Kem-  
nicij.

I

2

3

4

5

6

Scripturas Lu-  
therani faciunt  
& dicunt stra-  
mineas.

Tertis notam  
hæreticorū nō  
quadrare in Ca-  
tholicos.

alias D. Irenæi effugere notas, quin priscis illis hæreticis videan-  
tur persimiles, quod scripturas accusant quia variè sunt dictæ,  
& quia non possit ex his inueniri veritas ab his, qui nesciūt tra-  
ditionem: non enim per literas traditam illam, sed per viuam  
vocem. Hæc quidem criminatio aliquam apud imperitos in-  
ueniat veri speciem: quæ vltro tamen suos in fumos euanesce-  
re facili, si rem ipsam intueri citra personarum acceptionem nō  
dedignabuntur. Catholici cum doceamus non solum scriptu-  
ram nobis diuinitus traditam, sed certum eius etiam sensum  
ab Ecclesia petendum, potissimum quando dogma aliquod  
(veluti de S. Eucharistia, de Christi cum Patre æqualitate, ac  
Spiritus S. processione) in quæstionem abripitur, huius crimi-  
nis nisi per calūniam non possumus accusari, quasi eas cū pris-  
cis illis hæreticis infamemus, ceu varias, & non certo sensu ex  
Ecclesiæ iudicio, perpetuòque vet. Patrum consensu petendo  
dictas. Viderint autem aduersarij quoniam pacto sese orbi de-  
monstrent huius criminationis non esse affines: qui eundem  
verbi Dei locum tam variè laceratum, suis pro Dei verbo  
vendicare non desinunt, tanta contentione, vt se mutuò hæ-  
reticos pronunciare, adeoque proscribere non dubitent, vt de  
Christi in S. Eucharistia præsentia, de Christi vbiquitate, & o-  
mnipotentia, de libero arbitrio aliisq; vt modò adiaphora re-  
linquamus intacta. Sed excipiet Kemnicus, Illud saltem infi-  
ciari non potestis Pontificij, quin hac parte pristinis illis hære-  
ticis estis comparandi, quod & vos illorum exemplo docetis  
non posse ex scripturis inueniri veritatem ab his, qui nesciant  
traditionem; nō enim per literas dicitis eam traditam, sed per  
viuam vocem. Istud quidem sophisma ad fucum imperitis fa-  
ciendum aptissimè est comparatum: sed qui bona fide D. Ire-  
næi cum verba perspexerit, tum sententiam fuerit perscruta-  
tus, agnoscet perspicuè, nihil hæc aduersum Catholicos vale-  
re, qui ex traditione etiam non scripta more vet. Patrum veri-  
tatem doctrinæ Euangelicæ præter scripturas hauriendam do-  
cent. Nam D. Irenæus suam declarans sententiam, quam Kem-  
nicus fide non bona dissimulauit, luculenter distinguit inter  
traditiones viuz vocis: alias enim à Christianis prædicari, præ-  
ter diuinas Scripturas ab Apostolis per successiones (inquit)  
Presbyterorum in Ecclesiis custoditas: rursus alias ab hæreticis  
illius

Traditiones  
viuz vocis Ca-  
tholicorū, aliz  
Gnosticorū scri-  
pturas cōtinen-  
tiū, cōtra quos  
agit Irenæus.



illius sæculi Gnostici Scripturas contemnentibus iactari traditiones viuz vocis non ab Apostolis, quibus sese gloriabantur sapientiores: sed à suis magistris Valétino & Marcione aliisque. Non enim traditiones vtgebant isti Apostolicas, quod nos constanter facimus: sed quas sibi quisque à spiritu somniabat reuelatas: quemadmodum & nunc faciunt Euangelici isti cælestes Prophetæ, Zwencfeldiani, Anabaptistæ, aliique Swermeri non pauci. Sapientiam enim illam, de qua Paulus dixit, non huius mûdi loquimur inter perfectos, vnusquisque Gnosticorum, teste Irenæo, dicebat, quam à se ipso inuenit fictionem, vt veritas secundum eos aliquando sit in Valétino, aliquando in Marcione, aliquando in Cerintho, deinde in Basilide. Sed quocumque Christiani istas Gnosticorum refutarint, verè fictitias traditiones, doctrinasque merè humanas, mox declarat D. Irenæus, dum pronunciat vnumquemque istorum à se inuicem dissidentium regulam veritatis deprauantes non confundi seipsos prædicare, non verò Apostolos suæ doctrinæ magistros allegare. Nam hac regula ceulydio, quod dicitur, lapide, falsas atque commentitias Christiani istorum hæresiarcharum deprehendebant traditiones, quod nouis ipsorum Traditionibus Christianoque populo inauditis veteres, verèque Apostolicas opponebant traditiones: nõ quidem scripto, sed viua ipsorum voce in Ecclesiis relictas. Sic enim subtexit Irenæus. Cum autem ad eam iterum traditionem, quæ est ab Apostolis, prouocamus eos, qui aduersantur traditioni, dicunt se non solùm Presbyteris, sed Apostolis etiam sapientiores existentes, synceram inuenisse veritatem. Apostolos enim verbis saluatoris legalia admisuisse: se verò indubitatè & incõtaminatè & syncerè absconditum tenere mysterium: quod quidem impudentissimè est blasphemare suum factorem. euenit itaque neque scripturis, neque traditioni eos consentire. Aduersus tales nobis certamen est, et cæt. Qua ex conclusione D. Irenæi luce meridiana liquet clariùs non solum eum præter Scripturas agnoscere traditiones verè Apostolicas, viua tantum voce Ecclesiis traditas: sed easdè non scriptas etiã se illis opponere nõ scriptis traditionibus, quas cõtra Christianã doctrinã prisci hæresiarchæ Gnostici nouas inauditasque Ecclesiis inuehebãt. Verùm non quasilibet ait traditiones fuisse Apostolorum nomine susceptas, aut à

Solida traditionum distinctio petenda ex sua origine.

Nota quod Irenæus & alii primi Christiani hæreticos etiã traditionibus refutabãt, non solis scripturis.

Gnostici neque traditioni, neque Scripturis consentirebant.

aut à Christianis contra nouas gnosticorum blasphemias defensas: sed quæ ab Apostolis, inquit, susceptæ per successiones presbyterorum in Ecclesiis custodiuntur. Ad has igitur verè Apostolicas traditiones, sicuti tunc Christiani contra nouas hæreticorum opiniones prouocabant, ad eorumque normam & Canonem noua examinabant, expendebant, iudicabant dogmata: ita & nunc, & hætenus semper Catholica Dei Ecclesia omnes nouas, siue nouatas repugnantium siue oppugnantium hominum diiudicat & diiudicabit doctrinas.

## CAP. XV.

Epilogus de fidei  
Christianæ re-  
gula, quæ Scri-  
pturis & Apo-  
stolicis tradi-  
tionibus est com-  
prehensa.

HANC regulam igitur fidei Christianæ Scripturis & traditionibus Apostolicis viua voce in Ecclesia traditis cōprehensam cum sint PP. Conci. Tridentini sequuti; ecquid, obsecro, æquis lectoribus peccasse videbuntur, quodd præter diuinas scripturas, siue potius vnà cum scripturis, etiam Apostolicas non scriptas reuerèter suscipiunt traditiones? Sic enim D. Irenæus, immo Christiani omnes illa ætate Apostolica Ecclesiis præfæcti, Gnosticos non solum scripturis, quas illi accusabant, refutarunt, errorisque conuicerunt: sed traditionibus etiam Apostolicis viua voce per continuas presbyterorum successiones custoditis, quemadmodum vel solus illud D. Irenæi euincit Epilogus. Euem itaq; eos (Gnosticos inquit) qui & scripturas accusant & traditiones viuæ vocis Apostolicas quasi Apostolis sapientiores ridet ac spernunt; neque scripturis, neque traditionibus consentire. Stat ergo firnum, immortum, adeoque tam contra Kénicij quam delectorū Confessionis Augustanæ patronū calumnias inuictum illud fidei Christianæ fundamentum à Concilij Tridentini Patribus ad instar veteris Ecclesiæ Apostolicæ iactum siue renouatum, piis omnibus non solum scripturas diuinas & Canonicas: sed traditiones etiam tanquam ore tenus à Christo, vel à Spiritu sancto dictatas & continua successione in Ecclesia Catholica conseruatas, pari affectu ac reuerenter succipiendas ac venerandas. Vniuersis enim qui Christianum nomen cum dignitate, addo & veritate, tuendum sibi existimant, secundum doctrinam illam D. Pauli tenendæ sunt traditiones, quas Christiani initio accepimus siue per epistolam siue per sermonem. Hoc enim Apostolicum mandatum non solum fidem merebatur aut locum habuit, vti quidam nugantur, donec Canon scriptorum noui Testamēti esset absolutus; sed in

sed in finem vsque seculi, donec istius mundi non tam suo senio, aut mole, quàm nostro vitio ruentis cursus absoluator. Istud suo exemplo docet D. Irenæus Gnosticos & Scripturis & traditionibus Apostolicis non scriptis refutans: docet Hieronymus Iouinianum similiter expugnans: docet Basilius Eunomium eadem panoplia profligans: docet Epiphanius; docet Augustinus varia hæreticorum monstra diuinis scripturis venerandisque Apostolorum traditionibus refellens: quorum (vt alios breuitatis causa omittamus) vestigiis Catholica Christi Ecclesia insistens, Apostolicum illud depositum & scripturis & traditionibus non scriptis inuicta propugnat. Vnde acerbis & æquo acrioribus illis censoris Kemnicipii maledictis putidisque calumniis aliud nihil effectum est, quàm quòd veritas diuino Concilij Tridentini Decreto exposita, non expugnata, sed orbi facta est illustrior. Quòd vel censor iste rigidus sua sibi videns nunc erepta, quibus aduersus matrem suam, Catholicam dudum Ecclesiam, armatus ferociter pugnabat, stimulante conscientia cogatur agnoscere; ac se procul dubio de illorum esse numero, quibus Spiritus sanctus exitium interminatus, filij hominum, inquit, vsquequo graui corde? vt quid diligitis vanitatem, & queritis mendacium? de quorum numero se neger, vbi calumnias illas dudum ex plurimis, quibus præclarum suum Conci. Triden. examen onerare, ac verè contaminare non erubuit, commemoratas veritate demonstrarit subnixas. quod non magis vnquam effecerit, quàm suas Confessionis atque Apologiæ Augustinæ dudum longo catalogo recensitas calumnias Confessionistæ aut delecti eorum Patroni orbi probarint. Verùm nunc tempus est, vt vela contrahentes in portum nos recipiamus, quo præclaris illis doctrinæ Evangelicæ Antithesibus examinandis accedamus alacriores.

Ex superioribus igitur liquet, inuictiss. C. A. Maximiliane, Catholicos nequaquam in locum S. Scripturæ humanas inuexisse traditiones, aut pari pietate cum illa suscipiendas docere traditiones humana auctoritate constitutas: sed eam diuino suo honore dignati reuerenter in primis, immo religiosè habent pro certo indubiòque diuino Christianæ fidei fundamentum, ipsamque totam & inuiolatam amplexati verè ac iuxta sensum ab initio traditum intellectam, docent esse veram de doctrina iu-

Conclusio huius primi Tomi.

Scriptura est fidei fundamentum & iudicii norma, sed sensu ex traditione Apostolica petito illustrata.

ctrina iudicij normam, cuius ex sententia aut perspicua, aut traditionibus certò Apostolicis probata omnis error pestilès, aut noxia fidei corruptela sit refutanda & abolenda. Quemadmodum & olim S. PP. veteres in Conciliis Oecumenicis ad vnum omnibus, & nuper venerabiles admodum Patres in Concilio Tridentino ex verbo Dei scripto, diuina Apostolorum traditione, indubiàque orthodoxorum Patrum consuetudine liquidis Ecclesiæ Catholicæ moribus illustrata perspicuè orbi demonstrarunt. Euerso igitur ruinoso futiliq; illo Confessionistarum fundamento, quod totius suæ actionis contra Catholicam Christi Ecclesiã anhelantibus pulmonibus iacere videbantur; quid superest nisi vt omnia corruat? labefactato enim illo suo futili ac vanissimo fundamento, quod vanitate nixum ostendimus nõ subsistere, (quia Catholici neque S. Scripturam contumeliosè spreuerunt, neque in eius locum humanas traditiones inuexerunt) consequitur omnia illa vno lapsu corrui-  
re, quæ malè cohærentia superstruere conabantur. Sic enim deinde colligunt superioribus friuolis staminibus inania subtexentes licia. Qua ex re infinita hætenus, inquit, mala & incommoda in Ecclesia extiterunt, & damnum vix reparabile, multi in doctrina errores grauissimi, ac dogmata falsa & manifestè impia, cultus etiam Idololatrici, magicæ superstitio-  
nis pleni, &c. At isthæc cõuitia sunt præclari Confessionistarum Patroni, non argumenta refutatione digna. Eadem enim facilitate negantur, qua vobis affirmantur. Verum ista sese ita aperte & plenè demonstraturos confidunt ac planum facturos, vt quiuis (aiunt) intelligere possit, status atque ordines qui sunt  
Confessionis Augustinæ, non sine grauissimis, necessariis, atq; urgentibus causis non solum hoc Concilium Tridentinum, & cætera Pontificia Cõcilia recusare: sed etiam (vti in huius causæ adtexunt epilogò) necessariò sibi faciendum existimarunt, vt propter Dei gloriam & salutem suam suorumq; discederēt  
à Papatu, & veritatem agnitam constanter adfererent. Ista blasphemias semel demonstraturi Anonymi Confessionistarum defensores pollicentur sese primum quidem collatione vtriusque doctrinæ, puta suæ Euangelicæ, quæ in Ecclesiis (inquiunt) nostris sonat, & Catholicæ, quam dictitant conuitij causa Papi-  
sticam, facta, errores Pontificiorum in præcipuis fidei Christianæ

Anonymorum  
istorum patro-  
norum blasphemias  
cõclusio refellitur.



stianæ articulis ob oculos Lectori posituros; ordine ostensuri quo modo contra manifestam Scripturam & Patrum Ecclesiæ orthodoxæ consensum noua & impia dogmata inuexerit Papatus. Pòst deinde de superstitionibus atq; Idololâtricis & magicis cultibus, quibus Ecclesiam Pontificij contaminarûr, prophanarunt, adulterarunt. Hic igitur totius controuersiæ status est, an hæc sacrilega crimina verè Catholici designauerint, nec ne. Nos pernegamus constantissime, è contrario illi affirmant contentiosissime. Sed abiectis hisce temerè affirmandi atque negandi remoris, abruptaq; verè lignea isthac contentionum ferra, præclaras illas atque irrefragabiles, vti quidem opinâtur, aggrediamur expendere rationes, quibus istud infandum sacrilegium Catholicos sceleratè, nefariè ac impiè perpetrasse conuincere sese aiunt aduersarij. Quod ne immodico fiat pij Lectoris fastidio, hunc laborem interfecabimus, quò ad grauisimarum de principibus fidei Christianæ capitibus controuersiarum arbitrium accedat alacrior.

Transiit ad secundum Tomum: quæ habet eius epitomen atque tractandi methodum.

Finis Tomi primi.